

Luka

Lukaŋo Yesu Wane Donkisi Teopilus Qe Mange

¹ O, Teopilus suainene. Mokaka ŋei loutne eŋe Anutuŋo kine kine wele maki keuno wakonge, ea wane don kisi tegoke more qekoi. ² Don kisi yewa mo ŋei weneŋ osop ge more, deene qomineŋo alakan wakongi, kinerop ka detka okangoi, eŋe ŋedangoi. Ŋei eao kine kine one more, Anutu wane biŋek don ra qelaŋangoi. ³ Pakimo noŋo yalewaka mo kino ŋineka kine kine wakone sarike, ea wane bororom ra qeson okane, kine dere detluk kawarewe, pakimo koso ge iwa sorok sorok qetitike qe ginmaile. ⁴ Pakimo, ge iwa dapore more, iwa yale detnom qoeake. Eŋe kito gingoi, yewa mo kine kine wele!

Aŋeloŋo Yohane Wakoniakane Zekaraia Olatke

⁵ Naso Herot eŋe Yuda kepeo ŋei waom geke, yewao mosop ŋei mane geke, eŋetine Zekaraia, eŋe mosop ŋei Abiya wane tegoo ŋine. Ŋanominane eŋetne Elizabet, eŋe yalewaka mosop ŋei tego eŋano ŋine. ⁶ Ere Anutu wane kaitko gegeetne koboboinine geuk paki, Waom wane ra rokop donine koropka tewekkoik. ⁷ Elizabet eŋe qaton gekane ere medewekopetne midaine ge mage, ŋei ŋerep sele okangoik.

⁸ Naso maneo, Zekaraia wane nasoo, eŋe Anutu wane Bakom Urumgo urataine mayakane sarike. ⁹ Sarikiso, mosop ŋei korop urataine welaine welaine maikei wane okane weneŋ

sarikoi, pakiso, Zekaraia eje kopu qounerop kiwakeakane rakauso Anutu Wane Bakom Urum kotino waketke. ¹⁰ Waket more, kopu qounerop kiwakki, so nei n̄rep magu eje n̄adino Anutu mejenka gekoi.

¹¹ Pakiso, Waom wane anelo manenjo wakone more, kopu qounerop kiwa kiwak, ea wane zake nat paromino wongoken yewa okorake. ¹² Okorakiso, Zekaraiano kaki paki qise more, ikki kito qokkake. ¹³ Yale okangimo, anelono iwa yale olatke, “Zekaraia, ge mi kaetgangep! Anutuno meje mejenone mo detke, ea wane mo nanomone Elizabetno medep natke more mayake, enane enetine Yohane orakene. ¹⁴ Ge enane wet pesek dere more bakom kitokene, so nei n̄rep korop ene yalewaka wakongi dere more simile oniake! ¹⁵ Ene Waom wane kaitko nei suaine okane geake, eje wain so doku togole mi neake. Ene medep abubuka paki Asu Koboboinejo enane kotino ket more geake. ¹⁶ Pakimo, eje Israel nei n̄rep korop mainongi, koso zinge more Waomene Anutu, kaitno kitokei. ¹⁷ Anutu wane don saenine rara nei, Elaiya wano Asu so zonom pake, rokop yalewaka pa mangi, ene Waom alakane geake, pakimo, nei n̄rep suaine so medep nigatne enane wetene maton tolaki weku okaniake, so wet togon nei ene mainongi, koboboine enane numao waketkei. Yale okangimo, eje Waom wane nei n̄rep korop maki eweke more gekei.”

¹⁸ Rakimo, Zekaraiano anelo olale rake, “Na daleo don iwa ramaine, ea detpe wele okaniake? Na

mo ɲei sele okanmaile, so ɲanomne eɲe yalewaka sele okanmaike.”

¹⁹ Rakimo, aɲeloɲo iwa yale olatke, “Na Gabriel, na Anutu wane kaitko ge okanmaile, oɲo tal-enangi sari, qom menaɲ don iwa golatmaile.

²⁰ Pakimo, ge naɲane don detnom wele mi okangi, detlukmaine, ea wane turuɲine ge qelaɲ okane more, don raraɲone midaine genom, don golatmaile, iwa wele wakoniake.”

²¹ Zekaraia eɲe Anutu wane Bakom Urumgo yale okane geki, ɲei ɲerep eɲe naso kiroine tomaka more kinane ɲaɲaekoi.

²² Zakaria eɲe Anutu wane Bakom Urumgo ɲine saket more don edaniakane ɲaɲaেকে, ea wane eɲe mo wetke rakoi, eɲe tanik mane Anutu wane Bakom Urumgo wakongi kake. Pakiso, eɲe don edaniakane ɲaɲaeso metineɲoka kait masi ma okanonge.

²³ Yale okane geki urumgo urata mama nasoine qoekiso, Zakariaɲo matino zinge arike.

²⁴ Pakiso ɲado ɲanomine Elizabet eɲe medep ɲatkeke. ɲatke more, siu siuko geki, meso mete mane qoekiso rake, ²⁵ “Waomɲo naso motke, yewa bomileki qesiɲane more, gamune yewa ɲei ɲerep eɲane kaiteno ɲine ma biraki ariake!”

Aɲeloɲo Yesu Wakoniakane Maria Olatke

²⁶ Meso 6 qoekiso, Anutuɲo aɲelo Gabriel talekaki, Galili kepeo Nazaret matko arike. ²⁷ Eɲe ari more ɲerep natewen mane eɲetne Maria, ɲei mane eɲetne Yosep, eɲane biɲek qeu geke, eɲano lotkeke, Yosep eɲe ɲei waom Dawit wane tutule.

²⁸ Pakimo, aɲeloɲo Maria wano wakone more

rake, “Peamño gerop payake! Waomño gerop gemaïke so suaineke mosop ganmaïke!”

²⁹ Anelono don yale rakimo, Mariano detki qekaki wetneño iwa yale wetkeke, “Don iwa onoka wane nolatmaïke?” ³⁰ Pakimo, anelono olale rake, “Maria ge misuk kaet gangep, Anutuño gangi menanmaïke. ³¹ Detmaine, ge medep ñatke more manom paki, enetne Yesu orakene. ³² Eñe ban ñei kakapa suaine okaniake, pakimo, eñe ban enetine qeliwo Anutu Wawaine enane Medep orakei. Pakimo, ban Waom Anutuño ñaboine Dawit yale, ñei waom birakaki geake. ³³ Ge more, Yakop wane ñosa wili wiliine enane ñei waom okane, qoi qoine midaine wareone tako rakot ge ari more geake!”

³⁴ Rakimo, Mariano anelo iwa yale olatke, “Na natewen, ñerop mane mi gemaïle, yalinanemo ge don ramaine, yewa daleo wele mosiake?”

³⁵ Anelono done turuñine mainge rake, “Asu Koboboineño geñane kutko kesiake, so Anutu wane zonomño geñano ket more qesin ganiake, kine yalewa wane medep koboboine maikene, enane enetne ban Anutu wane Medep orakei. ³⁶ Detmaine, kimanone Elizabet eñe ñerep seleno medep ñatke geki, meso 6 okanmaïke. Eñe ñerep qaton, yale ora ra okanmami, ño eñe siluñ medep ñatkemaïke. ³⁷ Anutuño kine kine mane okaniakane mi qekayake.”

³⁸ Rakiso, Mariano rake, “Na waom wane qelit ñerep, ea wane ge don ramaine, yale okannaniake.” Yale rakiso, anelono arike.

Mariano Ari Elizabet Kulitka Ari Kake

³⁹ Maria eɛe geƙi, mi azongi ikopka eweke more, Yuda kepe bonagaino mat mane metke, yewa arike. ⁴⁰ Ari lotke more, Zekaraia wane matko wa more, so Elizabet kaki pakiso, oi bakom okankake. ⁴¹ Elizabetɔ Maria wane oi bakom yewa dere metkiso, medepɔ yewaka moea ɲatino uɲap make, pakiso Asu Koboboinɔ Elizabet wane kotino watkeke. ⁴² Pakiso, Elizabetɔ mawaka so don iwa yale rake, “Nɛrep ki-maze, geɲane mosop korop yewaɲo ɲerep natne eɛe yuan onwaremaike, so medep ɲatɲono metmaike, eɛe yalewaka mosop korop. ⁴³ Onoka maepnane, Waomnane nagainɛno nanikenane sarimaine? ⁴⁴ Oi bakom okan nannom, ketno ketki ɲatno medepɔ uɲap mamaike, so bakom kitomaike. ⁴⁵ Ge wet pesek suaine okanmaine, ge Waom wane biɲek don golatke, yewa detnom wele okange, ea wane wele geɲano wakoniake.”

Maria Wane Bakom Eɲet

⁴⁶ Mariaɲo rake,

“Qomneɲo Waom mawa kamaike, ⁴⁷⁻⁴⁹ Anutuɲo mauluk nanmaike, eɛe qelit ɲerep meine ket qeqine naɲane wetkemaikɛ, ea wane oɲa oɲaneɲo wet pesek okanmaikɛ. To-gole welaine Anutuɲo masi kakapa naɲano mamaikɛ, ea wane ukude so baɲ ɲado ɲei ɲerep kepe korop maguine maguine nora-manɲeki, ‘Anutuɲo mosop gange.’ Anutu ea eɲane eɲetine koboboine. ⁵⁰ ɲei ɲerep eɛe Anutu ewino kito okanmami, eɛe eɲano so eɲane doko ɲosa wili wiliene

wet maep ebon mageake. ⁵¹ Ene kabirimine togogleka bira more, nei wawaine ge okanmami, esopongi yau yaup ari okanmami. ⁵² Ene nei waom togogle met meteno nine maket biraone more, nei ketelele gemami, ene ebu wa meŋo biraon okanmaike. ⁵³ Bodi so abone midaine ge okanmami, ene kine kine mayakatne ge watke ebon okanmaike. No riwe morian so aboneerop ge okanmami, ene yemo esopongi, ene meteenoka qeliŋka ari okanmami. ⁵⁴ Ene ra rokop donine nabokopze enano ra togoleke, yewa ware kamaike, ene qelit neiine Israel qesiŋ kamaike. ⁵⁵ Ene naboze Abraham so enane doko nosa wili wilikoune, enano wet maep ebone ariake.”

⁵⁶ Maria ene meso karewe Elizabet korop geki, pakiso koso zinge matino arike.

Yohane Wakonge

⁵⁷ Elizabet ene nasoine bomilekiso, medep nei make. ⁵⁸ Pakiso, Elizabet matkoune so wenem sotawekoune ene kisiine ea dere so Waomno wet maepinane kine enano ma wakonge, ea wane dere so enerop weneŋ bakom kitokoi.

⁵⁹ Kaiwe urata mama 8 goekiso, ene lewageu, medepinane yaine solaine kitatko, pakiso, medep wane enetne magaine Zekaraia wasekakei wane rakoi. ⁶⁰ Rauso, nagaineno kitatone more rake, “Mida! Enetine Yohane orakene.”

⁶¹ Yale rakiso, ene olale rakoi, “Mame asokopone enane wase wase enet mane yale mi pamaike!” ⁶² Ra kito qok yale okanmage,

so magaine metenoka kait masi okanka more, medep enjetne orayakane qesonkakoi.

⁶³ Pakiso, Zekaraia enje tape wane raki man-biso, iwa yale qeke, “Enjetine Yohane.” Pakiso, enje korop qise nagukoi! ⁶⁴ Mi azongiso, Zekaraia maine mo menange, paki don raraine wakongiso, Anutu enjetine ma wakake. ⁶⁵ Pakiso, mat loli lolik nei nrep gekoi, enje don kisi yewa detpi kaetonge. So Yuda kepe menjoino mat mere arike, yewao don kisi yewa wenen anango anja auye okan warekoi. ⁶⁶ Don kisi detkoi, nei nrep yewa enje don kisi yewa wetke ge more qesone rakoi, “Medep yaline sua more daleo okaniake?” Enje mo detkoi, Waom wane zonomjo mo kutno wa pake.

Zekaraiano Don Nanengo Rake

⁶⁷ Asu Koboboinejo Yohane magaine Zekaraia wane kotino ket watkeke, paki enje Anutu ma waka more, iwa yale rake,

⁶⁸ “Nene Waom ma wakanem, Israel wane Anutu! Enje sariki paki, nei nrewekoune qesin onmai, enje koso siwot onmai. ⁶⁹ Qelit medeune Dawit wane nabokoune nenane keuo nine, nei togogole mane ma wakonkaki, ojo ban maulukoniake. ⁷⁰ Enje mokaka qelit neikoune koboboine edangi, don nenzo ra gekoi, ⁷¹ ban nabokopze enjane meteenon nine koso mainjongi zingekene, so qaisikjon okanmami, enjane meteenon nine makok joni. ⁷² Nabokopze enjerop tako rakot togon koboboine okaniakane detongi, paki masi wet maep mayakatne

enano okanoniake. ⁷³ Eje n̄aboze Abraham ra togole mangane, n̄abakopze enano n̄ine makok n̄oniake. ⁷⁴ So detn̄ongi, kaetze midaine qelidine gekene. ⁷⁵ Paki, enane kaitko kepeo gekene, rokop naso banem sot turun̄ze midaine koboboine gekene. ⁷⁶ Medepne, ge ene ban̄ Anutu Wawainane qelit n̄ei gorakei, gon̄o ban̄ Waom wane n̄etne kisage alakangene, enane numaine lapongenane. ⁷⁷ Gon̄o ban̄ n̄ei n̄erewekoune kito ebon okannom. ‘Anutuŋo enane sotene nigetkaki qelin̄oniake, yale okane more mauluk n̄uniake.’ ⁷⁸ Anutuze ene wet maepine suaine pa maikane ban̄ raki, wet maepine ea kepe qae qae yale qelan̄an n̄oniake, so wet maepine eaŋo ene mauluk n̄ongi menan̄gene. ⁷⁹ Anutuŋo qeliwo n̄ine qelan̄anine maki sirike, seu seu wane panaman ruwitko gemami, yewa qelan̄anoniake, pakimo, sikann̄ongi, peam wane numa wakongi, maine gesoke arikene.”

⁸⁰ Pakiso, medep ene suakiso, Waom wano dereretinen̄o yale waka suake, ene kepe yaup papaino gemageki, urata mamainane naso bomilekiso, Israel magu enano wakonge.

2

Yesu Wakonge

¹ Naso yewao kepe ware ware Sisa Augustusn̄o raki, Roman kepeo gavaman n̄ei n̄erep korop en̄etene qe dapot okanwarekoi. ² Urata yaline

alakan mi mamaine. Naso yewao Kirinius eņe Siria kepeo ware ware suaine gekimo, kunenĵine kiekkoi. ³ Pakimo, ea wane eņetene qe dapot okanongeĵi wane, ĵei ĵerep korop wakon wakon mateno ariwarekoi.

⁴ Ariwareuso, Yosep eņe Dawit wane ĵosa wili wiliineņo Galili kepeo, Nazaret matko ĵine, yale waka wie more, Yuda kepeo ĵei waom Dawit wane wako wakon matine Betlehem, yewa arike. ⁵ Eņe ĵerep biņekine Mariarop eņetetne qekeĵi wane medep ĵat korop iwenkaki arikoik. ⁶ Ari Betlehem matko lotkeuk, so Maria medep mayakane nasoine bomileke, ⁷ pakiso, alakan medepine ma more, laplapņo kawetka more, bulamakau kudeo birakaki pake, ĵei edo lobo mat mo watkewarekoi, wane ere qeka more, so bulamakau eņane matko waket metkoik.

Lama Ware Ware So Anĵelo

⁸ Kepe mat yewaoka ĵei natne eņe goigo lamakopene wareone metkoi, ⁹ pakiso, Waom wane anĵelo maneņo eņano wakongi, Waom wane qilauneņo qelanņanonge, pakiso, eņe ka more zok kaetonge. ¹⁰ Pakiso, anĵeloņo edane rake, “Mi kaet ĵungep! Na iwa ĵinane wet maep don magemaille, ea wane weleine ĵei ĵerep korop ĵinano wet pesek wakoniake, ¹¹ ukude kaiwe iwao Dawit wane matko medep ĵei wakonmaike, eņe ĵine ma menanņuniake, eņetine Kristo Waom! ¹² Pakimo, ĵidanbe detpi! Ĵine medep nigatne abubu laplapņo kawetka kawetkaine, bulamakau kudeo paki, ari maratkaikei.”

¹³ Yale rakiso, yewaoka qeliwo njine anjelo magu edo ikopka anjelo kimaenano lewage, enjet kito more Anutu ma wakakoi,

¹⁴ “Bakom mawa mawa Anutu weti qeliwo so kepeo nej kima mauluk okanonmaike, enjano peam wakonmaike!”

¹⁵ Anjelo enje qeliwo zinge wawareuso, lama ware ware enje iwa yale ra more aukoi, “Nene Betlehem matko wa more, Waomņo tanik wakongi njedanmaike, yewa kanjem.”

¹⁶ Yale ra more, ikopka arikoi, ari Maria so Yosep maratore so, kau medep abubu laplapņo kawetka kawetkaine, bulamakau kudeo pake.

¹⁷ Ka more, medep wane don kisi anjeloņo edange, yewa ra wakongoi. ¹⁸ Pakiso, lama ware ware enjane piwo njine don kisiwa detkoi, enje korop welelepkekoi. ¹⁹ Mariano yemo don yewa wetke more, dere detsorok qesorok okane geke. ²⁰ Pakiso, lama ware ware enje anjelo edange, rokop kakoi, so detkoi, ea wane zinge more, enjet kito more Anutu bakomine kitokoi.

Yesu Enjetne Orakoi

²¹ Soda qoeki, kaiwe 8 okangiso, medep yaine solaine kitareso, enjetine Yesu orakoi, enjet yewa mo medep enje mi wakongi, anjeloņo ra wakonge.

Maria So Yosep Eto Yesu Anutu Bakom Urumgo Ma Wakoik.

²² Pakiso, Mose wane ra rokop don pake, yewa Mariano teweke more titi ge more, sola ma more Yosep korop medep Yerusalem matko ma wa more, so Waom wane binjek qekoi. ²³ Waom wane ra rokop dongo iwa yale qeko, “Medep

nei mikepka wakonbi, Waom wane binjek qekei.”
²⁴ Ere yale waka Waom wane soe soep mitkeik wane, ra rokop dongo nanji baluse etke me baluse nigatne etke, ma more arikoik.

²⁵ Naso yewaoka, nei mane, ejetne Simeon eje Yerusalem matko geke, eje koboboine Anutu ewino kito ge more, Israel nei magu menangei wane toma geke, pakiso, Asu Koboboinejo wenej kotino geke. ²⁶ Ge more, don iwa yale ra wakone olatke, “Ge ikop mi seukkene, ge ge more, deñonejo Waom wane Mesia wakongi kaikene.”

²⁷ Pakiso, Asujo Simeon talekaki, Anutu Wane Bakom Urungo wake, wakiso, Mariano Josep ere ra rokop don teweke more, Yesu medep yewaka ma more Anutu Wane Bakom Urungo ma wakoik. ²⁸ Pakiso, Simeonjo Yesu medep ma more koan̄ka okoraso, Anutu bakomine kito more rake,

²⁹ “O, Waom, ge ukude donñone rakone yewa warekamaine, ea wane qelit ñeñone maine birakanom peango ariake. ³⁰ Na dene qominejo geñane medep kaulukmaile, eje bañ ñado nei ñerep ma menañ oniake. ³¹ Ge mauluk mauluk medep ea kepe bañem nei ñerep korop eñane deenejo kaikei wane matuzupke more ma wakonkamaine, ³² medep yewajo qelañ eñano geñane qelañanjo wetene ma qelañanmaike, ño nei ñerewekopñone Israel eñane ejet binjekene ma wiemaikē.”

³³ Simeonjo medep wane don yale rakimo,

naga magaine ere detpik manerop wawaine okangi, oṅaetne qaeke. ³⁴ Simeonṅo mosopone, so medep nagaine Maria olale rake, “Detmaine! Anutuṅo medep iwa birakake, eṅano Israel ṅei poripkekei wane raraine, natne eṅe eṅano kito sorodoge kito yau more ket rasu warekei, ṅo natne eṅe eṅano kito togole more menaṅgei. So ṅei loutne numaene leṅleṅinane ma ket biraka zok manerop okankaiki, ³⁵ ea wane ṅei loutne eṅane kineene wakoniake, so geṅone wet borik tabaineṅo qomṅone rasu tabaeake, tanik yaline wakoniake.”

³⁶ Pakimo, sele ṅerep mane geke, eṅetne Ana, Panuel wane borasine, Aser wane tegoo ṅine, eṅe natewenino ṅei ma more geki, koma 7 okangi mo, ṅaone seukke. ³⁷ Seukkimo, eṅe mala okane ge ari mage komaine 84 rutupke, so sele okange, eṅe Anutu wane Bakom Urungo tako rakot ruo kaiwe, wawa ket ket okane, so Anutu wane ra wage, so meṅen meṅen urata mageke. ³⁸ Naso, yewaoka eṅe Anutu wane Bakom Urungo wa more so Anutu bakomine kitoke, so Yesu medep wane don kisiine ra wakone, ṅei ṅerep korop Anutuṅo Yerusalem koso siwot oniakane toma pakoi, eṅe edange.

Yosep Eṅe Koso Nazaret Zingeke

³⁹ Yosep ṅo Maria ere Waom wane ra rokop dongo raraine yalewa okanbik qoekiso koso zinge more Nazaret mateno, Galili kepeo arikoik. ⁴⁰ Yewa geukso, Anutuṅo Yesu medep kito qesiṅ okankaki, sua togole okangi, dereretine suake. Pakiso, Anutu wane mosopṅo kutino wa pake.

Yesu Medep Komaine 12 Okangi Yerusalem Anutu Wane Bakom Urungo Wake

⁴¹ Maria so Yosep ere peada banem anjelo lolonjon lolonjon peada wane Yerusalem ari okanmankoik. ⁴² Pakiso, Yesu medep mo komaine 12 okangiso, wenen iwenkauk so anjelo lolonjon lolonjon peada wane Yerusalem matko wakoi. ⁴³ Wa geu peada qoekiso, Maria no Yosep ere Yesu medep kito qokkauk, Yerusalem matko metkiso, eretneka zinge arikoik. ⁴⁴ Ari more nei njerop magu natne enjerop alakane arimi ra, kimakopetne enjane keueno zuanjka arimageuk, ruo kereke. ⁴⁵ Kepe qaekiso zuanjka mageuk borikiso, koso zinge Yerusalem matko zuanjka arikoik. ⁴⁶ Ari zuanjka geuk, kaiwe karewe okangiso, ari Anutu wane Bakom Urungo metki, wa more maratkakoik. Ene yewa Yuda kito ebo ebon enjane keueno mere, don rau dere so kinane ra qeson okanonge. ⁴⁷ Pakiso, nei yewa wenen metkoi, ene kau paki qeso qesonene ewekineka mainge okange, yewa wane onjane zok qaeki, don dereretinane manerop welelepkekoi. ⁴⁸ Enjane keueno metki, naga magaine ere ka more onjane qaeki, pakiso nagaineno olale rake, “Giponne, ge onoka wane yale okanotmaine, pakimo maganonerop nere qom sua zok okane zuanjane gemaite?”

⁴⁹ rakiso etane rake, “Nire onoka wane zok zuanjane gemamik? Na Maganane matko gekalane raraine yewa nire mi detmamik me?”
⁵⁰ Yale rakimo, ere don yewa wane kine mi detlukkoik.

⁵¹ Pakiso, eñe naga magaine ererop wenen Nazaret matko zinge arikoi, yewa naga magaine erane añaetne teweke geke, ño nagainoño yemo donine detke, rokop wetino motki paki wetke geke. ⁵² Pakiso, Yesu eñe dereretine so solaine, wenen sua togole okangiso, Anutu so ñei wenen eñe kau menaño.

3

Yohane Doku Tau Tauño Anutu Wane Don Ra Qelañanmaike

¹ Taiberius Sisa eñe koma 15 Roman kepe ware ware suaine geke. Pakiso, eñane ketkele, Pontius Pilat eñe Yuda kepeo ñei waom geke, ño Herot, eñe Pilat wane ketkele, eñe Galili kepeo ñei waom gekiso, ñole Pilip, eñe Iturea so Trakonitis kepeo ñei waom geke. Ño Lisanas eñe Abilene kepeo ñei waom geke. ² Ño mosop ñei ñetne etke gekoik, Anas so Kaiapasi, naso yewao Zekaraia wane gipole Yohane eñe kepe yaup papaino gekiso, Anutu wane donño ketno ketke. ³ Pakiso, Yohane eñe Yordan doku erinat so inat geware more, ñei ñerep iwa yale edane rake, “Ñine borikineñine ñadek kawareu paki, doku taukei, Anutuño sot turuñine qeliñwareake.” ⁴ Anutu wane qelit ñei, propet Isaiaño ea wane done iwa yale dere more geke,

“Kepe yaup papaino ñei maneno boka woka mane iwa yale ramaike, ‘Waom wane numa makoboëu, numaine kitou digin qekep!’ ⁵ Wagemine korop somewareu, meñoine so bonagaina korop kito kito

pelekeu digin qekep. Duma kuŋ qe-
goŋine kito koboeu koboekep, so kito wa
kito ketine ma sorokey, qe leleke ket
sorodongep. ⁶ Paki daleo Anutuŋo ŋei
ŋerep ma menaŋoniake, ea wane kine eŋe
kaulukkei.’ ”

⁷ Ŋei ŋerep magu suaineŋo doku tau tau wane
Yohane wano lotke warekoi, pakimo Yohanenjo
edange, “Ŋine koma wane doko ŋosakoune,
ŋine Anutu wano ŋine borikinane turuŋine
zingeakane okanmaike, yewa kakak kaikei wane
maŋo ŋidange me? ⁸ Ŋine wetŋine mainge
ware more, ea wane weleine maratkau, so
ŋine ŋidomka misuk kieke more, ŋene Abraham
wane ŋabokoune raikēi, na ŋidanmaile, Anutu
eŋe maine wesi iwaŋo maki Abraham wane
ŋabokoune koso musele maine wakonge! ⁹ Naka
mo eki kino mot mole, ea wane eki mane eŋe wele
maine mi qeki, kitare more gerepko pekekeu
zeake.”

¹⁰ Pakiso, ŋei ŋerep eŋe qesonka rakoi, “Ŋene
daleo okanikene?”

¹¹ Rauso, eŋe mainge edange, “Ŋei mane eŋe
takot etke mage more, takot mane kimaine takot
midaine ka more, eŋe maniake. Ŋei mane eŋe
ŋaraine weneŋo rokop, yalewaka okaniake.”

¹² Pakiso, takis mama eŋe yaleka doku taukei
wane lotke more, qesonka rakoi, “Kito ŋebo
ŋebon ŋene daleo okanikene?”

¹³ Rauso edange, “Ŋine ŋei eŋano ŋine takis
maikei wane raraine, rokop yewa yale waka ma
okanikei, ŋinŋine wetŋino misuk qeyau kere koso
takotke maikēi.”

¹⁴ Kawali nei natnejo yale waka qesonka rakoi, “No nenewa? Nene daleo okanikene?”

Rauso, eje edane rake, “Njine nei engu kito, me isi more wesiene zok yaup misuk omakongei, njine wesinjine ma okanmami, yewa wane rokopka maikai.”

Yohanenjo Yesu Wane Kine Ra Qelanane edange

¹⁵ Pakiso nei njerep eje weteno saqe saqe okangi, dere siuke more rakoi, “Eje Mesia me mida?” ¹⁶ Yohanenjo korop edane rake, “Nonjo dokuka taunjunmaile, mane njadeno sarimaiké, eje zonomine zok manerop pa manmaiké. Eje nanane rokop mida, namde enane qelit qege meine. Onjo njine natne boan Asu Koboboine njiboniaké, no njine natne gerepnjo njizoyaké. ¹⁷ Eje sawoliinerop sari more, njarine eune ma more wele peikki urumgo wayaké, no nei sinoine yewamo peikki gerep togongo wa more ezowareake.”

¹⁸ Yohanenjo numa tanik kine kineo more, binjek don nei njerep edange, so gege mageene gotkoine qelinjakei wane qebinonge, so miti edange. ¹⁹ Pakimo nei waomene Herot, eje njolane njanomine Herodias kobu make, so borikine natne wenenj make, ea wane Yohanenjo girem don olatke. ²⁰ Herot eje sot yewa okange, so koso takotke more sot mane kakapa suaine manerop okange, eamo Yohane mulap urumgo birakake.

Yohanenjo Yesu Doku Taukake

²¹ Nei njerep loutne eje Yohane wano lotke more doku taukoi, pakiso Yesu eje yalewaka ari more tauke. Tau more menjenka metkiso,

qeli ananje. ²² Pakiso, Asu Koboboinenjo sola bikum gorop okane, baluse yale lele more, so Yesu wane kutno ketke. Pakiso, qeliwo njine don mane iwa yale raki sarike, “Ge nae gipon maepne, na genane zok similenan okanmaike.”

Yesu Wane Nosa Wili Wilikouna

²³ Yesu ene komaine 30 okangi, so urataine kieke make, nei njerep ene Yesu wane detpi, Yosep wane gipole okange. Yosep ene Heli wane gipole. ²⁴ Heli ene Matat wane gipole. Matat ene Lewi wane gipaole. Lewi ene Meliki wane gipole, Meliki ene Yanai wane gipole, Yanai ene Yosep wane gipole, ²⁵ Yosep ene Matatias wan gipole, Matatias ene Amos wane gipole, Amos ene Nahum wane gipole, Nahum ene Esil wane gipole, Elis ene Nagai wane gipole, ²⁶ Nagai ene Mat wane gipole, Mat ene Matatias wane gipole, Matatias ene Semen wane gipole, Semen ene Yesek wane gipole, Yesek ene Yoda wane gipole, ²⁷ Yoda ene Yoanan wane gipole, Yoanan ene Resa wane gipole, Resa ene Zerubabel wane gipole, Zerubabel ene Sealtiel wane gipole, Sealtiel ene Neri wane gipole, ²⁸ Neri ene Meliki wane gipole, Meliki ene Adi wane gipole, Adi ene Kosam wane gipole, Kosam ene Elmadam wane gipole, Elmadam ene Eri wane gipole, ²⁹ Eri ene Yosua wane gipole, Yosua ene Eliezer wane gipole, Eliezer ene Yorim wane gipole, Yorim ene Matat wane gipole, Matat ene Lewi wane gipole, ³⁰ Lewi ene Simeon wane gipole, Simeon ene Yuda wane gipole, Yuda ene Yosep wane gipole, Yosep ene Yonam wane gipole, Yonam ene Eliakim wane

gipole, ³¹ Eliakim eɛe Melea wane gipole, Melea eɛe Menna wane gipole, Menna eɛe Matata wane gipole, Matata eɛe Natan wane gipole, Natan eɛe Dawit wane gipole, ³² Dawit eɛe Yese wane gipole, Yese eɛe Obet wane gipole, Obet eɛe Boaz wane gipole, Boaz eɛe Salmon wane gipole, Salmon eɛe Nason wane gipole, ³³ Nason eɛe Aminadap wane gipole, Aminadap eɛe Atmin wane gipole, Atmin eɛe Arni wane gipole, Arni eɛe Hezoron wane gipole, Hezoron eɛe Perez wane gipole, Perez eɛe Yuda wane gipole, ³⁴ Yuda eɛe Yakop wane gipole, Yakop eɛe Isak wane gipole, Isak eɛe Abraham wane gipole, Abraham eɛe Tera wane gipole, Tera eɛe Nahor wane gipole, ³⁵ Nahor eɛe Seruk wane gipole, Seruk eɛe Reu wane gipole, Reu eɛe Pelek wane gipole, Pelek eɛe Eber wane gipole, Eber eɛe Sela wane gipole, ³⁶ Sela eɛe Kainan wane gipole, Kainan eɛe Arpakasat wane gipole, Arpakasat eɛe Sem wane gipole, Sem eɛe Noa wane gipole, Noa eɛe Lamek wane gipole, ³⁷ Lamek eɛe Metusela wane gipole, Metusela eɛe Enok wane gipole, Enok eɛe Yaret wane gipole, Yaret eɛe Mahalalel wane gipole, Mahalalel eɛe Kenan wane gipole, ³⁸ Kenan eɛe Enos wane gipole, Enos eɛe Set wane gipole, Set eɛe Adam wane gipole, Adam eɛe Anutu wane gipole.

4

Satanŋo Yesu Liwekkake

¹ Yesu eɛe Asu Koboboinenŋo kotino watkeki, Yordan dokuo ŋine zinge sariki, Asuŋoka qe-binkaki, kepe yaup papaino arike. ² Ari goiŋ

kaiwe 40, yale gekiso, Satango liwekkake, naso yewao nara midaine so nara mi nene yaup gemage, narainane seukke.

³ Pakiso, Satango olale rake, “Ge Anutu wane medep gemaineo, yemo ranom wesi iwanjo nara okangep!”

⁴ Rakiso, Yesujo mainge olatke, “Anutu wane papiano iwa yale ramaike, ‘Narajoka nei gegeine mi ma wakoniake.’ ”

⁵ Pakiso, Satango bonaga kiroine maneo iwenka wa okora more, kepe wane kutno nei nrep magune magune nei waomkopene enerop ge arikoi, yewa ikopka sikan kawareke. ⁶ Pakiso, Satango iwa yale olatke, “Zonom so enet binjek pa ebone arimaike, iwa na ge ginwarekale, yewamo korop nanane kutno motwarekoi, wane mo na nei mane manbe ramaine mangale, ⁷ ge wawetjone qe mejen nangene, ea mo na ginbe kine kine iwa korop genaneka okaniake.”

⁸ Rakiso, Yesujo olatke, “Anutu wane papiano yale ramaike, ‘Waomjone Anutu ene weku mejen kaikene, so qelitine qe mangene!’ ”

⁹ Pakiso, Satango Yesu Yerusalem matko Anutu wane Bakom Urum wane bakine kutno mawa birakaki, pakiso olale rake, “Ge Anutu wane Gipole gemaineo, yemo iwa njine sontake qei kepeo ketnom. ¹⁰ Anutu wane papiao yale ramaike, ‘Anutu ene anelokoune raongi mauluke waganikei.’ ¹¹ So mane iwa yale ramaike, ‘Ene meteene kutno geu ketpi, wesinjo kienjone mane mi kitasiake.’ ”

¹² Rakiso, Yesuño olatke, “Anutu wane papiaño iwa yale ramaike, ‘Waomñone Anutu Wawaine okanka more, misuk liwekkaikene.’ ”

¹³ Satan ene yalenjo yale okane, Yesu liwekka wareki qoekiso, qelinjka more, naso mane wane toma geke.

Yesuño Urataine Galili Kepeo Kiekke

¹⁴ Yesu ene Asu Koboboinane zonomño kito qe-sinj makiso, koso Galili kepeo zinge arike, arikiso, don kisiinenjo mat ea korop sua arike. ¹⁵ Ene Yuda wane lewa lewanj urumene mere arike, yewao waket kito edange, pakiso, ñei ñerep korop ene mawakakoi.

Nazaret Welakoune Ene Yesu Nadekkakoi

¹⁶ Yesu ene ge ari mage, koso sua sua matine Nazaret yewao yalewaka ari lotke more, qezarek peadao Yuda lewa lewanj urumgo wake, ene peada banem yale okane gegike, ene iwa koso Anutu wane papia dapore edaniakane wiekiso, ¹⁷ Anutu wane qelit ñei, Isaia onjo don qeke, yewa manbi rapoke more, don iwa yale qeke yewa kake.

¹⁸ “Waom wane Asuño nanjane kutno ketmaike, na ñei ket gegine enjano binjek don ma arikalane ma wakon nanmaike. Ene mulap ñei yewa siwot ongalane tale nanmaike, so deene pili pilikine yewa deene matok kalane, mulap urata ma more, bori worine yewa qekok ongalane. ¹⁹ So na Waom wane naso bomileki, ñei ñerewekoune ma menanj oniake, ea wane binjek don ra wakon-maile.”

²⁰ Yesu eņe kibi yewa dapotki qoekiso, qeuage more, qelit medep mangi paki, so ket pese metke. Paki, ņei ņereppa Yuda lewa lewan urungo metkoi, eņe koropņo deene Yesuka kalilip kakoi.

²¹ Pakiso, Yesuņo edane rake, “Waom wane don iwa dapotpe ņine mo derimi, ea wane weleine ukude eamo wakonmaike.”

²² Rakiso, eņe ebeene bonepke more, doninane weku mane detpi oņaene qaeki rakoi, “Eņe iwa mo Yosep wane gipole mida me?”

²³ Yesuņo iwa yale edange, “Ñine naņane don naņengo more more iwa yale mane ra okanmami, ‘Dokta, ge goņomka ma menaņ naganmaine.’ Ñine dere nolasikei, ‘Kaperneam matko manom, kisiņone detokanmaine, yalewaka iwa geņone matņono manom, kaņem.’ ²⁴ Yale rau, na welekatne don naņengo ņidanbe detpi, Anutu wane qelit ņei eņine kepe matino ge more done raki, ņei ņerep eņe maine mi tewekkei.

²⁵ “So Welekatne ņidanbe, Elaiya geke, naso yewao kaiwe suaine okoraki, koma karewe so nat paromine meso 6 yale paki, ņara siukki bodi suaine wakone, kepe rokopke pake. Naso yewaoka Israel eņane kepeo mala loutne gekoi, ²⁶ ņo siluņ Anutu eņe Elaiya rakaki, Israel eņano mi arike, eņe rakaki qelaņ ņerep mala mane Zarepat matko, Sidon kepeo geke, eņano arike. ²⁷ So propet Elisa geke, naso yewao Israel eņane keuo ņine ņei loutne kubet togon gorop gekoi, ņo siluņ Israel eņane keuo ņine ņei mane wane kubetinoņo mi osike, yemo Naman, Siria kepeo ņine, eņane kubetine weku osike.”

²⁸ Yesu enje yale ra edangiso, nei n̄rep Yuda lewa lewaŋ urumgo metkoi, enje detpi sigileki, sotene osike. ²⁹ Pakiso, wie more mat n̄adino Yesu ma birakau q̄einat ketki ma ari more, matene metke bonaga yewa wane pupulukino iwenka wa more, sora mezeno ma ari more, sorao rupapkau kesiakane okangoi. ³⁰ N̄o siluŋ mi kauso, enje nei n̄rep keueno n̄ine piŋdige more, ket siu siuko sank arike.

Yesuŋo Asu Borikine Nei Mane Wano N̄ine Esopkake

³¹ Yesu enje ari mage, Galili kepeo mat mane Kaperneam, yewa lotke more, q̄ezarek peadao nei n̄rep edane kito ebon okange. ³² Yesu wane donine ewinerop raki, nei n̄rep enje dere more welelepkekoi. ³³ Yuda lewa lewaŋ urumgo nei mane asu borikinerop metke, ³⁴ enje Yesu ka more, suaineka boka more rake, “Yai! Yesu Nazaret welaine, ge daleo okan n̄onikenane sarimaine? Ge matali n̄onikenane sarimaine me? Na det ganmaile, ge Anutu wane Nei Koboboine.”

³⁵ Yale rakimo, Yesuŋo asu borikine don olale more rake, “Ge don mane more, nei yewa q̄eliŋka saket arinom!” Rakiso, asu borikine enje neiwa ma papkaki, nei n̄rep keueno ket rasu pakiso, enje saket arike, nei wae mi matalikake.

³⁶ Pakiso, nei n̄rep enje ka more oŋaene qaeki, auye q̄euye okane more rakoi, “Don iwa daleo? Ene ewe bibirop so zonomineropn̄o asu borikine raongi, saket arimami!” ³⁷ Pakiso, Yesu wane don kisi yewaŋo kepe mat yewa sua rokopke arike.

Yesuŋo Petoŋo Sewenine Ma Menan̄kake

³⁸ Yesu eņe Yuda lewa lewaņ urumgo ņine ket more, Saimon wane matko wake. Saimon wane sewenine eņe zoma gereunerop qeki pake, pakimo eņe Yesuņo mapik kayakane ra more olatkoi. ³⁹ Pakiso, Yesu eņe Saimon sewenine pake, mat kotine yewa waket more papainane osino okora, so zomawaeņo qeliņkayakane to-goleka olatke, pakiso zomawae eņe ņerep yewa qeliņkakiso, ņereppae eņe esat yemdaka wie more koso, ņaraene mire mauluk okange.

Yesuņo ņei ņerep Loutne Ma Menanonge

⁴⁰ Kepe qoekiso, ņei ņerep natne eņe ki-makopene zoma kine kine natneņo ebuki pa okangoi, yewa Yesu wano ebun sarikoi, pakiso, Yesuņo metine leweteno weku weku more, korop ma menanonge. ⁴¹ Asu borikine eņe yale waka, ņei ņerep loutne eņane kotoeno ņine esopongi saket more, aro suaine aroke more rakoi, “Ge Anutu wane Gipole!”

Pakiso, Yesu eņe asu borikine yewa eņe don mi raikei wane rawetonge, onoka wane eņe kineine iwa yale detkoi, eņe Mesia.

Yesu Eņe Yuda Lewa Lewaņ Urum Natne Mere Arike, Yewao Don Edange

⁴² Kepe qaekiso, sakoropka, Yesuņo wie more mat yewa qelige, kepe nat paromine ņeiine midaine pake, yewa ari geke. Pakiso, ņei ņerep eņe zuaņka ge mage, so maratkakoi, maratka more eņerop geakane ma walukkakoi. ⁴³ Pakiso, Yesu eņe siluņ edane rake, “Na Anutuņo daleo ņei ņerep wareonmaike, ea wane biņek donine mat

banjem nei n̄erep korop ra edanikalane Anutuño biranange ketkole.”

⁴⁴Yale ra edane so Yuda kepeo Yuda lewa lewan urum mere arike, yewao wa more, nei n̄erep don edane kito ebon okane geke.

5

Yesuño Mikepka Dokoine Edoraki Sarikoi

¹Kaiwe maneo Yesu eñe Genesaret namun̄ sawekino geki, so nei n̄erep loutneño Anutu wane don desikei wane Yesu wano lotke more, osino lewage more lolikkakoi. ²Yesu eñe otki, seki etke warañoṭpi sa qalakko metkoik, zawon teba teba nei eñe sekiene qeliñore ket so kamagaene sauke okorakoi, ³pakiso, Yesuño sekiwa mane Saimon wane rara, ea wane kutno waki, pakiso Saimon rakaki, seki qebinkaki, qalakko ñine qei qei weteke, pakiso, Yesu eñe seki kutno mere, nei n̄erep magu suaine don kito edange.

⁴Edangi qoekiso, Saimon olale rake, “Geñone so kimatkenone ñine sekinine esorogeu, qei namugo weteuk ma kamaganine zawon ebukei wane birau ketkep.”

⁵Rakiso, Saimonño olatke, “Kito ebo ebon, ñene goiñ kirop pae urata suaine mene, ño zawon mane mi ebune, ño siluñ goño ramainane, koso kamaga birawe ketkep.” ⁶Yale ra more, eñe kamaga birau ketki, zawon magu suaine kamagao watkeu, kamaga toeakane okange. ⁷Pakiso, eñe kimakopene seki maneo gekoi, yewa meteeneño pakonbi sarikoi, sariu so zawon peikeu, sekiwo wamage, seki etke eretnarek watkekoik. Pakiso,

zawon umatneŋo etotki, seki etke yewa oroge ki-wetko ketkeik wane okangoik. ⁸ Saimon Petoroŋo masi yewa kaki paki, Yesu wane kaitko wawetine ge more rake, “Waom! Qeliŋnane arinom, na ŋei borikine!”

⁹ Pakiso, Saimon eŋine so kimakoune weneŋ gekoi, eŋe zawon magu suaine ebukoi, yewa ka more welelepkekoi. ¹⁰ Saimon kimatkine, Yakop so Yohane, Zebedi wane gipoletkine, ere yale waka oŋaetne qaeke, pakiso, Yesuŋo Saimon olatke, “Mi kaet gangep, ge ukude zawon urata mamaine, boaŋ ŋei ŋerep yale waka eŋano urata ma more ebunom, naŋano sarikei.”

¹¹ Pakiso, eŋe seki waraŋotpi qalakko wauk so, kine kineene korop qeliŋware so, Yesu ŋadino arikoi.

Yesuŋo ŋei Mane Kubet Togole Saukkake

¹² Atak maneo Yesu eŋe ari ŋei mane kubetŋo solaine korop rokopkaki geke, mat yewao lotkeke, pakiso ŋei yewa eŋe Yesu kaki paki, oŋomka tamge more rake, “Suaine, ge detnom paki, maine sauk nangene!”

¹³ Yesuŋo metine solaino ma more rake, “Na det ganmaile, wakoenom!” Rakiso, yewaoka kubetŋo osiki paki, ŋei qeliŋkaki menaŋge. ¹⁴ Pakiso, Yesuŋo ŋei wa rawetka more rake, “Ge kubetŋone osimaike, ea wane don kisiŋone ŋei mane mi edanikene, ge mosop ŋei, pris wano ari solaŋone sikankanom, kayake. Pakiso, solaŋone menaŋmaike, ea wane Mose wane don teweke more, soe soep mitnom, ŋei ŋerep eŋe ka more, solaŋone mo wakoemaik, yale desikei.”

¹⁵ No siluŋ Yesuŋo ŋeiwa kubetine maki osike, ea wane don kisiŋo sua arike, pakiso, ŋei ŋerep loutneŋo Yesu wane donine desikei wane, so zoma kubet korop yewa sauk oniakane sarikoi.

¹⁶ Yesu eŋe Anutuŋo zonom maniakane, kepe ŋei me mat kine kine midaine, yaup sai pamaike, yewao eŋineka ari more, meŋe meŋen urata mamageke.

Yesuŋo ŋei Mane Kie Metine Seu Seune Ma Menanŋake

¹⁷ Kaiwe maneo, Yesuŋo ŋei ŋerep don kito edange, Anutu papa togon welaine ŋei, Parisi so Skribe, eŋe weneŋ yewa metkoi, eŋe Galili kepeo mat mere arike, yewa ŋine so Yuda ŋine so Yerusalem ŋine. Waom wane zonomŋo weneŋ Yesurop geki, zomaenerop ma menanŋ onge. ¹⁸ Pakiso, ŋei natne eŋe ŋei mane kine so metine seu seune, yewa supiwu ma birau ketkiso teweke, Yesuŋo ma menanŋ kayakane eŋano ma arikoi. ¹⁹ Ari more, mat koto ma wakesikei wane, ŋei ŋerep magu suaine eŋano qekakoi, pakiso, teweke weti mat bakine kutno ma wa more, mat bakine lalageso, sopiinerop birakau mat koto, ŋei ŋerep magu eŋane keuno Yesu wane kaitko ket pake. ²⁰ Pakiso, Yesuŋo mali malipene korop pa ebonge, yewa kaki pakiso, ŋei wa kie metine seu seune olale rake, “Kimane, geŋane sotŋone mo matali ginmaile.”

²¹ Anutu papa togon welaine ŋei, Skribe so Parisi, eŋe don yewa dere more, edomka auye rakoi, “Ŋei iwa eŋe ma ŋeiŋo Anutu ma baik kamaike me? Ŋei manenŋo maine borikine mi

mataliake, Anutu wekuᅇo maine borikine mataliake!”

²² Yale auwi, Yesuᅇo wetenane kine dere more, edane rake, “ᅇine wetᅇineᅇo onoka wane yaline wetkemami? ²³ Diawaᅇo ewekine raikene, ‘Geᅇane borikineᅇone mo matali ginmaile,’ me raikene, ‘Wienom paki, arinom?’ ²⁴ Na ra geᅇaᅇan ᅇunbe, ᅇei Wawainane Gipole, eᅇe kepeo borikine matali matali wane zonom pa manmaike.” Yesuᅇo yale edangi pakiso, ᅇeiwa kie metine seu seune olatke, “Na golatpe, ge wienom! Papaᅇone manom paki, matko arinom!”

²⁵ Rakiso, ᅇeiwa eᅇe ikopka ᅇei ᅇerep eᅇane deene kutno wie more papaine more pake, yewa ma more, so matino ari Anutu bakomine kitoke. ²⁶ ᅇei ᅇerep eᅇe yewa ka more, zok welelepkeko! So kaetongi, Anutu bakomine kito more rakoi, “Masi kine mane, mi kakaze, iwa ukude wakongi kamaine!”

Yesuᅇo Lewi Oraki ᅇadino Arike

²⁷ Ea wane ᅇadino, Yesuᅇo ari more kaki, ᅇei mane takis mama, eᅇetine Lewi, eᅇe takis mama urumino metke, pakiso Yesuᅇo olale rake, “ᅇadeno modatnane sarinom.”

²⁸ Rakiso, Lewi eᅇe wie more, kine kineine korop ᅇadekkawareso, Yesu ᅇadino arike.

²⁹ Pakiso, Lewiᅇo Yesu wane ᅇara soep suaine matino mitwarekiso, takis mama ᅇei, so ᅇei yauwine natne loutneᅇo weneᅇ ererop zakeo mere nekoi. ³⁰ Anutu papa togon welaine ᅇei, Parisi so Skribe eᅇane tego natne eᅇe Yesu wane dokoine eᅇane detpi boriki rakoi, “ᅇine onoka

wane takis mama so borikine mama enjerop njara doku nemami?”

³¹ Rauso, Yesuᅇo mange edange, “Nei njerep solaene maine eᅇe dokta wano mi ari okanmami, zoma kubetenerop edoka weku ari okanmami.

³² Na nei njerep maine eᅇet binjek korop eᅇe edorawe wetene maingekei wane mi ketkole, na borikine mama edorawe, wetene maingekei wane ketkole.”

Sawe Gege Wane Qeso Qeson

³³ Nei njerep natne eᅇe Yesu olale rakoi, “Yohane wane dokoine eᅇe njara doku wane sawe ge more, naso baᅇem meᅇenka okanmami. So Anutu papa togon welaine nei Parisi, eᅇane dokoene eᅇe yale waka okan okanmami, ᅇo geᅇane dokone yemo njara doku nemami.”

³⁴ Yesuᅇo edane rake, “Nei mane ᅇanomine mayake, eᅇane lobokoune eᅇane njara mawaulukeu, njerep ᅇaone eᅇe weneᅇ njerep metkika ᅇido maine njara mawalukeu, eᅇe njara midaine arieki me? O weneᅇ midaka!

³⁵ Eᅇe boaᅇ ᅇadino njerep ᅇaone ea ma ariu, kimakoune njerep weneᅇ mi metki, ra togole onbi, kimakoune ea eᅇe maine njara midaine arieki.”

³⁶ Yesuᅇo don saeᅇine iwa yale waka edange, “Man maᅇo tutu mane takot muselo ᅇine matoke more, takot sogine bara warakine yewao more qetusiake. Eᅇe yalewa okangi, takot musele yewa barakeake, pakimo takot muselane tutu-ine yewaᅇo takot sogine yewao mo rokopkeake.

³⁷ Me mane maᅇo wain musele qeki nomare sogine yewao weteake, eᅇe yalewa okangi, wain

musele yewaŋo nomare sogine yewa abongi poripkeki, wain ea qakeake, pakimo, nomare ea muzugeake. ³⁸ Mida! Wain musele ea geu nomare muselo weteake! ³⁹ Mane eŋe wain sogine neki similekake, eŋe wain muselane bauine wamaike, paki ramaike, ‘Wain sogine yemo weku mane.’”

6

Qezarek Naso Wane Qeso Qesoj

¹ Qezarek naso maneo, Yesu eŋe wit eu keuoka kitare arike, pakiso, dokoine eŋe wit natne matoke more meteeneŋo usuke nekoi. ² Yale okanbiso, Anutu papa togon welaine ŋei, Parisi natne eŋe one more rakoi, “Anutu wane ra rokop donjo qezarek naso yewa mo okangenane ra togolemaike, yewa ŋine onoka wane okanmami?”

³ Yesuŋo edange, “Dawit eŋine so ŋeikoune ŋaraenane seuke more daleo okangoi? Ŋine papiao ea mane dapore det okanmami me? ⁴ Dawit eŋe Anutu wane urum koto wa more, bret Anutu wane binjek motmole, yewa ma neke. Ne more, ŋeikoune yale waka ebongi nekoi. Bret yewa ŋei natneŋo mi nekei wane, Anutu wane ra rokop donjo ra togoleke, mosop ŋei edoka weku maine nekei.”

⁵ Yesu eŋe yale edane rake, “Ŋei Wawainane Gipole, eŋe qezarek naso wane Waom.”

Yesuŋo Ŋei Mane Metine Seu Seune Ma Menan̄kake

⁶ Qezarek naso maneo, Yesuŋo Yuda eŋane lewa lewaŋ urumgo wa more, don kito edange.

Nei mane metine wonine seu seune, eņe wenen yewa metke. ⁷ Anutu papa togon welaine ņei natne, Parisi so Skribe, edo qezarek nasoo Yesuņo ņei ma menaņongi ka more, dongo birakaikei wane diamine makoi. ⁸ Yale okanbi, Yesuņo eņane wetenane kine detki paki, ņei metine seu seune olale rake, “Wienom paki, sari iwa kaitzo okoranom.” Rakiso, ņei wae eņe wie more ari yewa okorake. ⁹ Pakiso, Yesuņo edane rake, “Na qeson ņunmaile, ra rokop donzeņo qezarek naso onoka makenane ramaike? Neį qesiņ kaikene, me wikile mangene? Neį ma menaņkaņem gegeine wakoniake, me gegeine matalikene?” ¹⁰ Yale raki, pakiso deineņo pore lolike ņei korop onge, pakiso ņei wa olale rake, “Metene biranom.” Rakiso, eņe metine biraki, metine menaņe.

¹¹ Neį eņe yale kau paki, kotoene gerep okangi, Yesu daleo okankaikei wane, edomka don auye qeuye okangoi.

Yewaņo Aposolo 12 Ma Wakononge

¹² Naso yewao, Yesuņo meņen kayakane raki paki bonagao wake, wa more ruo mane korop Anutu meņenkake. ¹³ Kepe qaekiso, Yesuņo dokoine edoraki, ariuso dokoine¹² ma wakonone, so eņetene aposolo edorake. ¹⁴ Saimon, eņetine musele Peto roake, so ņole Andrea, Yakop so Yohane, so Pilip so Bartolomu ¹⁵ Mataio so Tomas, Yakop, Alpius wane gipole so Saimon, eņetine mane Patriot, ¹⁶ Yudas, Yakop wane gipole, so Yudas Iskariot, eņe Yesu ņaba eņane meteene ma wakonka birakake.

Yesu Don Kito Ebone So Ma Menanonge

¹⁷ Yesuŋo bonagao ŋine aposolokoune eŋerop ket more, kepe digile maneo dokoine loutne eŋerop okorakoi, pakiso, ŋei ŋerep magu suaine Yuda ŋine Yerusalem ŋine so Tire so Sidon saweketno ŋine korop yewa sarikoi. ¹⁸ Eŋe Yesuŋo don kito edangi desikei wane, so zomarop ma menaŋ oniakane sarikoi, so natne asu gotkoinenjo matali qetali ebuke, eŋe wenen sariu ma menanonge. ¹⁹ ŋei ŋerep loutne eŋe Yesu wane zonomjo saket more kotoeno ketki menaŋ warekoi, ea wane solaino maikei wane soringekoi.

Wet Pesek So Wet Borik

²⁰ Yesuŋo dokoine ongi paki rake, “Abonŋine midaine ŋine wet pesek desikei, Anutuŋo kine kine korop ma wakonge, paki warekaki pamaike, ea mo ŋinane! ²¹ ŋara wane seu seu gemami, ŋine wet pesek desikei, ŋine boan neu natŋine qeake! Kua suruk arok okanmami, ŋine wet pesek desikei, ŋine boan tenikkei!

²² “ŋei Wawainane Gipole rau paki ŋaba ŋunikei, qaisik ŋunikei, dere worik ŋunikei, borikine mama ŋidorakei, ŋine ea wane wet pesek desikei! ²³ Tanik yewa wakongi, wet pesek dere more, qeliwo lewine suaine warekaki pamaike, ea wane bakom kitokei. Eŋane aso ŋabokopene eŋe masi yewaka Anutu wane qelit ŋei okanongoi, so ea wane propet edo qekoi,

²⁴ “Wesi abon suainerop gemami, naso iwao, ŋine gege ewekine mo iwa gemami! ²⁵ ŋo ŋine

naso iwao neu n̄at̄n̄ine qeokanmaik, n̄ine boan̄ n̄aran̄inane seukkei! Naso iwao teni teniko gemami, n̄ine boan̄ arokkeu, den̄ine dokune kesiake!

26 “N̄ei n̄erep̄ korop̄ en̄e qem̄ mawa okan̄unikei, paki n̄ine silun̄ kaulukkei, n̄abokopeene en̄e don̄ me tanik̄ wekuka prop̄et̄ isisine en̄ane okangoi.”

Wet̄n̄ine N̄abakop̄n̄ine En̄ane payake

27 Donne dere ge okanmami n̄ine n̄idanbe, n̄aba kop̄n̄ine en̄ane simin̄unge wet̄n̄ine en̄ane payake, qaisik̄n̄une okanmami, en̄e mauluk̄ onikei. 28 Soan̄une okanmami, en̄e mosop̄ onikei. N̄ine isibela okan̄une okanmami, en̄ane men̄en̄ kaikei. 29 N̄o, n̄ei man̄eño mugum̄none nat̄ gekuki, ge mugum̄none nat̄ yewa wenen̄ sunkanom̄ qeake. N̄o n̄ei man̄eño takot̄none suaine yewa maki, ge takot̄none nigatne yewa wenen̄ sunkanom̄ mayake. 30 N̄ei mane en̄e kine kine mane wane men̄engangi, ge manikene. N̄o mane en̄e geñano n̄ine kine kine mane maki, ge mainge giniakane misuk̄ rakakene. 31 N̄ine n̄ei edo kine kine okan̄unikei wane ra okanmami, kop̄ yale waka en̄e okanonikei.

32 “N̄o n̄ine kima okan̄une okanmami, n̄ei n̄ereppa weku en̄eka kima okanongei, yemo n̄ine turun̄ine mosop̄ mi maikei! Borikine mama en̄e yale waka kima okanonmami, yewaka kima okanonmami! 33 So n̄ine masuluk̄none okanmami, n̄ei n̄ereppa en̄eka weku masulukongei, yemo daleo turun̄ine mosop̄ mane maikei? Borikine mama en̄e yale waka okan

okanmami! ³⁴ So ñine turuñine mainge ñibongei, ñei yewa eñeka kine kine ebongei, yemo ñine da-leo mosop mane maikei? Borikine mama eñe yale waka kine kine turuñine rokop wekuka mainge ebongei wane, borikine mama kimakopene ebon okanmami! ³⁵ Yale mida! Ñine ñabakopñine kima okanongei, so masulukongei. Kine kine ebone more koso turuñine ñibongei wane misuk raongei. Ñine boañ lewine suaine maikei, so ñine boañ Anutu Wawainane gipon borasokoune okangei. Anutu eñe siluñ ñei ñerep eñe wet maep mi okanka qewolon gemami, so borikine mama maulukone more kine kine mayakakat-neka okanon okanmaike. ³⁶ Anutuño wetine ñinane pamaike, yale waka ñine wetñine ñei ñerep korop eñane payake.

Ñine Ñei Ñerep Natne Eñane Kine Misuk Qeuwakongei

³⁷ “Ñine ñei ñerep natne eñane kineene misuk qeu wakongei. So Anutuño ñinane kine ñine mi qeu wakoniake. Ñine ñei ñerep natne sot turugo misuk biraongei, paki, Anutuño ñine yale waka sot turugo mi birañuniake. Ñine ñei ñerep eñane sot turuñene qeligeu, Anutuño ñinane sot turuñine yale waka qeligeake. ³⁸ Ñine ñei ñerep kine kine yaup ebonikei, paki Anutuño ñine kine kine yale waka ñiboniake, so ea wane rokop yuane qewa more, manerop magu suaine qakki metenino wayake, paki ñine yewa korop rokopñino maine malipkakei. Ñine kine kine korop mage more, ñei ñerep rokopeno

okanongei, rokop yewaka Anutuŋo mage more, ŋine okanŋuniake.”

³⁹ Pakiso Yesu don saenŋine mane iwa yale edange, “Nei mane deine pili pilikineŋo de pilik kimaine iwenkaki, numao maine arikeik me? I midakaka, eŋe iwenkaki eretnarek waraŋnagu ari qeyau sorao ketkeik. ⁴⁰ Kibi medepŋo kito man manine mi yuankayake, ŋo siluŋ kibi medep ea eŋe dereret maulukwareki qoeake, ea mo eŋe kito ebo eboninane kop okaniake.

⁴¹ “Ge onoka wane kimaŋonane deino gok metmaike, yewa kamaine, ŋo geŋone deŋono eki sisine metmaike, yewa mo mi kamaine? ⁴² Ge geŋone deŋono eki sisine metmaike, yewa mi kaka daleo kimaŋone olale raikene, ‘Kima ge detnom na deŋono gok metmaike, yewa kitowe saketkep?’ Ge isi ŋei! Ge mikepka geŋone deŋono eki sisine metmaike, yewa kitonom saketki, deŋone pore kaulukem paki, yemo kimaŋonane deŋo ŋine gok yewa maine kitonom sakesiake.”

Eki Mane So Woune

⁴³ “Eki maine manenjo wele qotkoine mi qeake, me eki qotkoine manenjo wele maine mi qeake. ⁴⁴ Eki enane kineene yemo welenjo ma wakongi ka okanmaine, segetko wele qauk mi qeki kikitokene. Me zagongo wele danam mi qeki siwekine. ⁴⁵ Nei maine eŋe wet dereret maine zok kotino pamaikane, don maine aŋaino ŋine saket okanmaike. No ŋei mane borikinane dereret qotkoinenjo kotino zok pamaikane, don qotkoine aŋaino ŋine saket okanmaike. Kine kinenjo ŋei

koto watke pa okanmaike, yewanjoka koso anjooka sa okanmaike.”

Mat Mama Nei Etkerane Don Saenine

⁴⁶ “Njine onoka wane piñinenjoka nora okanmami, ‘Waomze, Waomze.’ No don njidan okanmaile, yewa mo mi tewek okanmami? ⁴⁷ Nei mane ene nanjano sari more donne detki paki, anjane tewekeake, nei yewa enjane rokop don mane rokop motpe, njine kau. ⁴⁸ Ene nei maneno mat mane make yale, ene lom kiroine mawareki pakiso, simen liwage qakki ket wesi suaine lom koto metkoi, yewao makatak warekiso, kutno mat make. Pakiso, koya qe more doku qakumjo sari mat bosinj qeki mi okmange, mat mauluke mamainane togole more metke. ⁴⁹ No nei mane ene nanjane don dere more anjane mi tewekeake, ene yemo nei mane onjo mat mane make yale. Ene kepe kutno lom ma more simen liwage more mat mat togoleakane mi more more yaup make. Ene matine yau yaup maki metki, doku qakumjo sari mat qeki ikopka okmage ket zanj zunj make!”

7

Yesujo Roman Kawali Nei Njetnane Qelit Medep Ma Menanjake

¹ Yesu ene don iwa nei njerep korop ra edanwareki qoekiso, Kaperneam matko arike. ² Yewa Roman kawali nei njetne mane wane qelit medep mane geke. Kawali nei njetne yewa ene qelit medeunane zok wetine suaine pake, wane qelit medeune ene zoma suaine qeki seukeakane okane pake. ³ Pakiso, kawali nei njetne ene

Yesu wane donkisi dere more, Yuda nei netne raongi arikoi, Yesu olatpi sari qelit medeune ma menaŋ kayakane. ⁴ Ene Yesu wano ari lotke more soriringe meŋenka rakoi, “Ene nei maine, ge ea wane donine dere so mapik kaikene. ⁵ Ene wetine Yuda nei nrep nenaneka pamaike, ene oŋomka Yuda wane lewa lewaŋ urum ma nebonge.”

⁶ Pakiso, Yesuŋo enerop weneŋ arikoi, ari mat osino rakiso, kawali nei netne ene kimakoune natne raongi, Yesu wano don iwa yale ma arikoi, “Suaine, ge urata suaine mi manom, na nei mainane sari matne koto sakene. ⁷ Na nae wane detpe mi menaŋe, nei borikineŋo daleo geŋano sarikale ra more qekele, wane mo ge yewa ge more, donŋoneŋoka ranom qelit medepne maine menaŋ kayake. ⁸ Na yale waka, na nei wawaine eŋane qelit nei, pakimo, naŋane ketkele kawali neikopne naŋane bango gemami, yale wane mo iwa wane raikale, ‘Arinom!’ Rawe ene ariake. No eriwa wane raikale, ‘Sarinom!’ Rawe ene sariake. No qelit medepnane raikale, ‘Iwa manom!’ Rawe, ene yewa mayake.”

⁹ Yesu ene don yewa dere more mawaka more, zinge nei nrep magu suaine nadio arikoi, ene edane rake, “Na mali malip suaine iwa yaline mane mi maratka okanmaile, na nidanmaile, Israel eŋano yale waka mane mi maratka okanmaile!”

¹⁰ Yale rakiso, neiwa kawali nei netneŋo qelit raongi, Yesu wano sarikoi, ene zinge ari kawali nei netnane matko wa more kau, qelit medepine mo menaŋkake.

*Yesuŋo Mala Njerep Mane Wane Gipole Seu Seuo
Nine Ma Wirikaki Wieke*

¹¹ Nigmatne gege more, ŋado Yesuŋo mat mane eŋetne Nain yewa arike, eŋine dokoine so ŋei njerep magu suaine weneŋ eŋerop arikoi. ¹² Ari more, mat suainane madet osino lotkekiso, ŋei njerep eŋe medep seu seune mane wane pareŋ teweke sarikoi. Ŋei seu seune ea mo njerep mala mane wane gipole wemedep weku, eŋe seukki mo dukkei wane ŋei njerep magu suaineŋo weneŋ mat suaino ŋine eŋerop sarikoi. ¹³ Pakiso, Waomŋo njerep mala ka more, eŋane wet borikŋo kotino watkekiso, njerep olale rake, “Ge misuk arokenom.” ¹⁴ Pakiso, Yesu eŋe ari katapa yewa metineŋo makiso, ŋeiwa pareŋ katapa tewekkoi, eŋe doŋmane okorakoi. Okorauso, Yesuŋo rake, “Ŋei qaluwit! Na golatmaile! Wienom!” ¹⁵ Rakiso, ŋei seu seune eŋe wie metke so kieke don rake, pakiso Yesuŋo mainge nagaine mange.

¹⁶ Ŋei njerep eŋe yewa ka more kaetongi, Anutu mawaka rakoi, “Anutu wane qelit ŋei suaine mane keuzo wakonge!” So rakoi, “Anutuŋo sari more eŋine ŋei njerewekoune ma menaŋ ŋonmaike!”

¹⁷ Yesu wane don kisiine iwaŋo Yuda kepeo korop rokopke more, kepe nat nat ariwareke.

*Yohane Doku Tau Tauŋo Qelit Njeitkine Etke
Yesu Wano Raotki Arikoi*

¹⁸ Yohane wane dokoine eŋe don kisi yewa olatwareu dereso, medewetkine etke etoraki sarikoik. ¹⁹ Pakiso, Waom don iwa yale ra more qesonkaikeik wane eŋano taleotki arikoik,

“Sarikenane raraine, ge weku mo iwa sarimaine, me nene mane wane tomakaikene?”

²⁰ Pakiso, ere Yesu wano ari lotke more olale rakoik, “Yohane doku tau tauŋo talenotki, qeson gangetane sarimaite, ‘Sarikenane raraine, ge weku mo iwa sarimaine me? Me nene mane wane tomakaikene?’ ”

²¹ Nasomde yewaoka Yesuŋo nei nrep loutne zomaenerop ma menaŋonge, kubet togon gorop saukonge, asu qotkoinerop esopongi saket arikoi, deene pili pilikine ma menaŋonge. ²² Pakiso, Yesuŋo Yohane wane qelit neitkine etane rake, “Nire zinge ari more, tanik kine kine daleo wakongi kamamik, so detmamik, yewa Yohane olatpik, de pilikŋo deene maine potmami, so kie wawetne seu seuneŋo numa maine gesoke arimami, so kubet togon gorop ebuki, kubetene osimaike, so ket wonŋo ketene lotkeki, don maine detmami, so seu seuneŋo koso wisikae wiemami, so nei nrep ketkeleno Anutu wane biŋek don detmami. ²³ Nei mane eŋe nanane wet etke mi okaniake, eŋe wet pesek desiake!”

²⁴ Yohane wane qelit neitkine ere biraore ariuk, so ea wane ŋadino Yesuŋo kieke more Yohane wane don kisi nei nrep edane more rake, “Nine kepe yaup papaino Yohane wano onokaka kaikei wane arikoi? Nine gim metine momoŋo mapateki, kaikei wane arikoi me? ²⁵ Nine ari more onokaka kakoi? Me nne nei mane takotine kibinerop kaikeiwane arikoi? Midakaka! Nei takot kibinerop wekumane au ge okanmami, eŋe nei waom urumgo met okanmami. ²⁶ Pakimo, nolatpi, ari more onokaka kakoi? Nine ari Anutu

wane qelit nei mane kakoi. Welekatne, na nidanbe, nine neiwa kakoi, eje Anutu wane qelit nei natne eņane rokop mida! Eje eņineka rokop mane. ²⁷ Yohane weku eņane Anutu wane papiao iwa yale ramaike, ‘Anutuņo gipolano ramaike, iwa eje naņane qelit nei, detmami, na boarņ nei mane talekawe, geņane numa ma alakane more, numañone lalageake.’ ²⁸ Na nidanbe, nrepko nine wakon okanmami, nei yewa korop eņano nine maneņo Yohane mi yuankayake. No, nei mane eje Anutuņo eņetne kine kine kakaine so mi kakaine ma wakonge pamaike, ea wane naso iwa kotino ketkele geakeņo, Yohane yuankayake.”

²⁹ Nei nrep korop so takis mama eje Yohane wane don dere more doku taukoi, yewa eje Anutu wane don wele dere tewekeu wele wakonge. ³⁰ No, Anutu papa togon welaine nei, Parisi so Skribe, eje yemo Yohane wane doku tau tau yewa qaisikka more Anutu wane don nadekkau eņano wele midaine okange.

³¹ Pakiso, Yesuņo takotke rake, “Nei nrep iwa diawa eņane rokop motpe? Eje ma yale? ³² Eje nrep medep nigatne yale. Nrep medep nigatne eje sobego mere, nrep medep magu mane edo magu mane iwa yale ra boka edanmami, ‘Nene mete au au wane wagom ninane ra kitoņem, nine eņet mi oremami! Nene seu seu eņet kitoņem, nine mi arokmami!’ ³³ Yohane doku tau tau sari more, doku togole wain mi nene tau geki, nine rakoi, ‘Eje asu qotkoineņo kotino ket metmaike!’ ³⁴ Nei Wawainane Gipole sari more nara so doku neke, pakiso nine rakoi, ‘Nei iwa kau! Eje nara so

wain doku togole nene, so takis mama so borikine mama enjane kimaene!’ ³⁵ No, Anutu wane dereret suaine yemo nei njerep pa dere more ma nogankakoi, enjano wele welekatne sikanonge.”

Yesuŋo Saimon Parisi Wane Matko Wake

³⁶ Anutu wane papa togon welaine, Parisi nei manenjo Yesu njara enjerep nekeik wane newankake. Pakiso, Yesuŋo Parisi wane matko wa more njara neakane pese metke. ³⁷ Pakiso, mat yewao njerep mane gege mageine qotkoine geke, onjo Yesu wane kisi detki, Parisi wane matko mere njara neke, pakiso, njereppae enj kelok belon mane qounerop yewa ma more arike. ³⁸ Ari more, Yesu wane njadino kine osino okora more arokke. Arokki deine dokunenjo ket more Yesu wane kine taukake. Pakiso, lewine zounenjo Yesu wane kine ratoke so lulu kike. Ki more so kelok qounerop yewa qakki, Yesu wane kine taukake. ³⁹ Pakiso, Parisi Yesu newankake, onjo yewa ka more, onjomka Yesu wane iwa yale rake, “Nei wae enj welekatne propet wele ra, yemo enj njereppae manjo kine mamaike yewa detki rap, so njereppae gege mageine qotkoine gemaike, yewa wenenj detkaki rap!”

⁴⁰ Yesuŋo rau wakone more olale rake, “Saimon, na don mane magemaile golatpe.”

Rakiso, Saimonjo rake, “Kito njebon njebon nolatnom.”

⁴¹ Rakiso, Yesuŋo kieke rake, “Nei etke ere nei mane wano njine wesi sota okangoik. Nei manenjo wesi setne 500 sota okange, no manenjo wesi setne 50 sota okange. ⁴² Pakiso, nei etke yewa ere sota

ea makokkeik wane wesi wane qekakoik, pakiso, wesi welaine eje sota yewa yeine qelinge, ɲei diawaɲo wesi welainane zok simile desiake?”

⁴³ Pakiso, Saimonɲo mainge rake, “Na ramaile, sota suaine okange, turuɲ qelige mange, oɲo.”

Pakiso, Yesuɲo rake, “Geɲane don turuɲine maingemaine, yewa mo wele.” ⁴⁴ Yale raki pakiso, ɲerep wano zinge more Saimon olale rake, “Ge ɲerep iwa kamaine? Na geɲane mat koto sawe ge kiene saukkalane doku mane mi ninine, ɲo siluɲ ɲerep iwaɲo yemo deine dokuneɲo kiene sauke more, lewine zounuɲo ratokike. ⁴⁵ Na sariwe, ge oi bakomne lulu mi kirorine, ɲo ɲerep iwaɲo yemo na sariwe, lulu tako rakot kiene kike. ⁴⁶ Ge naɲane lewene kelok mi taukene, ɲo siluɲ ɲerep iwaɲo yemo kiene kelok qouneropɲo qakkeke. ⁴⁷ Pakimo, na golatpe, simile kakapa suaine ɲerep iwaɲo sikan ɲonmaike, yewaɲo mo ɲerep iwa wane borikineine mo korop midawarike. ɲei mane eje Anutuɲo borikineine nigatne mataliakeo, ɲei yewa eje simileine nigatnemde Anutu wane payake.”

⁴⁸ Pakiso, Yesuɲo ɲerep olatke, “Geɲane borikineɲone mo mataliwe suikmaike.”

⁴⁹ ɲei natne zakeo metkoi, eje kieke more edomka auye rakoi, “ɲei iwa maɲo borikine matalimaike?”

⁵⁰ ɲo, siluɲ Yesuɲo ɲerep olale rake, “Geɲone mali malipɲoneɲo ma menaɲ ganmaikane, wet peseko arinom.”

8

Nerep Natnejo Yesu Mogare Arikoi

¹ Naso bamgo goeki, Yesu mat suaine so nigatne lolike more binjek don ra qelanange, Anutuŋo daleo waremai ke ea wane kine, eŋe ŋei ŋerep edange, eŋane dokoine 12 eŋe weneŋ arikoi.

² Mo sogino Yesuŋo ŋerep natne eŋano ŋine asu qotkoine esoponge, so natne zomaenerop ma menaŋonge, ŋerep ea eŋerop lolike arike. Nerep eŋet tegoene iwa, Maria, eŋetine mane Magdalena, eŋe mo sogine Yesuŋo asu qotkoine sewen (7) eŋano ŋine esoponge. ³ Nerep mane Yoana, ŋaone eŋetine Kuza, eŋe kepe ware ware Herot wane ŋei ŋetne mane okange. Nerep mane, Suzana, so ŋerep natne loutne eŋe Yesu so dokoine eŋe enŋene wesi aboŋenejo qesiŋongoi.

Nei Mane Eŋe Wit Woune Eu Rasuke Eŋane Don Rokop

⁴ ŋei ŋerep matko matko ŋine, eŋe Yesu wano tako rakot sari more, ŋei ŋerep magu suaine lewage metkoi, eŋe Yesuŋo don rokop iwa edane rake,

⁵ “Naso maneo, ŋei mane eŋe eu wit woune rasuiakane arike. Eŋe woune natne eŋe maine euo biraka rasuki ket qake. No natne eŋe ari numao kito metki, ea ŋei sari gesokpi, so naŋi edo sari neu goeke. ⁶ Woune natne eŋe ari kepe wesi tabilainerop yewa wane kutno ket kito, ikopka poripke wie more, ururuke seukkoi, ea yemo kepe yewaŋo eŋe dokune midaine. ⁷ Woune natne touk okolerop, ea wane koto ket kitokoi, wane touk okolerop yewaŋo wie

more, pise waliponge. ⁸ Nɔ, wit woune natne kepe gukinerop yewao ket kitokoi, ket kito more komine poripke sua more, wele maine qekoi, wele zok manerop qekoi.”

Don ea goeki, Yesu eɲe boka edange, “Nɛi ɲerep mane eɲe don iwa dere lukeakane okane, so eɲe don iwa wane kine maine mauluke more ma desiake.”

Don Rokop Wane Kineene

⁹ Yesu wane dokoine eɲe Yesu wano sari eɲe maine don rokop wane kine ra qelananiakane qesonka rau, ¹⁰ Yesuɲo don mainge rake, “Anutuɲo dalino ware ɲunmaike, na ɲine ea wane don sane desikei wane ɲidanmaile. Nɔ ɲei ɲerep natne eɲe yemo ɲadino gemami, yewa eɲe yemo naɲane yaup don rokop ea korop detwaremami, ea wane eɲe kaikei, ɲo, eɲe kine maine mi derelukkei. So eɲe maine naso baɲem desikei, ɲo mi dere qelanangei.”

Yesuɲo Don Rokop Ea Ra Qelanange

¹¹ Yesuɲo koso iwa yale rake, “Don rokop ea wane kine yemo iwa yale okanmaike, wit woune eamo Anutu wane donɲo okanmaike. ¹² Nɔ woune natne dumao ket kitokoi, ea yemo ɲei ɲerep natne eɲe Anutu wane don naso bomitne so bangoka detkoi, ɲo, Satanɲo sari more Anutu wane don ea ɲei ɲerep natne eɲane kotoeno ya-soke, yewamo ma biraki saket eɲine biɲek ariake, ea wane eɲe Anutu wane don ea mi malipkau ma menaɲoniake. ¹³ Woune natne kepe wesi tabilainerop ea wane kutno ket kitokoi, ea yemo ɲei ɲerep natne eɲe Anutu wane don ikop dere ma

more bakom kitokoi, ɲo don eaɲo eɲane wet dereretenogole mi waket meki, eɲe nasobomitneka malipkau, umat natne wakongi, Anutu wane don ea ikopkamde qeliŋkaikai. ¹⁴ Woune natne eɲe touk okolerop ea wane koto ket kitokoi, ea ɲei ɲerep natne eɲe Anutu wane don detkoi, ɲo kepe kutno gege wane umat so wesi abon suaine maratka maratka so kine kine natne ea wane bailalan, eaɲo ɲei ɲerep eɲane kotoeno waket more, Anutu wane don kotoeno piseka more walipkaki, wele maine mi qekei. ¹⁵ ɲo woune natne kepe kelokinerop eao ket kitokoi, ea yemo ɲei ɲerep natne eɲe Anutu wane don dere more, ma wet wekumanenjo nogankau paki ma more qotkakoi, ea wane eɲe togole togoleenane wele maine qekei.”

Kiwa Lase Bano Pake

¹⁶ Pakiso, Yesuɲo koso rake, “ɲei mane kiwa kuake more diao qeki okoreake? Lase bano me kulu papainane bano supakaki mesiake? Mida! Eɲe kiwake more qeki, zake kutno didiwo okoraki, ɲei ɲerep eɲe sari qelananine ea maine kaikei so mat koto saikai.

¹⁷ “Ea wane kine kine korop sane pamaike, ea na ɲado didiwo mawe wakon wareake. So kine kine natne supawe metmaike, ea ɲado na ma lalagewe didiwo wakon wareake.

¹⁸ “ɲine don kine kine korop detlukka more, don maine ea malip kaikei. Anutuɲo ɲei me ɲerep mane eɲe kine kine mane mangi, maine malipka geakeo, eɲe koso takotke maniake. ɲo Anutu eɲe ɲei me ɲerep mane eɲe kine kine

mane mi mangeo, yemo ñei ñerep yewa eñe ban matalioniake.”

Yesu Wane Nagaine So Nolekoune

¹⁹ Naso yewao, Yesu wane nagaine, eñine so ñolekoune maratkaiki wane sari lotkekoi, ño, ñei ñerep magu suainenjo lewage qeatka watke more okorakoi, ea wane Yesu nagaine ñole eñe daleo osopka ari kau rap, ²⁰ ea wane ñei mane magukoune enano ñinenjo Yesu olale rake, “Ge onnom! Geñane naganone so ñolekopñone marat ganikei wane sari zianmami.”

²¹ Yesuño enane don mainge more magu edane rake, “Ñei ñerep diawa eñe Anutu wane don dere more malipkau paki, tewek kaikeiwo, ñei ñerep ea eñe nanane nagane, so ñolekopne okanmami.”

Yesu Eñe Dibom Ma Pesekake

²² Naso maneo, Yesu eñe sekiwo wa more dokoine edane rake, “Ñene sekiwo wa more doku namuñ erinat yuane wa kitare arinjem.” Yale raki, eñe kieke arikoi. ²³ Yesu eñe kulu wane kaki, seki kutno kulu pake. Naso yewaka ikop mide, momo kakapa suaine wie puangi dibom suaine qeke, paki namuñjo wa more seki koto qakki ket watke ma muruñ oniakane okange. ²⁴ Dokoine eñe Yesu wano ari ma wirikka rakoi, “Waomze, Waomze, ñene mo seukenane okanmaine!”

Yesuño wie more, togoleka kuroge, momo so dibom don mane more kalon qekeik wane etange. Paki momo so dibom ere donmangoik, so kalon suaine qe pake. ²⁵ Pakiso, Yesu eñe dokoine edange, “Ñine mali malip mida!”

No eņe oņæene qaeki, so kaet suaine okane more, enņene auye rakoi, “Nei iwa eņe zok ňei kine mane! Eņe momo so dibom don etangi, ere yewaka done dere teweke more, doņ man-mamik.”

Yesu Eņe ňei Mane Wane Asu Qotkoine Esopkake

²⁶ Kalonj okangi, Yesu so dokoine eņe Galili namuņ erinat ari lotkekoi, kepe yewa eņetine, Gerasa. ²⁷ Yesu eņe seki qeliņka more saweko ketki, yewaka ňei mane asu qotkoineno kotino pake, eņe sari maratkake. Mo naso kiroine ňei yewa eņe lawam ge more, mat koto mi doņ mane metke me kulu pake, midakaka, eņe deņesere wane kezem aņaino ge okange. ²⁸ Eņe Yesu ka more, aroine suaine aroke ket Yesu wane kino rasu pa more bokake, “Yesu, ge Wawaine Anutu wane gipole! Ge dalino okan nanikene? Na ge meņen ganmaile, ge na wikile zok misuk ninikene!” ²⁹ Eņe yale rake, ea wane Yesuņo asu qotkoine yewa olale rake, “Asu qotkoine, ge ňei yewa qeliņka arinom!” Mo sogino ňei ňerep eņe ma more, kie metine mulap togoleņo pisemaņkoi, ňo eņe naso baņem asu qotkoineno qeki, eņe mulap togole kie metino ea romatkeki toeki, so kepe yaup papaino ari mageke.

³⁰ Wanemo, Yesuņo qesonka rake, “Ge eņetņone ma?”

Eņe mainge rake, “Naņane eņetne, ‘Magu Suaine’ .” Asu qotkoine eņe loutneņo eņane kotino gekoi, ea wane eņe yalewa rake. ³¹ ňo asu qotkoine eņe Yesuņo esopongi sorao me gerepko mi kesikei wane meņenkakoi.

³² Kepe yewao berek magu suaine eɲe meɲoine ea ɲara ne gekoi, ea wane asu qotkoine eɲe Yesuɲo esopongi, eɲe berek kotoeno wakesikei wane meɲenkakoi. ³³ Paki Yesu eɲe esopongi, so ɲei ea qeliɲka more berek kotoeno waketkoi, waketpi so, berek magu korop ea eɲe biririke ari sorao sontake ket doku namuɲgo qok qok ne more seukwarekoi.

³⁴ Berek ware ware eɲe kine kine wakonge, ea korop ka more, ket ari matko matko so kepe saiwo ɲei ɲerep don kisi edangoi. ³⁵ ɲei ɲerep eɲe don kisi ea dere more kine kine wakonge, ea ari kakoi, eɲe Yesu wano ari more, ɲei yewa kau, eɲe sogino asu qotkoinenjo matalikaki geke, ea eɲe mo maine laplap ramu more, wetine lotkeki tikɲane Yesu osino metke, ka more kaetonge. ³⁶ Yesuɲo dalino ɲei ma menaɲkake, ea ɲei ɲerep eɲe ka more kimakopene edanwarekoi. ³⁷ ɲei ɲerep eɲe koropɲo kaet suaine onge, ea wane Yesu qesonka rakoi, eɲe eɲane kepeo ɲine qelige ariake. Yesu eɲe sekiwo wa more ea qelige ariake. ³⁸ ɲei ea asu qotkoinenjo mo qeliɲkake, eɲe Yesu sorinka more rake, “Na maine wenen, detnannom gerop arikale?”

ɲo, Yesuɲo biraka more rake, ³⁹ “Ge matɲono ari, Anutu eɲe kine kine geɲano maki wakonmaike, ea wane ɲei ɲerep edanikene.”

Yale olatkiso, ɲei eɲe Yesu qeliɲka more, Yesuɲo kine kine eɲano maki wakonge, ea wane ari mat suaino korop ɲei ɲerep edange.

Yesu Eɲe Yairus Borasine So Zoma ɲerep Mane Ma Menanotke.

⁴⁰ Pakiso, Yesu eɲe koso doku namuɲ ratoke, erinat ariuso, ɲei ɲerep magu suaine eɲe mo sari ɲalakko tomaka okora more bakom kito more rakoi, “Mo sarimaine!” ⁴¹ Pakiso, ɲei mane, Yairus eɲe sari lotkeke, eɲe Yuda wane lewa lewaɲ urum yewao ɲei ɲetne okange, eɲe sari Yesu wane kino ket rasu more, Yesu eɲe matino ariakane meɲenkake, ⁴² onoka wane eɲane borasine wekuku, komaine 12 okange, eɲe seukeakane nasoine mo bomile sarike.

Yesu eɲe ɲei yewa eɲerop ariuk, so ɲei ɲerep loutne eɲe watke lolika mogare arikoi. ⁴³ ɲei ɲerep magu keuno ɲine, ɲerep mane eɲe ɲerep zoma weneɲ. Zoma ea koma 12 zok manerop okankaki, so eɲe wesiine zoma yewa wane ra more mauluk mauluk eɲano biraki midakakae, ɲo eɲe maine mi ma menaɲkakoi. ⁴⁴ ɲerep ea eɲe magu keuno ɲine sari Yesu ɲadino lotke more, takotine suaine uwakaki, eɲane ɲerep zoma yewa mo ikopka mida leleke. ⁴⁵ Pakiso, Yesu ɲesonone rake, “Maɲo na ua nanike?”

ɲei ɲerep koropɲo bisopkau, so Petoero eɲe olatke, “Waomze, ɲei ɲerep loutne edo wonge maguk ganbi, ge onoka wane don yaline ɲeson ɲonmaine?”

⁴⁶ ɲo, Yesu eɲe edane rake, “ɲei ɲerep manerɲo na uanangi detmaile, ea wane naɲane zonomne natne wa ketmaike.” ⁴⁷ Yesu eɲe ɲerep wane masi detlukki paki, ea wane ɲerep eɲe zok zonomine oreki, Yesu wane kino ket rasu more, ɲei ɲerep kaiteno eɲe Yesu mo uakeke, ea wane ikopka menaɲkaki edange. ⁴⁸ Rakiso, Yesu eɲe olale rake,

“Borasone, malip malipñoneño ma menañ ganmaike, ea wane ge maine ari more wet maepko gekene.”

⁴⁹ Yesu eñe ñerep don olale okorake, naso yewaka ñei mane Yairus wane matko ñine lotke more, Yairus olale rake, “Ge borasonone mo seukmaike, kito ñebo ñeboze mi iwenka sarikene, yeine.”

⁵⁰ Ño, Yesu eñe detka more Yairus olale rake, “Ge misuk kaet gangep! Ge nanane don dere more malipkaikeneo, maine mawe menañ kayake.”

⁵¹ Pakiso, Yesu eñe matko lotke more, ñei ñerep ma waulukone more, Petoro so Yakop so Yohane so ñerep ñerep naga magaine eñerop urungo wa ketkoi. ⁵² Ñei ñerep korop zok manerop arokkoi, Yesu eñe edane rake, “Ñine misuk arokkei, ñerep ñerep mi seukmaike, eñe kulu pamaike.”

⁵³ Ñerep ñerep eñe seukki, eñe mo detlukkakoi, ea wane ñei ñerep korop eñe Yesu tenikkakoi.

⁵⁴ Ño Yesu eñe ñerep ñerep seu seune ea wane metino ma more orake, “Medepne ge wienom!”

⁵⁵ Ñerep ñerep yewa eñe asuine koso ikopka sari takotkakiso, wisikae wieke, pakiso Yesu eñe etane raki, naga magaine eñe maine ñara mangoik. ⁵⁶ Ñerep ñerep wane naga magaine ea eñe oñæetne qaeke, ño Yesu eñe togoleka etane rawetore more rake, “Kine kine iwa wakonmaike, ea ñire ñei ñerep mane misuk edanikeik.”

9

Yesu Eñe Dokoine 12 Biraonge

¹ Naso yewao, Yesu enje dokoine 12 edora more qeduguongi, enje enjine tungo maine asu qotkoine esopone more, zoma nei ma menaṅonikei wane zonom ebone more biraonge. ² Anutu enje dalino waremai, ea Yesu enje dokoine ra qelaṅane, so zoma nei ma menaṅonikei wane done edange. ³ Enje iwa yale edane rake, “Ṇine kine kine iwa yale misuk ma ariki, toka, numa kite, ṅara, wesi, takot mane. ⁴ Ṇine mat maneo ari lotke more, nei ṅerep qesononbi, edo raikei, maine iwa saket mere pa wie okanbi, mat yewa wane kotinoka mere pa wie okanikei. ⁵ Ṇo mat maneo edo ṅinane don mi dere more, ṅinerop mi mesikei wane rauso, ṅine mat yewa qelige more, kie ṅino nalek yewa saukkeu ket metkiso, enje masi ea ka more enje desikei, Anutuṅo mo enjerop ṅaba okanmai.”

⁶ Pakiso, dokoine enje matko matko ari more, mat louloutne eao biṅek don ra qelaṅane more, zoma nei ma menaṅongi.

Herot Enje Dere Qeka Okange

⁷ Naso yewao, Yesu enje kine kine maki wakone ariki, ea kepe ware ware Herot enje detware more, dere qeka okange, ea wane nei ṅerep natne enje Yesu wane rakoi, Yohane doku tau tauṅo mo wisikae wieke. ⁸ Nei ṅerep natne enje rakoi, Elaiya enje wakonge, ṅo nei ṅerep natne enje rakoi, Anutu wane qelit nei propet sogine gekoi, enjano ṅine manejo wisikae wieke. ⁹ Ṇo, Herot enje rake, “Yohane doku tau tau ea mo sogine noṅo ebine kitatkole, nei iwa enje kine kine ma wakongi

detmaile, eje ma?” Herot eje numa mane Yesu marat kayakane ziankake.

Yesu Eje Nei Njerep 5, 000 Njara Gumeonge

¹⁰ Pakiso, Yesu wane dokoine eje mo matko matko ariwarekoi, eje zinge sariso, koso Yesu wano lewage more, don kisi urata kine kine makoi, so binjek don magu edangoi, ea wane olatwarekoi. Olatpi goekiso, Yesu so dokoine enjenea Betsaida matko arikoi. ¹¹ Ariuso, nei njerep magu eje don dere more mogatone arikoi, eje Yesu wano ariuso, eje maratongiso, Anutuŋo dalino waremaike, ea Yesu eje edane more, zoma nei njerep ma menaŋonge.

¹² Kepe zinge kere qoeakane okangiso, dokoine 12 eje Yesu wano sari olale rakoi, “Kepe iwa nei midaino, ge magu iwa edane biraonnom, eje mat osop mere arimami, yewao ari more, njara so kulu papa marat kaikei.”

¹³ No Yesu eje iwa yale edange, “Nido njara ebonikei!”

Eje mainge rakoi, “Nei nau! Bret nigatne 5 so zawon etke pamami, njene maine ari magu suaine enjane njara qolekene me? Nedannom desikene.”

¹⁴ Nei 5 tausen yewa metkoi.

Yesu eje dokoine edane rake, “Nine nei njerep maguine maguine mapoke biraonbi, pese ket touk kutno metpi, magu weku nei njerep 50 okaniake.”

¹⁵ Dokoine eje nei njerep mapoke biraonbi goekiso, ¹⁶ Yesu eje bret mete mane so zawon etke ma more qeliwo potki waki Anutu wane bakom kito more, bret so zawon ea mapoke more,

dokoine ebongi, damo qe nei n̄rep magu yewa ebonwarekoi. ¹⁷ Paki, nei n̄rep magu yewa eje korop neu n̄atene qe rokoponwareke. Pakiso, dokoine eje n̄ara nekoi wane tutule ea qedugu more rosa 12 yale mau ket watke more metke.

Petoro Eje Yesu Wane Kine Ra Qelanange

¹⁸ Naso maneo, Yesu eje Anutu men̄enkake, dokoine eje eñano sari maratkau, so Yesu eje qesonone rake, “Nei n̄rep magu eje nan̄ane ma noramami?”

¹⁹ Eje iwa yale mainge olale rakoi, “Natne edo ge Yohane doku tau tau goramami, n̄o natne edo ramami, ge Elaiya, n̄o, natne edo ramami, Anutu wane qelit nei propet mo sogino gekoi, eñano n̄ine mane eje mo koso wisikae wieke.”

²⁰ Yale rauso, eje koso en̄ene qesonone rake, “No, n̄idom, yemo nan̄ane kine dalino ramami?”

Petoroño mainge olale rake, “Ge Mesia! Anutuño biragange!”

Yesu Eje Seuke More Koso Wisikae Wieakane Rake

²¹ Yale raki so Yesu eje edangi, eje Petoro wane don ea nei n̄rep mane maine mi edanikei wane rawetonge. ²² Rawetone more, Yesu eje koso edane rake, “Nei Wawainane Gipole wikile suaine desiake. Yuda nei suaine, so mosop nei n̄etne so Anutu wane papa togon welaine nei, eje korop n̄adekka more nekuwi seukeake, n̄o kaiwe mama karewe yale pa more, koso Anutuño ma wirikkaki, koso wisikae wieake.”

²³ Yesuño dokoine korop edane rake, “N̄ine natne na mogat nan̄ikei wane raso, n̄ine n̄inn̄ine

simileŋine ea korop mau ketwarekiso, ŋine wikile desikei wane teweke ariuso, eŋe na nekukei, yale waka ŋine ŋingukei. ²⁴ Ŋei mane eŋe wikilane kaetkaki, solaine ma walukeakeo, eŋe gege wane numaine siuklukkeake. Ŋo ŋei mane eŋe nanane ra more seukeakeo, ŋei yewa eŋe gege togon marat kayake. ²⁵ Ŋei mane eŋe kepe aboŋ kine kine korop ma geake, ea eŋe seuke more, mane maine mi maratkayake, i midakaka! ²⁶ Ŋei mane eŋe naso iwao ŋei ŋerep magu yewa eŋane keueno ŋine, eŋe nae so nanane biŋek don rayakane gamu gamu okane geakeo, Ŋei Wawainane Gipole eŋe ŋado Magakŋo eŋine tungo birakaki, aŋelo magu eŋerop qeli qeliŋka more sarikei, naso yewao eŋe ŋei ea don koboine maine mi olasiake. ²⁷ Na welekatne ŋidanmaile. Ŋine natne mi seuke more wisikaka gekau, Anutuŋo dalino waremaike, naso yewa ea wakongi kaikei.”

Yesu Sola Tanikine Mane Wakonge

²⁸ Soda weku qoekiso, Yesu eŋe Petoro, Yohane, Yakop ebukiso, enŋeneka bonaga maneo meŋenkaikei wane wa arikoi. ²⁹ Yewa meŋenkaki, Yesu wane kait tanikine qeinge more, kine mane okange, so lap lapine korop libe libe qe qelaŋane teine okange. ³⁰ Pakiso eaka ŋei etke ere wakonbik, so Yesurop don aukoi, yemo Mose so Elaiya wakonbik, so ³¹ erane qelaŋanetne suaine zok wakonge, mo sogine Anutuŋo Yesu wane ra more eŋe Yerusalem mat suaino seukeakane birakake, ea Mose so Elaiya so Yesu aukoi. ³² Petoro so kimatkine eŋe

mo kulu pakoi, ɲo qelaɲan eaɲo ma wirikongi wie more, Yesu qelaɲanine so ɲei etke eɲerop okorakoi, ea ongoik. ³³ ɲei etke ere okora Yesu birakauk, Petoroɲo Yesu olale rake, “Waomze! ɲene iwa metɲem wekumane zok okanmaike, yale wane, ɲene siluɲ maine seli kise karewe maikene! Mane geɲane, mane Mose wane, mane Elaiya wane.” Petoroɲo yaup rake.

³⁴ Pakiso, eaka kezonɲ mane sari qekatongi, so kaetonge. ³⁵ Kezonɲ koto don mane iwa yale rake, “Yewa naɲane medep! Eɲe don kine kine ɲidaniake, ɲine derelukkei! Ea wane na eɲe birakakole!”

³⁶ Don ea qoekiso, Yesu eɲineka okorake, dokoine eɲe ɲei ɲerep mane kine kine ea wakonge, mi ra qelaɲan ongei wane rake.

Yesu Eɲe Medep Asu Qotkoinerop Ma Menanɲake

³⁷ Qaeki Yesu eɲine so dokoine karewe bonagao ɲine ket ari, magu suaine maratongoi. ³⁸ ɲei ɲerep magu keueno ɲine ɲei mane eɲe Yesu boka olatke, “Kito ɲebo ɲebonze! Na meɲen ganmaile, naɲane giponne qesiɲkanom! Eɲe naɲane giponne wekuku! ³⁹ Asu qotkoineɲo medep iwa wane kotino naso baɲem waket okanmaike, paki naso baɲem eɲe boka kito qotkoine zok okan ma geake, paki qise more, mekalekatine libeka aɲainoka saket qakki. Asu qotkoine eaɲo zok manerop matalika okanmaike, so eɲe birakayakane rokop mi okanmaike! ⁴⁰ Na geɲane dokoɲone edo asu qotkoine ea esop kaikei wane togogleka meɲenonbe, ɲo eɲe ɲaɲaemami.”

⁴¹ Yesu eɛe don yewa dere more, ɛei ɛerep edane rake, “Nɛine korop malip malipɛine mida! Nɛine masi koboine mau, kuɛ ɛegonɛine okanmaike. Na naso darap ɛinerop gekale? Ma naso na umatɛine tewekale?” Yesu eɛe ɛei ea olale rake, “Ge medepɛone yewa nanano ma sarinom.”

⁴² Medepine eɛe sariki, asu ɛotkoinerɛo ɛeki kepeo ket rasuke, Yesu eɛe kaki paki, asu ɛotkoine esopka more, medep ma menaɛka more, medep ea magainano birakake. ⁴³ Nɛi ɛerep korop eɛe Anutu wane ewe zonomine suaine ea kau, onɛene ɛaeke.

Yesu Eɛe Seuke More Wisikae Wieakane Atak Mane Koso Edange

Pakiso, Yesu eɛe kine kine maki wakongi, ɛei ɛerep eɛe onɛene ɛaekiso aukoi. ⁴⁴ Naso yewao, Yesu eɛe dokoine edane rake, “Na kine kine iwa ɛidanmaile, misuk nigetɛuniake, ɛei edo Nɛi Wawainane Gipole ɛei ɛaba eɛane meteenoo birakakei!” ⁴⁵ No, dokoine eɛe don ea wane kine mi detlukkoi, Anutuɛo don ea wane kine motkeke, ea wane eɛe mi detluke more, koso ɛesonka detlukkei wane kaetongi dere ɛeka okane more yeine ɛelingoi.

Yesu Wane Dokoine Edo Don Auye Kitat Okan Nagu More Rakoi, “Maɛo Nɛi Suaine”

⁴⁶ Naso maneo Yesu wane dokoine eɛe iwa yale kiekie don auye kitat nagu okangoi, “Tego iwa ɛenanoo ɛine maɛo ɛetneze okaniake.” ⁴⁷ Yesu eɛe eɛane wet dereretene dere ka more medep, nigatne mane keuenoo ma more birakaki okorake. ⁴⁸ Pakiso eɛe dokoine edane rake, “Nɛi mane

eje nanane nanane dereso, nanane tungo medep nigatne iwa yale mapik kayakeo, eje na yalewaka mapik nane okanmaike. Nei mane eje na mapiknan okanmaikeo, eje Anutuŋo biranangi ketkole, ea eje yalewaka mapikka okanmaike. Njanane keuo ŋine ŋei mane eje ŋinane ketkele geakeo, eje ŋetne okanmaike.”

Nei mane Mi Nabanoniakeo, Ea Eje Njanane Kimaze

⁴⁹ Pakiso, Yohaneŋo olale rake, “Waomze, ŋene kaŋem, ŋei maneneŋo geŋane eŋetko ra, asu qotkoine esopkake, pakimo, ŋenane ŋadezo mi mogatŋone sarikimo, ŋene rawet kamaine.”

⁵⁰ Yesuŋo Yohane so dokoine natne edane rake, “Ŋine misuk rawet kaikei! Nei mane mi ŋaba ŋunmaike, ea eje ŋinane kimaŋine okanmaike.”

Samaria Mat Eŋane Nei Njerep Yesu Ma Walukkakoi

⁵¹ Anutuŋo Yesu maki qeliwo wayake nasoine mo bomile sariki so, Yesu eje dereretine maki togoleki, Yerusalem mat suaino ariakane okange, ⁵² pakimo dokoine natne eje biraongi alakane arikoi, eje Samaria mat wane nat paromine mat mane yewao kine kine maulukkaikai wane biraonge. ⁵³ Ŋo mat ea wane ŋeiine eje Yesu mateno mi wakesiakane onge, yemo iwa yale, Yesu eje Yerusalem mat suaino ariakane okange, ea wane ŋei njerep eje Yesu mi qesiŋkaikei wane, ra wetkakoi. ⁵⁴ Pakiso, Yesu wane dokoine Yakop so Yohane ere masi ea wane detpik mi menaŋgi olale rakoik, “Waomze, njere Anutu

maine meŋenkate, eŋe ŋei ŋerep ea gerepŋo matalioniake me?”

⁵⁵ Yesu eŋe erano zinge ra wetotkiso, ⁵⁶ Yesu eŋine so dokoine eŋe mat ea qelige koso mat mane maneo arikoi.

Ŋei Natne Eŋe Yesu Mogatkaikei Wane Rakoi

⁵⁷ Yesu eŋine so dokoine Yerusalem arikei wane numao arikoi, ariu ŋei mane eŋe sari Yesu olale iwa yale rake, “Ge mat yewao me yewao arikeneo, na weneŋ mogat ganikale.”

⁵⁸ Yesu eŋe mainge rake, “Tengo eŋe giweo pamaike, so nani eŋe matino pamaike. No, Ŋei Wawainane Gipole, eŋe yemo mat urum papaine midaine.”

⁵⁹ Yesu eŋe ŋei mane olatke, “Ge na mogat nannom!”

No ŋei eaŋo rake, “Waomne, alakane na matno zinge magane dukka more, sari mogat ganikale.”

⁶⁰ Yesuŋo mainge rake, “Ŋei eŋe gege togon mida, eŋe maine ŋei seu seuneŋo seu seune dukkaikei. Ge Anutuŋo dalino waremaike, ea goŋo ari ŋei ŋerep ra qelaŋan onikene.”

⁶¹ Ŋei mane eŋe Yesu iwa yale olatke, “Na ge mogat ganikale, ŋo ge maine na bira nannom alakan ari weŋem sotakne maulukone more, sari mogat ganikale.”

⁶² No, Yesu eŋe mainge olale rake, “Ŋei maneno seki wane wiliŋa mayake, ŋo, eŋe zinge ŋadino pot okanmaikeo, ŋei yalinenjo Anutu wane urata maine mi wareake so mayake.”

10

Yesu Eŋe Ŋei Natne 72 Biraonge

¹ Pakiso, Yesu eɛe eɛine baɲ mat suaine me nigatne ariwareke, ea ɲei natne 72 ma wakonone more, eɛe etkeka etkeka alakane matko matko arikei wane biraonge. ² So eɛe eɛine dokoine ea edane rake, “Euo ɲara loutne mo wele more posimaikɛ, ɲo ɲara wele mama wane so pei peik wane urata ɲei yemo loutne midakaka, ea wane ɲei eɛe dalino ɲara wele peikwarekei? So ea wane ɲine ɲara wele mama wane meɲenkau, ɲara eu welaine oɲom urata ɲei ɲara wele peikkei wane ma wakone biraoniake. ³ ɲine ariu! Na ɲine kasi ɔotkoine eɲane keueno borinunmaile, ⁴ ɲine kine kine iwa yale misuk maikɛ, wesi me numa kite me kie kawet. ɲine dumao ari ɲei ɲerep korop maratone mo kaiwe maine me sakoka rarapko yau yaup misuk edanikei. ⁵ Naso maneo ɲine urum mane waikɛ wane, ari more alakane mat welaine edanikei, ‘Mat iwa wane kotino ɲei ɲerep ɲinano peamɲo payake!’ ⁶ ɲei peamine manɲo urum yewa geki, ɲinane peam don ea maine eɲano payake. ɲo, ɲei peamine manɲo urum yewa mi geki, ɲinane peam don ea yeine koso ɲinɲino zingeake. ⁷ ɲine urum me mat peamine ea wekuoka mesikɛ, mat welaine eɛe ɲine kine kine ɲibonbi maine nekei. Onoka wane? ɲo urata ma more lewine ɲei eɛe maine mayake. Urum weku yewa wane kotinoka mesikɛ. ɲine urumgo urumgo misuk lolike geki. ⁸ Naso maneo ɲine mat suaine maneo ari lotke more, ɲei ɲerep ɔesononbi edo raikɛ, maine iwa saket mere pa wie okanbi, mat yewa metpi, so eɛe ɲara kine kine ɲibonbi nekei. ⁹ Mat yewao ɲine zoma ɲei ma menaɲone more, iwa

yale edane raikei, ‘Anutuŋo dalino waremaike, ea mo ŋinane osonjino lotkemaikē.’ ¹⁰ Ŋo, ŋine mat mane edo ŋinane don mi dere more ŋinerop mi mesikei wane rauso, ea ŋine duma keuno okora iwa yale edanikei, ¹¹ ‘Ŋere mat wane nalek kieso ŋine saukete ketkiso, ŋine masi iwa ka more iwa yale desikei, ŋene masi iwa okanŋem mo Anutuŋo ŋinerop ŋaba okanmaike, ŋo, ŋine dere detsoroke detluke detpi, Anutu wane qeli ewe zonom so qeli qelaŋan, ea mo ŋinane osonjino lotkemaikē.’ ¹² Na wet qelot ŋidanmaile, naso kutno, Anutuŋo ŋei ŋerep korop wanok oniake, naso ea Anutuŋo Sodom ŋei ŋerep borikine wikile nigatne eboniake, ŋo, ŋei ŋerep eaŋo ŋinane don mi detkoi, yemo Anutuŋo eŋe wikile zok manerop eboniake!”

Mat Natne Mali Malip Midaka

¹³ Yesu eŋe koso rake, “Korazin mat wane ŋei ŋerep ŋine qom borikine zok, so Betsaida mat wane ŋei ŋerep ŋine yaleka qom borikine, Yuda ŋei ŋerep eaŋo naŋane masi togole ka more, wet dereretene mi maingekoi. Tire mat so Sidon matko, ŋei ŋerep eŋano naŋane masi togole yale ŋei maneŋo mane maki rap, yemo eŋe yalewaka qom borik okane, ea ka more, kaura betŋo takot biraone more so zepe solaeno tau metpi rap. Masi yewa yale eŋe ŋei ŋerep korop sikanonikei, mo eŋe soteenane qom borik maratka more sotene ea ŋadekkamami. ¹⁴ Naso kutno, Anutuŋo ŋei ŋerep korop wanok oniake, Tire mat so Sidon mat ŋei ŋerep ea wikile nigatne eboniake, ŋo, ŋine Korazin so Betsaida Yuda welaine, Anutuŋo baŋ

wikile zok manerop eboneake. ¹⁵ Nɔ Kaperneam welaine, ɲine wamo Anutuɲo ɲibuki qeliwo wa arikei me? Midakaka, Anutuɲo ɲine gerep sorao biraongi kesikei.”

¹⁶ Yesu eɲe dokoine koso edange. “Nei manerɲo ɲinane don desiakeo, eɲe naɲane don desiake. Nei manerɲo ɲinane don waulukeakeo, eɲe naɲane don waulukkeake. Eɲe na wauluk naniakeo, eɲe Anutuɲo biranange ketkole, eɲe waulukkeake.”

Dokoine 72 Yesu wano Zinge Arikoi

¹⁷ Nei 72 eaɲo Yesu wano zinge arikoi so bakom kitokoi, so Yesu olale rakoi, “Waomze! ɲene masi togole kine mane kine mane makone, so asu qotkoine yale waka eɲetɲone edane more, esoponɲem arikoi!”

¹⁸ Yesu eɲe eɲane don mainge rake, “Mo sogino na Satan eɲe qeliwo ɲine ketki kakole!
¹⁹ Detpi! Na ɲine naɲane tungo biranɲune, so naɲane zonom ɲibonbe mo mawarekoi, ea wane ɲine koma so wame golanɲ maine kutene gesokei, eɲe maine ɲidotpi mi seukkei, ɲine ɲabaze Satan eɲane zonomine maine korop yuankaikoi. Nei ɲerep me osom me kine kine wakoniake, eaɲo ɲine maine mi matali ɲuniake. ²⁰ So ɲine asu borikinerɲo donze mo dere tewekmaike, yale rau paki, mawa mawaine me batneka misuk okanikei. So yale mida. ɲine eɲetɲine mo qeliwo, Anutuɲo gege togon wane papiao qeke, ea wane yemo maine ɲine batne okanikei.”

Yesu Eɲe Magainane Bakomine Kitoke

²¹ Naso yewao, Asu Koboboinenjo Yesu wane kotino watke rokopkaki so bakom suaine kito more rake, “Magak! Ge qeli so kepe wane Waom okanmaine! Na dage golatmaile, ge nei kibi urum mi gekoi, enane dereretene medep nigatne yale, ea geḡone masi so kinenjo sikanon okanmaine. No, nei dereretene wawaine so suaine ea geḡone kine so masi tanikḡone, ea mi sikanone more moton okanmaine. O, Magak, masi ea yemo ge geḡone simile so dereretḡonane okan okanmaine.

²² “Magak, ene na kine kine korop ninwareke. Nei manenjo Anutu wane Gipole mi detlukka-maike. Magak Anutu ene oḡom enineka Gipole detlukka-maike. Nei manenjo Magak Anutu mi detluk kamaike. Anutu wane Gipole ene oḡom enineka Magak detluk kamaike. Ea wane Anutu wane Gipolenjo nei mane ene enane simile kaki, ene maine Magak sikan kayake.”

²³ Pakiso, Yesu ene dokoine enano zinge more, ene enḡeneka edange, “Kine kine iwa wakongi kamami, ea nei ene kaikai, yemo nei ene bakom suaine kitokei, ²⁴ no Anutu wane qelit nei propet so King loutne sogino gekoi, ene kine kine iwa ḡine kamami, ea kaikai wane onge, no ene mi kakoi, ene ḡaḡaekoi. Kine kine iwa wakongi, ḡine detmami, ea ene desikei wane okangoi, no ene ḡaḡaekoi so mi detkakoi.”

Samaria Nei Maine Mane Enane Don Kisi

²⁵ Naso maneo, Anutu papa togon welaine nei mane, Skribe, ene Yesu wano ari liwek kayakane okange, so iwa yale qesonkake, “Kito ebo ebon, na daleo okane more gege togon maikale?”

²⁶ Yesu eɲe mainge qesonka rake, “Anutu wane papiao ra rokop donɲo daleo ramami? Ge papia ea mane dapore detlukka ra qelaɲanmaine?”

²⁷ Ɗei ea eɲe don mainge olale rake, “Ɗine wet dereretɲine korop so oɲa oɲa ɲine korop so zonomɲine korop Waom Anutuɲine eɲane simin ɲungi ma qotkau!” so ‘Ɗine ɲidomka wetɲineɲo ma qotnagu gekei, yale waka ɲei ɲerep korop wetɲineɲo ma qotonikei.’ ”

²⁸ Yesu eɲe mainge rake, “Ge koboboine ramaine, ge kine kine ea makoboe more, gege togon marat kaikene.”

²⁹ Ɗo, Anutu papa togon welaine ɲei eaɲo eɲine eɲetine ma wa nagu Yesu qesonkake, “Ɗene ɲei ɲerep wetzeɲo ma qotonikene, ea eɲe ma?”

³⁰ Yesu eɲe iwa yale don kisi mane mainge rake, “Naso maneo, ɲei mane eɲe Yerusalem mat suaine qelige more, Yeriko matko ariakane ariki, so kobu ɲei natneɲo qe more, laplapine ra barake qeliɲkau, seukeakane okange. ³¹ Paki naso yewao, Anutu wane mosop ɲei, pris mane eɲe ari kaki ɲei ea numao pake, ɲo eɲe yuanka more wazaino duma natka ket arike, ³² yale waka, ɲei mane Lewi tegoo ɲine dumao ket more, ɲei ea ka more, duma natka ket arike. ³³ Ɗo ɲei qelaɲ Yuda ɲadino ɲine mane eɲe Samaria matko ɲine sari, ɲei ea kaki paki, qomine borike, ³⁴ eɲe eɲano ari more, kubetine kelok so wainɲo sauke more, laplapɲo piseke, pakiso eɲe ɲei ea horsi kutno more more, lobo urum maneo iwenka ari warekake. ³⁵ Qaeki, eɲe wesi silwa etke ma more, lobo urum ware ware mane more olatke, ‘Ge ɲei ea warekaikene, na mat maneo ari urata ma

more, iwa zingekale, ge enjane ra more, abonj so njara koso takotke qolekene, ea na iwa zinge sari maine qole ganikale.’ ”

³⁶ Yesuño don kisi iwa raki qoekiso, enje koso Anutu papa togon welaine nej ea qesonka rake, “Ge ranom detpe, kobu nej enje nej qekoi, nej ea enjane kimaine ma? Pris me Lewi me nej qelanj Samaria matko njine?”

³⁷ Anutu papa togon welaine nej enje mainge rake, “Samaria qelanj nej, eanj enje qesinjake.”

Yesuño enje olale rake, “Ge ari enjane masi mogat kaikene.”

Yesu Enje Marta So Maria Mat Kulit Geke

³⁸ Pakiso, Yesu enjine so dokoine enje numaene arikoi, arimage mat maneo lotkeu, so yewao njerep mane, enjetine Marta, onjo marat one more yai ososok okanone more iwenongi matko waketkoi. ³⁹ Enje qaine mane, enjetine Maria enje Yesu wane kino pese ket mere don miti rake, enje ea mere enjane don raki detke. ⁴⁰ Marta enje urata suaine maki paki, dere mezet okange, pakiso Yesu wano ari olale rake, “Waomne, qanejo mi qesinjangi, naeka zok urata suaine mamaile, ea mi kamaine me? Ge olatnom sari qesinj nangep!”

⁴¹ Waomņo mainge olale rake, “Marta, Marta! Ge umat kine kine loutne ea wane zok dere mezet okanmaine. ⁴² Njo, ge kine kine weku ea wane, yemo niget ganmaiike. Mariano yemo yeye weku mane ea wane wetkemaikē, wane mo nej manenjo enjano njine maine mi omakayake.”

11

Yesuḡo Meḡen Meḡen Kito Ebonge

¹ Kaiwe maneo, Yesu eḡe maneo ari more meḡenkake. Meḡenkaki qoekiso, dokoine eḡano ḡine maneḡo Yesu olale rake, “Waom, Yohaneḡo dokoine kito ebonge, ge yale kito ḡebonnom ḡene meḡenkaḡem.”

² Yesuḡo edane rake, “ḡine iwa yale meḡenkaikei,

‘Magaze, geḡane eḡetḡone koboboine mawakaikene, koto baḡem kepe baḡem Waom okan ḡonnom, ³ Kaiwe baḡem ḡara zuaḡ geḡem, ge ḡebonikene. ⁴ Borikinezane turuḡ qeliḡ genom. ḡene yalewaka ḡei borikine okan ḡonmami, eḡane turuḡ qeliḡmaine. Satanoḡo ḡene liwek ḡonmaike, ge mapik ḡonikene.’”

⁵ Pakiso, Yesuḡo dokoine edane rake, “ḡinano ḡine maneḡo ruo banino kimainane matko ari more, ma wirikka more olale rayake, ‘Kima, bret karewe ninnom, ⁶ naḡane kimane mane numa gemage sari naḡano lotkemaikē, pakimo, na eḡane ḡara mane mi motpe metmaike!’ ⁷ Pakimo kimaḡone eḡe mat kotoka mere rayake, ‘Ge de ma wirik mi okan ḡonnom! Madet mo kito more, mo nae so ḡanom medewekopne ḡene mo papazo pawaremaine, na maine mi wie more kine kine ginikale.’ ⁸ Pakimo daleo? Na ḡidanbe detpi, mat welaine eḡe kima kima wane wie more bret mi giniake, yemo eḡe siluḡ aḡa sorinḡonane wie more, kine kine zuaḡmaine, yewa giniake.

⁹ “Ea wane na ḡidanbe detpi, Anutu meḡenkau, kine kine ḡiboniake, ma zuaḡ okane more, wele

maratkaikei, madetko yatou lalage njiboniake. ¹⁰ Mejenka okanmaikenjo kine kine mayake, ma zuanj okanmaikenjo wele kayake, madetko yatomaiké, éje lalage maniake. ¹¹ Me njinano njine mane éje gipolenjo zawon wane raki, koma qotkoine maine mi maniake. ¹² Me tiak wounane raki, wame golanj maine mi maniake. ¹³ Pakimo, njine jei bori worine yalinenjo gipon borasokop njine njara abonj mai maine ebone, gumeon okan okanmami, no Magak qeliwo rokop mane gemaikenjo mejenka okanmami, éje Asu Koboboine njiboniake, ako bakom yemo zok manerop okan okanmaiké!”

Nei Éje Yesu Wane Rakoi Éje Belzebuljo Qe-sinjaki Asu Qotkoine Esoponmaiké

¹⁴ Yesunjo jei mane asu qotkoinejo kotino ketki, done midaine geke, éjane kotino njine asu qotkoine yewa esopkaki saket arike. Arikiso, jei yewa éje kieke more don rake, pakiso jei njerep magu suaine éje ka more onjaene qaeke. ¹⁵ Pakiso, jei natne éje Yesu wane rakoi, “Éje Belzebul, asu qotkoine éjane njeteene, onjo zonom mangi, asu qotkoine yewa esopongi saketmami.”

¹⁶ No jei natne éje liwekka more, éje weleka Anutu wane urata mamaiké me daleo kine ea ma wakongi, kaikei wane so raki, qeliwo masi tanik mane wakoniakane olatkoi. ¹⁷ Éje yale okanbiso, Yesunjo wetenane kine dere more edane rake, “Kepe mane éje mapok nagu maguine maguine ari edomka kawali yakuwi, mi kirowoniaké. Wenjem sotak éje edomka mapok nagu more,

wiriu etke okaniake. ¹⁸ No, Satan wane magu eje mapoke magu etke okane more, edomka kawali yakuwik, urataine daleo togole more payake? Pakimo, n̄ine nan̄ane ramami, eje Belzebul̄no zonom mangi, asu qotkoine yewa esop onmaike. ¹⁹ Na Belzebul̄no welekatne zonom ningi, asu qotkoine yewa esopongaleo, yemo n̄in̄ine dokon̄ine eje māno qesin̄ongi, asu qotkoine yewa esop onmami? N̄in̄ine dokokop n̄ine edo kine n̄ine ma wakon onmami, yemo n̄ine sot okanmami! ²⁰ Mida! Na yemo Anutu wane zomongo asu qotkoine yewa esopon okanmaileo, Anutu wane Waom qeli ewe zonomine so gege togon numa mo n̄inano sarimaike.

²¹ “Pakimo, n̄ei togole mane eje tebe koakine ma more, ējine matinane diamine ma warekaki, abon̄ kine kineine maineka payake. ²² No, silun̄ n̄ei togogole manen̄o sari ge more yuankaki paki, tebe koakine kawali wane abon̄ yewa korop omakaware more, n̄ei natne matoke eboniake.

²³ “N̄ei mane eje kima mi okan naniaken̄o, eje n̄aba okan naniake. No n̄ei mane eje qesin̄nane more, lama mi qetur̄an̄ n̄oniaken̄o, lama esopongi, yau yaup ariwarekei.

Asu Qotkoine Eje Koso Zinge Sariake

²⁴ “Asu qotkoine manen̄o n̄ei mane wane kotino n̄ine sakesiake, saket more ari kepe yaup papaino mat mane maratka ma mere kito okanbe ra, mat wane zuage arike, ari mageki boriki, on̄omka iwa yale rayake, ‘Na koso matne qelige sarile, yewao zinge ariwe.’ ²⁵ Yale raki pakimo, koso zinge ariake, ari kakimo, mat yewa mo sino

kito maulukwareu, dun dun payake. ²⁶ Pakimo, eje koso zinge ari more, asu zok qotkokoine sewen(7), enjine yale mida, eje zok bori worine, eje ebuki sari mat wekuoka mere kito okangei. Pakimo, nej yewa eje alakan nigatnemde borike, wane naso yewao yemo zok manerop borilukmaike.”

Wet Pesek Wele

²⁷ Yesu eje don yale ra okorakiso, nej nrep magu suaine enjane keueno njine nrep manenjo boka woka olale rake, “Nrep pa geu more, namu gumengange, eje oi bakomjone okaniake!”

²⁸ Rakiso, Yesu olale rake, “Mida! Nei nreppa Anutu wane don dere more, tewek okanmami, edo maine oi bakomine okanike!”

Nei Natne Eje Yesu Masi Togole Maki Kaikei Wane Sorinkakoi

²⁹ Nei nrep magu suaine eje Yesu wano sari watke metpi, Yesu iwa yale edange, “Naso iwa wane nei nrewekoune eje nei nrep qotkoine! Eje masi togole kaikei wane qeson okanmami. No, na masi togole mane mi sikanonbe kaikei, weku Yona wane masi togole eamo sikanongale.

³⁰ Numa yewaka, Anutu wane qelit nei, Yonanjo Niniwe matko nei nrep magu enjane qakaene okange, no naso iwao nei nrep magu gemami, njinane qakanine yemo, Nei Wawainane Gipole okanmaike. ³¹ Wano wanok nasoo, yemo qelaj nrep waom Seba kepe nat paromine raiwo okenjine, onjo nei nrep magu naso iwao gemami, enerop wie okora more kine njine tilekeake. Onoka wane, nrep yewa eje kepe nat paromine

lolike sari more, ket more Solomon wane dereret wele yewa detke. No kine kine manero Solomon manerop yuankamaike, yemo iwa na njidanmaile. ³² Wano wanok nasoo, Niniwe matko njine qelan nej nrep ene boan wie okora more, naso iwao nej nrep gemami, enerop kineene tilekkei. Niniwe nej nrep ene Yonano don edangi, dere more borikineene qelige more wetene maingekoi, ea wane. No, na njine njidanmaile, kine kine mane iwa, yewano yemo Yona manerop yuankamaike!”

Wet So Sola Wane Kiwa

³³ “Mane ene lam kiwake more, kine kine qekatno mi motki okora okanmaike, me laseno mi kito kurauki met okanmaike. Mida! Ene zake kutno kitoki, mere mat kotino qelanganji, nej ene qelanan yewa ka more mat koto maine wa okanmami. ³⁴ Denone yewamo wet so solanone kiwaine, denone maine mesiakeo, wet so solanone yewa korop qelanganjo wakesiake, no, denone borimaike, yemo wet so solanone eamo korop panaman kitomaike, ³⁵ ea wane ge kotonono qelanan pamaike, yewa panaman kitoyakane diamine maikene. ³⁶ Ge wet so solanone korop yewa qelanganjoka rokopke paki, wet so solanone sisine mane mi panaman kitomaikao, yemo wet so solanone yewamo korop lam wane qelane yale qelanan wareake.”

Yesuno Anutu Papa Togon Welaine Nei Parisi So Scribe Don Edange

³⁷ Yesu ene don raki qoekiso, Parisi maneno nara enerop neakane newankake. Pakiso, Yesu ene ari enerop zakeo metkoik. ³⁸ Yesu ene metine

mi sau sauk, n̄ara zakeo wa mere n̄ara nekoik wane Parisiño kaki mi menan̄ge. ³⁹ Pakiso, Waom̄ño olale rake, “Parisi n̄ine lasen̄ine so kap̄n̄ine solaineka sauk okanmami, n̄o, kotoñino yemo kobu, bailalan̄, so borikin̄eño watke pamaike. ⁴⁰ N̄ine qelan̄ n̄ei! Anutu en̄e kine kine solaineka make, n̄o, kotino wa mo wenen̄ mi make me? ⁴¹ N̄ine silun̄ lase n̄ine so kap̄ kine n̄ine kotino metmaike, yewa abon̄ene midaine, en̄e ebonwarekeiwo, yemo n̄inano kine kine korop Anutu wane kaitko libe qewareake.

⁴² “Yai, Parisi, n̄ine kaet n̄ungep me? N̄ine kine kine yawwine siwen̄ arerewa, garem kumusi so zaguk natne 10, yewa n̄ine mane Anutu man okanmami, n̄o kine kine wele ra makoboe, so wet̄ño Anutu malipka malipka, yewamo mi okan okanmami. N̄ine iwa okanbi paki, mane wa wenen̄ okangeiwo, yemo manageake.

⁴³ “Yai, Parisi, n̄ine kaet n̄ungep me? N̄ine Yuda lewa lewan̄ urumgo kito metmet lewine n̄ei n̄erep kaitkoka mesikei wane ra okanmami, so soben̄ suaino n̄ei n̄erep edo n̄une more mawa n̄unikei wane wet̄n̄ine suaine pamaike. ⁴⁴ Yai, Parisi, n̄ine kaet n̄ungep me? N̄ine den̄esere mane zarin̄ine midaine, n̄ei n̄erep en̄e mi dereret keuoka gesoke arimami, yale.”

⁴⁵ Yesuño yale rakiso, Anutu wane ra rokop don welaine n̄ei, Skribe, manen̄o olale rake, “Kito n̄ebo n̄ebon, ge don yewa ranom n̄ene wenen̄ n̄engumaik!”

⁴⁶ Pakiso, Yesuño mange olatke, “Yai, Skribe n̄ine wenen̄ kaet n̄ungep me? N̄ine abon̄

umatne suaine ñei ñerep eñane kuteno motpi, edoka urata suaine tewek okanmami, ño ñidom metenine mane bira more, aboñ umatne yewa mi qesiñone tewe okanmami. ⁴⁷ Yai, Skribe, ñine kaet ñungep me? Ñabokopñine eñe Anutu wane qelit ñei engu matali okan onwarekoi, ño ñine propet eñane deñesereene kibi ma okanmami. ⁴⁸ Ñine yale okane more, ñabokopñine masi gotkoine okangoi, ea wane detpi menañ okanmai, yewa ñidomka ñei ñerep sikan onmami, ñabokopñine eñe Anutu wane qelit ñei enguwi seukkoi, ño ñine deñesereene kemgo maulukko. ⁴⁹ Kine yalewa wane, Anutuño mokaka Anutu wane qelit ñei eñane weteno motki, don iwa yale gekoi, ‘Na boañ eñano qelit ñei so aposolo biraonbe arieki, pakimo eñe boañ natne engukei, ño natne engu esoponbi arieki.’ ⁵⁰ Pakimo, mokaka qeli so kepe kito epotke, yewao ñidoka Anutu wane qelit ñei engu sakoi, ea wane turuñine eamo ukude naso iwao ñei ñerep gemami, eñano makok keake. ⁵¹ Mokaka, Abel seukke, yewa ñine sari mage Zekaraia, eñe Anutu wane zake so Anutu wane Urum Kobekine, yewa wane keuetno qeu seukke. Na welekatne ñidanbe detpi, kawali yewa qe sarikoi, ea wane turuñine eamo ukude naso iwao ñei ñereppa gemami, ñinano korop makok wareake!

⁵² “Yai, Skribe, ñine kaet ñungep me? Ñine dereret urum madetine geko gekok wane kiine ma waluke magemami, ñine ñinñine eamo madet lalagimi waket okanmami, pakiso, ñei ñerep natne edo wakesikei wane okanbiso, ñine lenon okanmami!”

⁵³ Pakiso, Yesu enje mat qelige erinat waketke, waketkiso, Anutu papa togon welaine nei, Parisi so Skribe enje Yesu solaino qe more don gereune rakoi, so qeso qeson loutne qesonka liwekkakoi.

⁵⁴ Liwekka more anajaino don mane ra mata-liko ka more dongo birakaikoi wane lom kiririn makoi.

12

Yesuŋo Isi Nei Enjane Girem Don Rake

¹ Nei njerep magu suaine tausen yalewano sari lewage more, esosop nagu kieeneno rakukum nagukoi. Pakiso, Yesuŋo mikepka dokoine edane rake, “Njine Anutu papa togon welaine nei, Parisi, enjane don kelokenane diam maikoi, isisienane ramaille. ² Kine kine kawenerop pamaikoi, yewa mo boan kawene lalage didiwo wakon wareake. Njine kine sane pamaikoi, yewa mo boan didiwo wakongi detka warekoi. ³ Yalewa wane mo, njine don kine kine sanko panaman koto ra okanmami, yewa mo boan kaiwe suaino wakongi desikoi, njine urum koto mere more don kine kine sanjepka rau, nei njerep keteno ket okanmaikoi, yewa mo boan mat sobego okora ra suakoi.”

Nei Njerep Enje Nei Weku Wane Kaetoniake

⁴ “Kimakopne, na iwa yale njidanbe, njine solajine qeu seukeake, njine silun ea wane njadino kine kine natne umatne maine mi okannungei, nei yewa enjane misuk kaet njuniake. ⁵ Na nei weku sikan njunikale, enjane yemo kaet njuniake, Anutu wane kaet njuniake, enje kepe sola qeki seukki, ea wane njadino onja onja gerep sorao

birakaki kesiakane zonom wenenj ma gemaiké. Na welekatne njidanmaile, enjane kaet njuniaké!

⁶ Nanjimde nigatne mete mane yewa wesi tak-itne etkenjo mi qole okanmami me? Pakimo enjano njine mane Anutuño enjane mi nigetka okanmaiké. ⁷ No, njinane lewenjine zounane zaléine yemo mo dapotwareke, ea wane njine misuk kaet okangei, njinane lewenjinejo yemo wawaine, nanj nigatne enjane lewetene yuankamaiké!”

Yesu Enjetine Ra Wakon Ra Wakon So Bisopka Bisopka Ea Wane Don

⁸ “Koso mane njidanbe, mane enjé nejé njerep enjane kaitko, nanjane enjetne ra wakoniaké, Nejé Wawainane Gipoleño yalewaka Anutu anjelokoune enjane kaiteno enjetine ra wakoniaké. ⁹ No, nejé mane enjé nejé njerep enjane kaitko na bisop naniaké, enjé Nejé Wawainane Gipoleño yalewaka Anutu anjelokoune enjane kaiteno bisop kayaké.

¹⁰ Nejé mane enjé Nejé Wawainane Gipole don borikine olasike, enjé Anutuño sot turunjine qelinjka niget kayaké, no nejé mane enjé Asu Koboboine don borikine olasiaké, enjé Anutuño sot turunjine yewa mi qelinjka niget kayaké.

¹¹ No njaba enjé njibu ari more, Yuda wane lewa lewanj urumgo, me ware ware enjano, me nejé waom enjano, dongo biranjunbi, don daleo raikéi ra more dere mezet misuk okanikei. ¹² Naso yewao don raikéi, yewamo Asu Koboboinejo kito njiboniaké.”

Nei Wesi Abonj Gorop Enjane Don Saenjine

13 Nei ηerep magu enane keueno ηine ηei manejo Yesu olale rake, “Kito ηebo ηebon, tatnejo magasane mete zamot yewa bonep mage-maike, ea wane ge olatnom natne na matoke niniake.”

14 Yesujo olale rake, “Neiwae, maηo na ηinane wano wanok ηei bira nangane, ηinano wano wanok urata maikale, me etke ηirane abon keuoka mapoke ηiponikale?” 15 Pakiso enje koso takotke korop edane rake, “Deηine nat nat potkei, so diamηine ma more, kine kine natne ea wane bailalanη misuk okanikei, ηei abonη ηine suaine ηine gege togon ηine yemo abonη yewa ηine mi marat kayake.”

16 Pakiso, Yesujo don saenine mane iwa yale edange, “Nei abonηine suainane kepe mane pake, yewao ηara kine kine loutne suake. 17 Pakimo, ηei wae enje onomka kieke more iwa yale wetkeke, ‘Na ηarane mosikalane matine mane mi met-maike, ea wane na daleo okanikale?’ 18 Yale ra more rake, ‘Na iwa yale okanikale, na ηara urum mane yewa lalagewe ketki, koso suaine maikale. Ma more yewao ηara so abonηne natne wenenη mosikale. 19 Pakimo, na wetnejo iwa yale raikale, ge abonη kine kine korop pa ginmaike, koma zok loutne yewa wane rokop, ea wane ge mere zonom manom, ηara ne more doku nenom, paki ea wane batne okannom!’ 20 No Anutujo yemo olale rake, ‘Ge ηei qelanηine! Ukude ruo iwao ge seukkene, pakimo, abonη kine kineηone iwo gume sakone, eamo maηo peikeake?’ ”

21 Pakiso, don qoi qoino Yesujo rake, “Nei natne kepeo ge more, solaenane abonη kine kine zok

loutne yalewa gume wa okanmami, ɲo Anutu wane kaitko kotoenane morian yemo mida.”

Anutu Detlukakei

²² Pakiso, Yesuɲo dokoine edane rake, “Na iwa yale wane ɲidanmaile, ɲine ɲaraɲo kaɲine ɲe-siɲkaki, gege me takot laplapɲo solanɲine kawetka more gege, yewa wane dere mezet zok misuk okanikei. ²³ ɲaraɲo wele mi okanmaike, gegeɲo yemo wele okanmaike. Takot laplapɲo wele mi okanmaike, solanɲo yemo wele okanmaike. ²⁴ ɲine naɲimde gawe onbi, eɲe ɲara mi ebot okanmami, me ɲara mau urumgo mi wa okanmaike, eɲe ɲara urumene mida, so abon kine kine mot mot wane urumene mida, ɲo siluɲ Anutuɲo ɲara gumeon okanmaike! ɲei ɲerep ɲido nani yuan onmami. ²⁵ ɲinano ɲine mane maɲo dere mezet okangi paki, nasoine ma kiroroine more koma natne koso ge ariake? ²⁶ ɲine kine kine nigatne yalinane ɲeka more mo onoka wane kine kine natnane dere mezet okanmami? ²⁷ Eki zubaine ɲapan salakkene zurak okanmami, yewa onbi, eɲe ɲaraenane urataine mi ma okanmami, me takot laplapene edomka mi ɲetut okanmami, ɲo na ɲidanbe detpi! Solomon, Yuda ɲei waom suaine, eɲe takot laplappine kibinerop bira geke, ɲo siluɲ eki ɲapan salakene kibi maep korop zurak okanmami, yaline mane mi bira geke. ²⁸ Touk zubaine iwa eɲe ukude yalewa zurakmaike, ɲo ɲaekino wamo buratke okanmaike, pakimo kitaremo, gerepko birau wa ze okanmaike. Touk yawwine yaline eɲe siluɲ Anutuɲo takotene biraon okanmaike. Pakimo ɲinane takot

laplap mi ma wakoniake ramami me? Yai, mali malipɲine nigagatne!

²⁹ Nɲine ea wane zok wetɲine kopusutne motki, misuk raikei, onoka ɲara nekene, me onoka doku nekene. ³⁰ Kepe iwa wane qelaɲ ɲei ɲerep ge arimami, edo kine kine yalinane ra okanmami. Nɲine kine kine yalinane ɲaɲaemami, ea mo ɲinane Magaɲineɲo mo detmaike, ³¹ ea wane turuɲine eamo ɲine Anutu wane bango kine kine maine pamaike, ea wane wetɲine suaine motpi payake, pakimo ɲado Anutuɲo kine kine iwa eamo boaɲ ɲiboniake.

Qeliwo Riwe Morian

³² Lamakopne magu nigatne, ɲine misuk kaet okangei, magaɲine eɲe eɲine bango kine kine qeli ewe zonomine pamaike, ea mo ɲiboniakane batne okanmaike. ³³ Nɲine aboɲ kine kineɲine yewa ɲei natne ebonbi, eɲe wesi ɲibonikei, pakiso, wesi yewa mapoke, aboɲene midaine ea ebonikei. Pakiso, ɲinɲine eamo wesi kite mane bara warakine midaine, yewa maratkaikei, so qeliwo qoli zaliɲine gege togon, irima ɲosok mi kiti kitine, yewao ɲei edo kobu mi maikēi so zau edo kim ki barak mi okanikei, yewa marat kaikēi. ³⁴ Qeliwo asu wane gege aboɲ pamaike, yewaoka naso baɲem wetɲine motpi payake.”

Qelit Medep Wet Wisika Gege Eɲane Don

³⁵ “Nɲine eweke more, laplapɲine ramukei, pakiso, waroɲine togoleka abonbi ari kitoki, so kiwaɲine kiwakkei. ³⁶ Pakiso, qelit medep edo suaineene eɲe ɲei ɲerep etke metetne aukeik

wane n̄ara soep suaine mau wa okoramaike. Yewao n̄ine qelige zinge sariki kaikei wane tomaka okanmami, n̄ine yalewa okangei, eje sariki paki, madetko yatoki mo, dokoine eje eṅane madet ikopka lalangei. ³⁷ N̄ei suaine yewa eje zinge sari more, qelit dokoine yewa ongi eweke more wisika mesikei, pakimo, qelit medep eje zok oi bakom okanikei! Na welekatne n̄idanbe, eje laplapine ramu more waroine abongi ari kitokimo, qelit dokoine edangi, n̄ara zakeo sari mesikei, pakimo oṅom n̄ara gumeo-niake. ³⁸ Eje ruo banino me kepe qaeqawo sari more ongi, qelit dokoine eje eweke more wisika gekei, eje oi bakom zok okanikei! ³⁹ So iwa weneṅ desikei, n̄ei mane mat mane wane welaine, eje kobu mama n̄ei manen̄o sariakane nasoine mo detmaike, pakimo matinane diamine maki kobu mama n̄ei yewan̄o eṅane mat koto mi ra barake wayake. ⁴⁰ Pakimo ea wane n̄ine yalewaka ewekkei, onoka wane, N̄ei Wawainane Gipole naso maneo n̄ine raikēi, ‘Eje mi sariake,’ yale ra more mi detkau, eje ban̄ sariake.”

Qelit Medep Aṅa Tewe Tewek Me Aṅa Bira Wira

⁴¹ Petoroṅo rake, “Waom, ge don saen̄ine iwa n̄eneka n̄edanmaine, me ge n̄ei n̄erep koropze n̄edanmaine?”

⁴² Rakiso, Waomṅo rake, “Qelit n̄ei aṅa tewe tewekinerop so dereretine maine yewa ma? Qelit n̄ei yewa eje suainein̄eṅo ware ware birakaki, dokoine natne yewa wareoniake, so naso kutnoka n̄araene matoke eboniake. ⁴³ Suaineine eje zinge sari more kaki, qelit n̄eiine eje urataine

make, yalewaka maki kaki paki olatki, eje oi bakomine suaine okaniake! ⁴⁴ Na welekatne njidanbe detpi. Nei suaine yewa eje qelit nejine ea ware ware suaine birakaki abonj kine kineine wareake. ⁴⁵ No, qelit nei wane wetinejo yemo iwa yale wetkeake, 'Suainene eje ikopka mi sariake, eje naso kiroine ge more, mo boanj sariake.' Yale raki paki, kiekie qelit nei natne engu more, njerep wenej enguyake, engu more njara neake, so doku togole ne more qelanj dere qeake. ⁴⁶ Yale okane gekimo, naso maneo nei suaine yewa eje koso zinge sariake. Qelit mama ejane ware ware yewa eje suaineine naso dango sariake, ea mo mi detmaike, so mi tomaka okanmaike, eje nigetkaki, qewolonj gegeki, suaine eje ikopka lotke more, tinj tunj kitare anja bira wira ejane keueno birakaki njerop wikile suaine geake.

⁴⁷ Qelit mama ejane ware ware mane eje suaineinejo kine kine mayakane olatmaike, yewa mo detmaike, no mi eweke more, suaineinejo okaniakane me mayakane ramaike, yewamo mi okan okanmaike, eje anjaine biramaikane kumunam suainejo qe more makoboeyake. ⁴⁸ No qelit mama ejane ware ware mane eje suainane don dere njanje more qewolonji, kumunam suainejo qe qe wane rokop, no silunj nigatnejo qe more makoboe kayake. Nei mane eje kine kine manerop yoboneka man maneo, yemo eje weleine yoboneka maingeake.”

Yesu Wane Uratao Nei Njerep Poripkekei

49 “Na kepeo gerep puanbe zeakane ketkole, pakimo na gerep yewa esatka lawe zeakane gomne zok nanmaike! 50 Na doku mane tauketane raraine, ɲo mi tauwe paki, wetne umaremaike. 51 Ɗine nanane wetke ramami, na kepeo peam ma wakoniake ketkole? Na ɲidanbe, peam mida, na ɲei ɲerep ma poripone wakongalane ketkole, 52 ea wane naso iwao kiekke more, iwa yale wakoniake, ɲei ɲerep mete mane, matene weku pamami, eɲe poripkekei. Poripke more karewe wa edo etke wa ɲaba osikei. Ɗo etke wa eto karewe wa ɲaba ongeik 53 Magakopene edo gipolekopene ɲabaonikei, ɲo gipolekopene edo magakopene ɲabaonikei. Nagakopene eɲe bora-sokopene ɲabaongeik. Sele ɲerep eɲe atolekopene ɲaba onikei, ɲo atolekopene eɲe sele ɲerep ɲaba onikei.”

Masi Mane Mo Wakonbe Raki Naso Detlukene

54 Yesu eɲe yale waka ɲei ɲerep takotke edane rake, “Ɗine kezon kau, kepe deine ketmaike okenka saki esatka, ra okanmami, ‘Koya mo qeakane okanmaike,’ rauso, koya eɲe qe okanmaike. 55 Ɗo detpi, momo suaine raiwoken ɲine sariki, dere more ra okanmami, kepe mo gereweakane okanmaike, rauso kaiwe sirik okanmaike. 56 Isi welakoune! Ɗine kepeo so qeliwo masi daleo wakonmaike, ea wane kine ea mo maine detmami, ɲo, ukude naso iwa gemaine, ea wane kine mo onoka wane mi detluk okanmami?”

Ɗei Mane Mulap Urumgo Biraganbe Rakiso Eɲerop Don Au Makoboekik

⁵⁷ “Njine onoka wane njidomka mi detluke more, numa koboine ma wesakmamik? ⁵⁸ Njine mane enj dongo biraganiakane geuki arikeik, numao ari more, nej yewa olatnom njitomka esat mida don sot yewa auye ra makoboekik. Pakiso, enj wano wanok nej wane kaitko misuk geu arikiso, onj tebe nej wane metino biragangi, tebe nejnj mu-lap urungo biraganiake. ⁵⁹ Pakimo, na golatpe, ge mulap urungo njine esatka mi sakesikene. Ge yewaka mere more, sotaņone korop suaine so nigatne yewa wenenj makok warenom, qoekika sakesikene.”

13

Wet Mi Mainge More Seukwarkene

¹ Naso yewao, nej njerep natne yewa gekoi, enj Pilatņo, Galili nej natne Anutu wane soe soep mire geuso enguke, ea wane don kisi Yesu olatkoi. ² Pakiso Yesuņo dere more edane rake, “Galili nej enj numa yalewa oken seukkoi, ea wane njine iwa yale wetkemami, Galili nej iwa enjane soteneņo Galili nej natne korop enjane sotene yuankamaike? ³ Yale midakaka! Na njidanmaile, njine wetņine mainge more sot turuņņine yewa mi njadekkaikeiwo, yemo enj okangoi, yale njine korop seukwarekei. ⁴ Njone nej 18, mokaka Siloam matko mat mane kiroroinj yewaņo dumene ket enguke, ea wane njine wetke raikeniņo, nej yewa enjane sot turuņeneņo nej njerep natne Yerusalem gemami, enjane sot turuņ yuankamaike? ⁵ Yale mida! Na njidanlukmaile, njine wetņine maingeu

paki, borikine ñine yewa ñadek kaikeiwo, yemo eñe okangoi, yale ñine korop seukwarekei.”

Eki Mane Wele Midaine Ea Wane Don Rokop

⁶ Pakiso, Yesuño don rokop iwa yale edange, “Ñei manenjo wain euine kotino eki mane pik motki suake, pakimo eñe ari wele wane kaki mane mi qeke. ⁷ Pakiso, eñe eu wane urata mama ñei eñe olale rake, ‘Kanom, na koma karewe iwa sari more, kawe pik eki iwanjo wele mane mi qeki wele wane zuangewe borike, kitonom ketkep! Eñe onoka wane okora more kepe kelokine yaup wane waran waremai?’ ⁸ Rakiso, eu ware wanenjo olale rake, ‘Suaine, qelinjanom, enjineka koma weku iwa okorakki, na kino lom ma lolikewe pakimo, wele qeakane bula-makau kaenenjo lom yewa more more somekale. ⁹ Pakimo, pik eki yewa eñe koma weku ea wane kotino wele manerop maine qeake, ño wele mi qeakeo, yemo ge maine kitonom kesiake.’”

Yesuño Qezarek naso Njerep Mane Ma Menanjake.

¹⁰ Qezarek naso maneo, Yesuño Yuda wane lewa lewan urumgo edange. ¹¹ Njerep mane yewa metke, eñe asu gotkoinjo kotino ket more ma pelekakki, zomainerop okane geki koma 18 okange, yalinane romone setne qoukki maine koboine wie mi okora okange. ¹² Yesuño njerep ea kaki paki ora more rake, “Njerep, zomanone mo midamaike!” ¹³ Yale raki pakiso, metine njerep wane lewino motkiso, esatkamde njerep eñe romone koboeki, wie more Anutu bakomine kitoke.

¹⁴ Yesuño qezarek nasoo ñerep yewa ma menañkake, ea wane Yuda wane lewa lewan urum wane ware ware, maneño sotine osiki anage boka more ñei ñerep edane rake, “Kaiwe urata mama 6 pamaike, yewao ñene urata maine ma okanmaine, wane naso yewao yemo maine sariu, ma menaññuniake, ño qezarek naso yemo misusuk!”

¹⁵ Rakiso, Waomño don iwa yale olatke, “Ñine isi ñei nau! Nñano ñine maneño qezarek nasoo oño siluñ bulamakau me donkiine sengo ñine maine siwotka more, ma saket more ma ari doku gumekayake. ¹⁶ No ñerep iwa yemo Abraham wane ñaboine Satanño mulapño wokomkaki koma ¹⁸ metmañki, mulap yewa maine noño qezarek nasoo mi siwot kaikale me?” ¹⁷ Yesuño don turuñine edange, yewano ñabakoune zok enguki gamu onwareke, ño ñei ñerep wele korop, eñe yemo Yesuño masi kine kine weku mane maki kakoi, ea wane wetene menañge.

Nemuyap Woune Ea Wane Don Rokop Edange

¹⁸ Yesuño qesone rake, “Anutu eñe dalino waremaike, gege togon wane numa yewa tanikine dalino? Na onokakao rokop don mosikale?”

¹⁹ Eñe yemo nemuyap woune nigagatne yale, ñei maneño woune yewa ma more, ma ari romoino motki, mere wiri sua wa more eki suaine okange, pakimo nanji eñe qoginane kutno matene ma okanmami.”

Yis Wane Don Rokop

²⁰ Yesuño koso manerop qesonone rake, “Anutuño dalino waremaike, yewa wane gege togon

wane numa na onakakao rokop mosikale? ²¹ Ea yemo yis yale, ñerep manenjo yis nigatne yewa ma more, palauarop suaine liwage motki, mere more sua piwiwige waki, bret mit okanmaike.”

Madet Qeka Qekaine

²² Yesu ene ari more, mat suaino so mat nigatno ñei ñerep don kito ebonma ebonma ari mage, Yerusalem matko ariakane arike. ²³ Arikiso, ñei manenjo qesonkake, “Suaine, ñei ñerep weku wekuño mane qeliwo waikei me?”

²⁴ Yesuño dere more edane rake, “Ñine sorin borin okane togole more, gege togon madet qeka qekainoka wakesikei, onokawane na ñidanmaile, ñei ñerep loutnenjo waketkei wane soringekei, ño siluñ mi wakesikei, natne ñañækei. ²⁵ Gege togon matpae wane welaine ene boañ wie more madet legeake. Pakimo, ñine mat ñadino okora kieke madetko quñ quñ kito more raikei, ‘Suaine, madet lalagenom unem!’ Raumo, ene boañ ñidane rayake, ‘Na ñine mi detñunmaile, ñine dia ñine sarimami!’ ²⁶ Rakimo, ñine koso olale raikei, ‘Ñene ñara so doku gerop wenen mere nekone, ge ñenane matko don kito ñebongone!’ ²⁷ Pakimo, ene koso manerop ñidane rayake, ‘Na ñañæñunmaile, wie ariwareu! Ñine korop borikine mama nau!’ ²⁸ Ene ñine qeinat mat ñadino esopñungi ket more, wetñine koya saki kuasuruk suaine aroke more, ñet warik warik ki okorau paki, potpi waki onbi, Abraham, Isak, Yakop so Anutu wane qelit ñei propet korop weti qeliwo Anutuño qeli gege togon ma wakon-wareke, ea wane kotine mesikei! ²⁹ Pakimo,

nei n̄erep korop boan sariwarekei, natne kepe sasainoken n̄ine natne kepe ketmaikeoken n̄ine. Sariware more, Anutuño kine kine wekumane ma wakonwareke, ea wane kotino zakeo mere nene maep nekei. ³⁰ Pakimo, naso iwao nei n̄erep kepeo n̄ado kitomami, ene qeliwo lewine alakangei, n̄o lewine kepeo alakanmami, ene qeliwo n̄ado kitokei.”

Yesuño Yerusalem Mat Wane Arokke

³¹ Naso weku yewaoka, Anutu wane papa togon welaine nei, Parisi natne Yesu wano sari more olale rakoi, “Ge mat iwa qelige, mat maneo ikop arinom, Herot ene gekuki seukkenane okanmaike.”

³² Yesuño edane rake, “N̄ine ari kasi borikine zubaine isisine, Herot yewa iwa yale olatpi, ‘Detmaine, na ukude so qaeki asu qotkoine esoponbe saket ariu, zoma enerop yewa ma menan̄onmaile, n̄o qene kaiwe mama kareweo yemo uratane mawe qoeake.’ ³³ Na silun̄ ukude, qaeki so qene yemo mo ea numane arikale, ene Anutu wane qelit nei mane mat natneo maine mi qekoi, mida! Ene silun̄ Yerusalem matko weku yemo qeu seukeake.

³⁴ O, Yerusalem welaine! O, Yerusalem welaine! N̄ine Anutu wane qelit nei engu more, n̄inano biraongi yewa wenen̄ wesino engu waremami! Naso loutne na meteneño motpe nei n̄erewekop̄n̄ine koraut n̄unikalane okangole. Tiak n̄erep̄n̄o medewekoune qimgimineño mapulake motki korautonge, yale na qimgiminane bango met okanmami, na n̄ine koraut onikalane, n̄o

ņine ea wane bauņine wake. ³⁵ Detmami! Anutuņo matņine mo komu komune qeliņkayake, na ņidanbe, ņine koso na mi nanikei, ge mage naso mane bomileki, yewao ņine iwa yale raikei, ‘Waom wane tungo sarimaikane, eņe Anutuņo mosopkakep!’ ”

14

Yesuņo ņei Mane Kie Mete Sua Sua Okankake Yewa Ma Menanķake

¹ Qezarek naso maneo, Yesuņo Parisi ņetne mane wane matko ņara neakane arike, pakiso ņei ņerep eņe Yesu wane diamine seleleine makoi.

² Pakiso ņei mane kie mete sua sua okankake, yewa eņe Yesu wane osino sarike. ³ Sarikiso, Yesuņo ņei wae kaki paki, Anutu papa togon welaine ņei, Parisi so Skribe qesonone rake, “ņenze ra rokop don yewaņo maine detņongi, qezarek nasoo ņei ņerep zomarop ma menanķ onikene me mida?”

⁴ No eņe dan mane mi rakoi, pakiso Yesu eņe ņei wa metino ma menanķaki, pakiso biraki arike.

⁵ Pakiso, eņe edane rake, “ņinano ņine mane eņe gipole me bulamakauine mane doku lomgo qezarek nasoo kesiake, pakimo ņine qezarek nasoo wane maine ikopka mi ma birau sayake me?”

⁶ Don ea wane yalewaka turuņine eņe eweke more, maine mi mainge olatkoi, eņe ņanķaekoi.

Sola Wawa Mi Okane More Ketkele Gekene

⁷ Yesu eņe ongi, ņei natne eņe ņara zakeo ņara nekei wane sari metmet maine lewine yewaka nogane mesikei wane okanbi, Yesuņo one more

don rokop mane iwa korop kito more edange,
8 “Nei manenjo nei njerop etke meteetne aukeik
wane okanbik newanngungi enane zakeo nara
nekei wane, ari more met met maine lewine
metmaiike, yewao misuk mesikene. Qen we-
lainenjo gejanen wawaine nei wele mane mo
wenen newankake. 9 Pakimo, ban welaine nara
zake nirit narek newanngurike, ene sariki pakimo
gejanen iwa yale rayake, ‘Metmet maine lewine
iwa mo nei wele wawaine iwa onjo metkep.’
Pakimo, ge gamu maratkanom, pakimo met-
met ketkele, yewao ket mesikene. 10 Ge epa
kebu welainenjo newangangi, ari more metmet
wawaino mesikenane, turunjen ea mo ge met-
met ketkele yewao mesikene. Pakimo, kebu
welainenjo gejanen sariki paki rayake, ‘Iwa sanom
kimane sa more metmet maine iwao metnom.’
yewanen yemo gejanen bakom suainen lobo natnen
enane kaitenen wakoniaken. 11 Nei mane ene
onjomka enjetinen mawaki, yemo Anutunen maket
birakayaken, non nei mane ene onjomka enjetinen
maketki, ketkele det nagumaike, ea wane Anu-
tunen mawa birakayaken.”

12 Pakiso, Yesunen waom nei kebu welainen ea
olalen rake, “Ge kepen onan bango me rarapko
naran newan onikenanen okanen more, gejenen ki-
makopjonen, non tatjonen, wenjen sotawekopjonen
me nei abonjenen suainen, yewa korop misuk
newanonikenen. Onoka wane ene ban turunjen
yalewakan newanganikei, ene yalewan oken okanen
more, kinen kinen ebonnom nekoi, ea wane tu-
runjen makoken ginikei. 13 Ge epa waom manom
paki, yemo nei njerop wanap, abonjenen midainen,

mat popokine, kie wawetene qoi qoine so deene pilik pilikine yewa tebaongene. ¹⁴ Paki Anutuño ge ban mosopganiake, onoka wane nei yaleineño maine mi qoleganikei, ea wane turuñine yemo ban nei koboine seu seu ñine wiekei, naso yewao Anutuño qoleganiake.”

Epa Waom Suaine Ea Wane Don Rokop

¹⁵ Nei mane ñara zakeo mere ñara wenen nekoi, oño don iwa detki paki, Yesu olale rake, “Ñei ñerep eñe Anutu wane gege togon mat ma wakonge pamaike, ea wane kotino mere ñara zakeo nekei, eñe wet pesek manerop desikei!”

¹⁶ Pakiso, Yesuño olatke, “Ñei maneno epa waom suaine maki paki nei ñerep loutne newanonge. ¹⁷ Epa waom nekei wane naso mo bomilekiso, waom welaineño qelit mamaine mane talekaki ari nei ñerep edane rake, ‘Sariu, ñara kine kine mo zakeo pamaike!’ ¹⁸ Yale ra edangi, eñe korop mode mode don weku weku rakoi. Ñei maneno qelit mama olale rake, ‘Na kepe mane qolile, ea wane na maine mi arikale, na ari kepe qolile yewa kaikale, siluñ detnom misuk boriake.’ ¹⁹ Pakiso, maneno olale rake, ‘Na bulamakau 10 qolile, ea wane ari liwekone onikale, na maine mi arikale. Ge siluñ misuk detnom boriake.’ ²⁰ Pakiso, maneno wamo olale rake, ‘Na ñerep musele mele, ea wane na maine mi arikale. Ge siluñ misuk detnom boriake.’

²¹ Pakiso qelit mama eñe zinge ari more suaineine yewa korop olatwareke, pakiso matpae wane welaine eñe sotine osiki, qelit mamaine olale rake, ‘Ge mat iwa wane kotino numa suaino

so nigatno ikopka lolike ari, nei n̄erep wesi abōjene midaine, mat popokine, kie meteene seu seune so deene pilik pilikine yewa ebunom sariwareu!’ ²² Mi azongiso qelit mamāno zinge sari more rake, ‘Suaine, na gējane don teweke mo okanwarile, ̄o silūj met met sotakine yaup pamaike.’ ²³ Pakiso, suainēno qelit mamaine olale rake, ‘Ge numa suaino ari more eu wane sen pamaike, yewa mogare ari nei n̄erep ebunom, sari nājane mat watke warekei. ²⁴ Na iwa yale ̄edanmaile, nei wa newanongole, ējano ̄jine korop̄no nājane ̄jara yewa mi nekei!’ ”

Nene Detluke More Yesu N̄adino Mogare Arikene

²⁵ Nei n̄erep magu suainēno Yesu n̄adino mogare arikoi, pakimo Yesūno zinge edane rake, ²⁶ “Nei manēno na mogat naniakane ramaike, ēje nājane simile alakane detka more, ējine simileine ea mi ̄abakayake, ēje yale okangi paki, naga magaine, ̄janom medewekoune, ̄jon tarekoune so kiarokoune ējane gegeinane simile maine dere more so ējine simile detkayake, paki nājano sariake, ēje nājane medep maine mi okaniake. ²⁷ Nei mane ēje kaiwe bājem kibeu qabējine ea wane wikile mi dere teweke, nājane ̄jadeno mogatnane sariake, ēje nājane medep mi okaniake.

²⁸ No ̄jinano ̄jine mane ēje mat kiroroino mane ma mayakane wetkeake, ēje mikepka pese mere lewine darap̄no kitasiake, ea wane wesi so zaleine ma wakoniake, paki ēje kayake, wesi

maine mat yewa maki qoeakane rokop okanmaike. ²⁹ No eje mikepka yale mi okane more, nado bosij motki qoeaka, eamo mat yewa maine mi maki qoeke, pakimo nei loutnejo kau paki tenikkaikei. ³⁰ Pakimo, iwa yale raikei, 'Nei iwa eje matpae kieke make, no maine mi maki qoemaik!'

³¹ Nei waom mane eje kawali neikoune 10, 000 yalewa, no nei waom mane eje kawali neikoune 20,000, edo engukeiwane sariu, nei waomba kawali neikoune 10, 000 ka, eje mikepka pese mere dere makoboeake, eje maine togole more, nei waom mane kawali neikoune 20, 000 yewa engu esoponiake, me mida. ³² No eje kaki mi kopkeakeo, yemo eje nei waom mane enjine so kawali neikoune eje qei abaran gemami wane, eje qelit mane raongi ari nei waom mane olatpi ere qedugu more, peam wane done qesonkaki aukeik." ³³ Yesujo takotke raki qoeke, "Rokop yalewaka njinano njine maneno abonj kine kineine mi nadekka wareakeno nanane medep mi geake."

Soli Zonomine Midaine

³⁴ "Soli eje kine kine maine, no eje koso simile midaine okaniake, ea mo daleo okane more, manem eje koso similerop okaniake, ³⁵ soli yalinenjo euo kepe kelokine mosiakane mi qakane, so bulamakau kaenerop maine mi geturangene, ea kepe wane kelokine mosiakane mi qakane, njene yeine qaknem numao ari okanmaike, nei mane eje ketneropno don iwa wane kine desi-ake!"

15

Lama Siuk Siukinane Don Rokop

¹ Naso maneo takis mama so borikine mama loutneŋo Yesu wane don desikei wane sarikoi. ² Pakiso, Anutu papa togon welaine ŋei, Parisi so Skribe eŋe kieke more detpi boriki, Yesu wane rakoi, “Ŋei iwa eŋe borikine mama kima okanon okanmaike, so eŋerop weneŋ mere ŋara ne okanmaike!” ³ Pakimo, ea wane Yesuŋo don rokop mane iwa yale edange,

⁴ “Ŋinano ŋine mane eŋe lamakoune 100 okorakei, pakimo yewa ŋine weku siukeake, siukkimo, lama welaine eŋe daleo okaniake? Eŋe qeliŋongi, lama 99 yewa ŋaraene ne okorau mo, eŋine lamawa mane siukike, ea wane zuage ari mage marat kayake. ⁵ Marat kayake, naso yewao welaine eŋe zok wet pesek suaine dere more lamaine yewa ma biraki wokine kutno wayake. ⁶ Wakimo, teweke matko ma ariake, ariki paki, kimakoune so matkoune edoraki sari lewageu edane rayake, ‘Na wet pesek suaine detmaile, lamane siukkeo ŋine koso maratkamaile, ea wane ŋene bakom kitoŋem!’ ⁷ Na ŋidanbe detpi, rokop yalewaka weti qeliwo eŋe bakom okanikei, yemo ŋei 99, eŋe menaŋgoi, ŋo wetene zok mi maingelukkei. Ŋo siluŋ borikine mama wekukurapŋo wetne maingemaiké, yemo oi bakom suaine weti qeliwo wakoniake.

Wesi Siu Siukine Ea Wane Don Saenine

⁸ “Me n̄rep manen̄o wesi setne 10 ma geake, yewa n̄ine weku siukki mo, n̄ereppae en̄e da-leo okaniake? En̄e kiwa kiwakki lawekimo qe-lan̄ango maine sino kitoki paki, yewao yewao kaululke zuage ari marat̄kayake. ⁹ Marat̄ka more, kimakoune so matkoune edoraki sari lewageu edane rayake, ‘Na wetne zok pesemaike, wesine setne weku siukike, ea mo marat̄ kamaile, ea wane n̄ene bakom kitoñem!’ ¹⁰ Na n̄idanbe detpi, rokop yale waka Anutu wane an̄elokoune en̄e borikine mama wekukun̄o wetne maingeki, oi bakom suaine okanikei.”

Medep Mane Magaine Qeliñka More Arike Ea Wane Don Kisi

¹¹ Yesu en̄e koso takotke more rake, “N̄ei mane en̄e gipoletkine etke gekoik. ¹² Gipole nigatn̄en̄o magaine olale rake, ‘Magak, wesi abon̄ba nan̄ane bin̄ek, yewa ukude mapoke ninnom.’ Rakiso n̄ei wae en̄e wesi abon̄ yewa keuoka mapoke gipole nigatne ea mane mange. ¹³ Kaiwe urata mama ewekine mere, so gipole nigatne en̄e kine kine kakiine natne yewa matoke qolewareke, pakiso wesiine yewa ma so matine ea qelige, so kepe mane abaran yewao ari geke. Ge more wawaine okane more, wesi yewa korop qakki ariwareke. ¹⁴ Ari mage mida lelemaike, rakimo kepe wa geke, yewao bodi kakapa suaine wakone, kepe mat yewa rokopke pake, pakiso medeppae en̄e mo ea wesi abon̄ine midaine metke. ¹⁵ Mere ari kepe mat yewa wane welaine n̄ei mane en̄ano urata mayakane wakonge. Pakiso, n̄eiwaen̄o birakaki ari berek sengo berewekoune wareonge. ¹⁶ Berek

eje bese wane solaine neu, nei eje yalewaka bese wane solaine yewa neakane wekemaŋke, ŋo nei manenjo ŋara mane mi mangi neke. ¹⁷ Nado wetine lotkeki, detwareki paki rake, ‘Maganane urata mama ŋeikoune korop, eje ŋara zok suaine neu ŋatene qemaibe, ŋo na iwa mere zok ŋara wane seukmaile, ¹⁸ ea wane na baŋ wie more maganano ariwe paki olale raikale, Magak, na borikine mawe, Anutu ŋabakamaibe, so ge wenenj ŋaba ganmaibe, ¹⁹ na nei maine mida, ea wane ge nanane giponne misuk raikene, ge urata mama ŋeinone yale biranannom gekale.’ ²⁰ Yale raki pakiso, wie more magainano zinge arike.

Ari mat osino osino raki, magainenjo mo potki ariki kake, ka more wet borikŋo kotino watkeki, biririke ari meterekine biraki ariki, gipole masatka more lulukike. ²¹ Pakiso gipolenjo olatke, ‘Magak, na borikine mawe, Anutu ŋabakamaibe, so ge wenenj ŋabaganmaibe, ea wane na koso geŋane giponŋone misuk norakene.’ ²² Njo magainenjo yemo qelit ŋeikoune edoraki sariu edane rake, ‘Ikop ariu! Ari naewo ŋine takot musele kiroine mane ma sari, birakau ketkep. So metino siliwa zale mane birau wetekimo, kieretkino kie tabe wenenj birau wakep. ²³ Pakimo, ari bulamakau medeune mane kelokinerop yewa qe more mitpi, epa waom ma nenjem paki, bakom kitoŋem! ²⁴ Medep iwa eje mo seukkeo ŋine, koso siluŋ marat kamaine.’ Yale ra edangiso, epa waom ma neso, oi bakom kieke okangoi.

²⁵ Gipole suaine eje naso yewao euo geke,

yewao njine koso zinge sari mat osino okora, ejet so wagom yewa detke. ²⁶ Dere more qelit nei mane oraki sariki qesonka rake, ‘Iwa daleo okanmami?’ ²⁷ Qelit neiyo olale rake, ‘Geņane njonjone mo matko zinge sarike, pakimo maganoneyo bulamakau medeune kelokinerop mane qemaibe, gipole kine kine maneyo mi matalikake, maineka sarike, ea wane, maganjitneyo raki okanmami.’

²⁸ Tatine suaine eje sotine osiki mat koto mi wake, pakiso magaineyo saket more, mat koto wayakane wetkelik kake. ²⁹ No gipoleyo yemo done turujine olale rake, ‘Detnom, na koma loutne urata nei yauwine yale qelitjone qe sarikole, donjone mane mi qekole, ge onokaka mane ningone? Ge nonij mida mane mi ninnom qe more kimakopne enjerop epa waom ma nejem paki, oi bakom okangone, midakaka!’ ³⁰ No giponjone iwa eje yemo wesi abonjone korop yewa wenip njerep enjerop ge more, mataliwareki mida leleki, koso zinge matko sarikimo, ge bulamakau medeune kelokinerop yewa enjane qemaine!’ ³¹ Yale rakimo, magaineyo mainge olale rake, ‘Giponne, ge yemo naso banjem narop iwa ge okanmaine, yalinane mo kine kine nanjano pamaibe, ea mo geņane okanmaibe,’ ³² no njene yemo epa waom ma nejem paki oi bakom okanikene, njonjone mo seukeo njine, koso siluj wisikaemaibe, eje mo siukkeo njine, koso siluj wakongi marat kamaine.’ ”

16

Wesi Abon Ware Ware Borikine Enjane Don

Rokop

¹ Yesuŋo don mane iwa yale dokoine edange, “Baliŋa ŋei mane geke, eŋe eŋane wesi aboŋ ware wareine mane geke, pakimo ŋei natne eŋe baliŋa ŋei wano sari ware ware wane solaino don ɔe more rakoi, ‘Ware wareŋoneŋo wesinone mo matali waremai ke.’” ² Rau dereso, baliŋa ŋei waomŋo ware warewa oraki sariki ɔesonka rake, ‘Daleo wane geŋane don iwa detmaile? Ge ari naŋane aboŋ geŋane meto pamaike, yewa wane zaleine korop dapot warekene, ge koso naŋane ware ware mane mi gekene.’” ³ Pakiso ware ware wa eŋe iwa yale wetkeke, ‘Suainene eŋe mo ware ware uratao ŋine esopnaniake, na daleo okanikale? Na sere maine mi kitomaile, na ŋei ŋerep natne ŋara wesi meŋen onikalane gamu nanmai ke.’” ⁴ Na detmaile, na siluŋ naso iwao kimakopne ɔesinonikale, ea wane waomne eŋe na esop naniake, ŋo naŋane kimakopne eŋe na maine ɔesinŋankei.

⁵ Eŋe yale dere more urata ŋei kimakoune edora more, suaineinane sotaene eŋano pake, yewa edorki, eŋano sarikoi, mane eŋe alakane sariki, eŋe ŋei alakane sarike, ɔesonka rake, ‘Ge naŋane waomnanao sotaŋone darap ɔolekene?’” ⁶ ‘Eŋe mainge rake, ‘Na sotne kelok mitmit 100 dram ɔolekale.’” Ware ware eŋe olatke, ‘Sotaŋone papia iwa mo ɔeu pake, ge ma mere 50 dram gekene.’” ⁷ Pakiso eŋe ŋei mane ɔesonka rake, ‘So, ge sotaŋone darap?’ Eŋe mainge rake, ‘Na sotane wan(1) tausen kaura bet wit woune.’ Ware ware eŋe olatke, ‘Sotaŋone papia iwa pake, ge 8 handret kaura bet gekene.’”

⁸ Kine kine ea wakonge, ea ñei waom eñe dere more ware ware wane masi isisine ka more, eweine kitoke. Kine yewa onoka wane, kepe ñei ñerep eñe kepe wane wesi aboñ urata detlukonmami, so edo ñine ñei ñerep qelañane ñine qelañan wane urata mogare mamami, edo yewa yuannunmami.”

⁹ Pakiso, Yesu eñe takotke edange, “Na wenen ñidanmaile, ñine kepe wane wesi aboñ ñineño ñei ñerep ketkele qesiñonikei, boañ wesi aboññine ea siukeake, naso yewao Anutuño ñine qeli gege togongo mauluk ñuniake. ¹⁰ Ñei maneño kine kine yauwine koboboine ma gemaikao, eñe kine kine suaine koboboine ma geake. Ñei maneño kine kine nigatne isisine ma gemaikao, eñe kine kine suaine masi isisine ma geake. ¹¹ Ñine kepo wesi aboñ mi wareluk kamamiwo, ñine qeli wane aboñ wele mi warelukkaikoi. ¹² Pakiso, ñine ñei mane wane aboñ mi wareluk kaikoiwo, Anutuño ñinane binjek mi ñiboniake.

¹³ Ñei maneño ñei suaine etke erane qelit qege urata maine mi mayake, eñe ñei mane qaisikkayake, ño mane wane maine siminkayake. Eñe ñei weku mogatkayake, ño mane ea detki, ñei yauwine okaniake. Ñine Anutu so wesi aboñ ea maine mi mogat osikei.”

Yesu Eñe Don Kine Kine Ra Qelañange

¹⁴ Pakimo, Anutu papa togon welaine ñei, Parisi, eñe don ea dere more Yesu wane tenikkakoi, ea wane eñe kepe wane wesi ea wane zok manerop siminonge, ¹⁵ ño Yesuño edange, “Ñine ñei ñerep kaiteno kine kine koboiwo

mamami, ɲo Anutu eɲe ɲinane wet dereretɲine detlukmaike. ɲei ɲerep eɲe kine kine one more, weku mane detmami, ɲo Anutuɲo kine kine ea yemo one more detki yauwine okan okanmaike.

16 “Ra rokop don kine kine Moseɲo qeke, so kine kine Anutu wane qelit ɲei edo qekoi, ea pa sari mageki Yohane wane naso bomileke, Yohane doku tau tau nasoine bomileki sari lotkeke, naso yewao Yohanenjo Anutuɲo daline waremaike so enjane gege togon numa, so qeli ewe zonom ea wane binjek don ra qelanange, so ɲei ɲerep koropɲo Anutu wane gege togon numa togogole soringe wakesikei wane okanmami so natneɲo mo waket warekoi. 17 ɲo qeli so kepe siukeikwo, Mose wane ra rokop don nigatnemde mane mi siukeake.

18 “ɲei mane eɲe ɲanomine qeliɲka more, ɲerep mane mayake, eɲe sotine marat kayake, so ɲerep manenjo eɲe ɲaone qeliɲka more, ari ɲei mane mayakeo, eɲe sot marat kayake.

ɲei Aboɲine Suaine So Lazarus Erane Don Kisi

19 “Naso maneo, ɲei waom wesi aboɲine suaineropɲo geke, eɲe takot laplapine weku mane kibinerop. Eɲe epa waom ma kaiwe banjem met mageke. 20 Naso yewao, ɲei mane aboɲine midaine, kubetenerop geke. ɲei ea enetine Lazarus, eɲe ɲei aboɲine suainane mat wane anjaine pa mageke. 21 Eɲe ɲei aboɲine suainane ɲara sisine neyakane simile dere pa mageke metki, so kasi eɲe sari more Lazarus wane kubet soɲine bozeka manjoi.

22 “Pakiso nei aboņine midaine eņe seukki, so aņelo edo nei ea tewekka wa more, qeli wane epa waom pamaikeo, Abraham wane wazaino birakau metke. No nei aboņine suaine eņe seukki, so kimakoune dukkau, eņe ari 23 gerep sorao ket okorake. Yewao eņe wikile suaine dere more, deine potki waki Abraham wane wazaino Lazarus metki kake. 24 Ea wane eņe Abraham boka ora olale rake, ‘Magane, Abraham, ge naņane wetņone borikep! Ge Lazarus birakanom, eņe zoliwineņo doku qe more sari naņane belakamne uakayakeo, na siluņ zonom nigatne maikale, na wikile zok suaine gerepko iwa detmaile!’

25 No Abrahamņo olatke, ‘Gifonne, ge det sorokkene, Anutuņo ge kepe aboņ wekumane ginge, ņo Lazarus eņe kine kine qotkoine mange, ņo ukude Lazarus eņe kine kine wekumane detmaike, so ge wikile detmaine. 26 Ge roo suaine kiroine keuzo iwa ka maine, na nat iwa metmaile, so ge nat yewa metmaine. Na geņano yewa zawo yuane maine mi ukale, so nei natne eņe nat yewa maine mi zawo suaine pamaike, more iwa yuane ea sarikei.’ 27 Nei aboņine suaine eņe Abraham olale rake, ‘Na magane Abraham ge koso meņengamaile, ge Lazarus maganane matko birakanom arikep! 28 Yewao, eņe naņane tatne so ņolekopne metemane gemami, eņe girem don edaniakeo, eņe iwa mi sari more wikile desikei.’

29 Abraham eņe mainge rake, ‘Don kine kine Mose so Anutu wane qelit nei propet, eņe qekoi, ea tatņone so ņonņone eņe girem don ea edan okanmami, eņe don ea maine detpi.’ 30 Nei

abonjine suainenjo olatke, ‘Yale mida! Ene nei mane seu seu njine, wisikae wie more ari edaniakeo, ene maine sotene ea ndekkaikai.’³¹ No Abraham ene rake, ‘Ene Mose so Anutu wane qelit nei propet enane don mi desikeiwo, ene nei seuseunane don edangi dere maine mi malipkaikai. Ene yewa ban dere ndekkaikai.’”

17

Sot Wane Kine

¹ Pakiso Yesu ene dokoine edane rake, “Borikine kine kinenjo nei njerep mau sotene maratoniake, ea naso banem wakonmaike, no nei manenjo kimaine qebin mabin borikine mane ma more, sot marat kayakeo, Anutunjo nei ea wikile maniake. ² No nei manenjo medep nigatne yewa maki me iwenkaki sot marat kayakeo, Anutunjo nei ea wikile suaine zok maniake. ³ Ea wane njine kine kine ma more kaulukkei.

“Kimanone ene masi borikine mayakeo, ge maine enano ari girem olale more, rawetkanom, ene sot ea ndekayakeo, ge maine sotine qelige turunjine birakene. ⁴ Ene masi borikine genano atak sewen, kaiwe weku ma more sari more rokop atak sewen rapoke golasiakeo, me qom borik don golasiakeo, ge sot turunjine qelige manikene, so ge iwa yale olasikene, ‘Na sot turunjone mo qelinmaile.’”

Mali Malip Wane Kine Yesunjo Edange

⁵ Yesu wane qelit nei ene Yesu olale rakoi, “Nenane mali malipze togole mida, ge mali malipze manom togolekep!”

⁶ Waomzeno mainge iwa yale rake, “Mastet woune eje nigat nigatne okanmaike pakimo njinane mali malipjine eje woune yale waka nigatne okaniakeo, njine eki suaine yewao maine olasikei, ‘Ge wie lolige ndononerop ari kiwetko okoranom!’ Njine yale ra olatpi, eki ea eje maine njinane don tewekeake.

Qelit Qe Qe Urata Wane Kine Yesuno Edange

⁷ Njinane keuo njine nei maneno qelit nei ma-
maike, qelit nei eano sere kito more lama ware
okanmaike. Urata ea qoeki, so eje euo njine sariki
eje iwa yale mi olatmaike, ‘Ge ikop sari nenom!’
⁸ Midakaka, eje iwa yale olasiake, ‘Ge wie nanane
nara soep mauluke more, laplap libeka bira more
nara soep ninnom nekale, na newe qoeki ban
nado yemo ge nara dokunone nekene.’ ⁹ Qelit
qeqenone eje urata ma qelitjone qeki, ge maine
ewine kito mawa kaikene me? Midakaka! ¹⁰ Njine
yale waka, na kine kine njidangole, ea korop njine
ma more raikeni, ‘Nene qelit qeqe nei, ge kine kine
nedangone, ea njene mo mene, ea mo rokouno.’ ”

Yesu Eje Nei 10 Ma Menange

¹¹ Yesu eje Yerusalem ariakane Samaria kepe
so Galili kepe keuetnoka ari more, ¹² mat maneo
wakesiakane okane, nei 10 kubet togoleenerop
maratonge, eje amanj okora more, ¹³ boka rakoi,
“Yesu, waom, ge njenano wetjone borikep!”

¹⁴ Yesu eje nei ea one more edange, “Njine ari
more, mosop nei solanjine ea sikanonikei.”

Eje ariu ariu eaka kubet togon solaeno pake,
ea mo osi more, libeka okange. ¹⁵ Nei maneno
solaine kaki menangi, so eje Yesu wano zinge ari,

Anutu wane eņetine ora mawaka more suaineze oi bakom okankake. ¹⁶ Eņe Yesu wane kino ket rasu more, ewine kitoke, ņei yewao eņe Samaria welaine mane, eņe Yuda tego ņadino ņine. ¹⁷ Pakimo Yesu eņe olale rake, “Na ņei 10 ma menaņonile, ņei natne 9 eņe diao ari-mami? ¹⁸ Onoka wane qelan lobo ņeinoka iwa koso zinge Anutu wane eņetine buke wamaike?” ¹⁹ So Yesu eņe takotke more olatke, “Ge wie arinom, ge naņane don mo malipkamaine, so mali malipņonane menaņmaine.”

Anutu Eņe Dalino Waremaike

²⁰ Anutu wane papa togon welaine ņei, Parisi, eņe sari Yesu qesonka rakoi, “Naso dango Anutu eņe sari kepe warekayake?”

Yesu eņe mainge rake, “Anutu eņe waremaike, ea ņine maine mi kaikei, so ²¹ ņei maneņo mi rayake, ‘I, kau!’ me, ‘Yewa pamaike!’ Anutuņo ņinane wetņine koto wareņunmaike.”

²² Pakiso Yesu eņe dokoine edange, “Boaņ ņine ņei Wawainane Gipole nasoine kaikei wane wetkekei, ņo ņine mi kaikei. ²³ ņei natne ņinano sari ņidanikei, ‘ņine eriwa kau!’ me, ‘ņine iwa kau!’ ņo, ņine mi kaikei. ²⁴ Qilapņo naso natne walatake wamaike, so naso natne qeli korop kilitikmaike, ņei Wawainane Gipolane nasoine eņe qilap ea yale ikopka wakoniake. ²⁵ ņo alakane eņe wikile suaine detki, so ņei ņerep eņe ņadekaikei. ²⁶ Kine kine Noa wane nasoino wakonge, ea korop ņei Wawainane Gipolane nasoino wakoniake. ²⁷ Noa wane nasoo ea, ņei ņerep korop ņara doku soep ne more, zokit

makoi, nasoine yale ari mage ari mageki, so Noa eje sekiwo kaiwe mane waketki, doku qakumņo ket more ņei ņerep korop enguki seukwarekoi. ²⁸ Kine kine ea Lot wane nasoino wakonge, ea korop ņei Wawainane Gipolane nasoino wakoni-ake. Lot wane nasoo ņei ņerep eje ņara soep ne more, aboņ qole more eu ebore more, mat makoi. ²⁹ Pakiso Lot eje kaiwe mane Sodom qelingi, so naso yewao gerep so wesi bolamineropņo kere more, ņei ņerep korop enguwi seukwarekoi. ³⁰ Boaņ Anutuņo ņei Wawainane Gipole maki qelaņankayake, naso eaņo Lot wane nasoo yale okaniake.

³¹ “Naso yewao, ņei mane eje mat sekaino mere more, mat koto mi wa more kine kineine natne mayake, eje yeine qelige kaet ariake. Yalewaka ņei mane eje euo ge more, matko koso mi zinge ari kine kineine ea mayake, eje yeine qelige ket ariake. ³² ņine Lot wane ņanominane don kisi ea dere detsorokpi, eje deineņo potki ņadino Sodom mat suaino ari kaki paki seukke! ³³ ņei mane eje naņane ra more wikilane kaet kaki, solaine mawaulukeakeo, eje gege togon wane numaine korop siuklukeake. No ņei mane eje naņane ra more seukkeake, ņei yewa eje gege togon marat kayake. ³⁴ Na ņidanmaile, ņei Wawainane Gipole nasoine, ruo yewao ņei etke ere mat wekuoka kulu paut, Anutuņo ņei weku ma more, ņei mane qeliņkayake. ³⁵ ņerep etke ere ņara soige metpik, Anutuņo ņerep weku ma more, ņerep mane qeliņkayake. ³⁶ ņei etke ere euo uratao geuk, Anutuņo ņei weku ma more, ņei mane qeliņkayake.”

³⁷ Yesu eɲe yale raki qoeki, so dokoine eɲe qesonka rakoi, “Kine kine ea ramaine, diao wako-niake?”

Yesu eɲe mainge rake, “Kine kine seuseune pareɲ pamaike, naso yewao gawe naɲi eɲe ari lewanmankei.”

18

Nerep Mala So Wano Wanok Ɗei Erane Don Rokop

¹ Pakiso Yesu eɲe dokoine don rokop iwa edange. Eɲe eɲine dokoinerjo Anutu wano naso banem mi pelekeu paki, togole more meɲenkaikai wane edange Eɲe meɲe meɲen urata maine mi qeliɲkaikai, ea wane eɲe don rokop ea iwa yale kito more dokoine edange, ² “Mat maneo wano wanok ɲei mane geke, eɲe Anutu wane mi kaetkake, so eɲe ɲei mane wane yale waka mi kaetkake, ³ pakiso ɲerep ɲaone seuseune manerjo mat yewao geke. Eɲe wano wanok ɲei erano atak loutne sari meɲenka iwa yale rake, ‘Nabanerjo nanano masi borikine make, ge na mapik nanikene!’ ⁴ Naso kiriroine okangi, so wano wanok ɲei eɲe mi mapik kayakane rake, ɲo, naso kiroroine okangiso, eɲe iwa yale wetino detke, ‘Na Anutu wane mi kaet nanmaike, so na ɲei mane wane ewine mi kitomaile, ⁵ ɲo ɲerep iwa, eɲe naso banem sari more qesonane more, sorinnane umat suaine ninge, ea wane na eɲe mapik kaikale. Na mi mapik kaikaleo, eɲe sari meɲennan mageki, na erane don wane zok bauwawa okanikale!’ ”

⁶ Yesu eņe don kisi ea ra more, takotke edange, “Nine wano wanok ņei qegun magunine, ea wane don detkakei. ⁷⁻⁸ Yalewaka, ņine Anutu mapik ņuniakane eņano kaiwe so ruo naso baņem sorin borin aroke meņenkaikai. Eņe eņine ņei ņerewekoune wanokone more, ikopka mapitoni-ake. No ņei Wawainane Gipoleņo kepeo koso zinge sari more, ņei ņerep eņe Anutu malip kamami, ea maratoniake, me mida?”

Parisi ņei so Takis Mama ņei Erane Don Rokop

⁹ Naso yewao, ņei ņerep natne eņe Yesu wane don desikei wane sarikoi, eņe weteno iwa yale detkoi, “Nedomka koboboine gemaine, ņei ņerep natne eņe yau yaup gemami.” ¹⁰ Yesu eņe wet dereret ea dere more, don rokop iwa edane rake, “Naso maneo, ņei etke ere Anutu wane Bakom Urungo meņen kaikai wane arikoik, ņei mane eņe Anutu wane papa togon welaine ņei, Parisi mane, ņei mane eņe takis mama.

¹¹ “Parisi eņe eņinane detki waki, koņka okora iwa yale ra meņenkake, ‘Na kaņ bap sua mida, na masi isisine mi mamaile, na ņei mane wane ņanomine kobu mi mamaile, ņei ņerep natne eņe masi qotkoine ea ma okanmami. Na eņe yale mi okanmaņkale, ea wane na Anutune eņetņone bukewe wamaike. Na takis mama ņei borikine yewa, eņe yale mida! Na eņane masi qotkoine mi mogatmaņkale. ¹² Soda baņem ea wane kotine kaiwe etkeka etkeka na ņara sawe gemaile. Naņane wesi aboņne korop, ea na 10go ņine weku geņane biņek qewaremaņkale, ea wane na Anutune eņetņone bukewe wamaike.’

¹³ “Ŋo takis mama ŋei eŋe deine qeliwo mi potki ariki, okora more qomine boriki so rake, ‘Na ŋei qotkoine, Anutu, ge naŋane qomŋone borikep!’ ”

¹⁴ Yesu eŋe donkisi raki, qoekiso edange, “Na ŋidanmaile, Anutuŋo takis mama ŋei eŋane sotine qelika nigetkake. Eŋe Anutu wane kaitko koboboine okorake, ŋo Anutuŋo Parisi ea wane sotine mi qeliŋka nigetkake. Ŋei manenjo eŋine eŋetine maki suayakane okaniake, yemo Anutuŋo ma ket birakayake. Ŋo ŋei manenjo eŋe eŋane eŋet biŋekine ma kesiakeo, yemo Anutuŋo ŋei ea ma wa birakayake.”

Yesu Eŋe Medep Nigmatne Mosoponge

¹⁵ Ŋei ŋerep natne eŋe dokoene Yesuŋo metinenjo kuteno more mosop oniakane ra more, eŋano ebu sarikoi, pakimo Yesu wane dokoine eŋe ŋei ŋerep one more rawetongoi.

¹⁶ Ŋo Yesu eŋe medep nigmatne eŋano sarikei wane edorake, “Qeliŋonbi! Medep nigmatne ea naŋane osono maine sariu, ŋine misuk rawetonikei, Anutu eŋe ŋei ŋerep medep nigmatne iwa yaline eŋane rokopko wareoniakane siminkake. ¹⁷ Ŋine don iwa detsorok detlukkei, medep nigmatne eŋe Anutuŋo wareoniakane siminonmaike, ŋo ŋei natne eŋe Anutuŋo wareoneakane mi siminonmaikeo, eŋe Anutu wane gege togon kepe ea wane kotino mi wakesikei.”

Ŋei Aboŋine Suaine Eŋane Donkisi

¹⁸ Yuda ŋei ŋetne mane Yesu wano sari qesonka rake, “Kito ŋebo ŋebon maepne, na dalino okane more, naso baŋem gege togon maratka gemaŋkale?”

¹⁹ Yale rakimo, Yesuŋo olatke, “Ge onoka wane na ‘Mayakatne’ , noramaine? Anutu wekuŋo mayakatne. ²⁰ Ge Anutu wane papa togon don detmaine, ŋire ŋao ŋanom mi bira nagukeyik, so ŋei me ŋerep mane misuk maikkeyik. Ge ŋei mane mi qenom seukeake. Ge kobu mi maikene. Ge ŋei mane mi ma baikkayikene. Ge nabok magak erane bango ge more, erane don dereret tewek okanikene.”

²¹ Ŋei yewa eŋe rake, “Kito ŋebo ŋebon, na mo medepnoka Anutu papa togon don ea mane mi qeliŋkayikole, mo korop okane gesakole gemaile iwa.”

²² Yesu eŋe don ea dere more olatke, “Ge kine kine weku mi okanine, ea ge makoboenom. Ge ari more aboŋone korop ea ŋei natne ebonnom wesi ginbi ma more, wesi yewa ŋei aboŋene midaine eŋe qika ebonikene, eso yalinane ge baŋ qeli wane aboŋ togogole maratkayikene. Pakiso geŋone sari ŋadeno mogatnane sarimaŋkene.”

²³ Ŋei yewa eŋe don yale dere more, wet dereretine umareki qelige arike. Eŋe wesi aboŋine maune loutne zok manerop pa mange, ea wane.

²⁴ Yesu eŋe ŋei ea wane dereret umat dere more rake, “Ŋei yaline wesi aboŋene suaine, eŋe Anutuŋo ware oniakane raikayik, ŋo eŋe zok urata suaine ma more aboŋene qeliŋka more Anutu wane qeli gege togon numa mogasikayik. ²⁵ Kamel eŋe samap wane aŋaono wakesikayik wane ea mo urata suaine mida, ŋo baliŋa ŋei eŋe Anutu wane qeli ewe zonom so gege togongo wane rake, eamo eŋe zok urata suaine, zok manerop ma more aboŋine qeliŋkayik.”

²⁶ Nei n̄erep natne eje don ea dere more, Yesu qesonkakoi, “Ge ramaine, Anutuño baliña n̄ei maine mi wareoniake, yale okangi, n̄ei n̄erep ketkele gemami, ea eje wenej Anutuño mi wareoniake me?”

²⁷ Yesu eje mainge rake, “Kepeo n̄ei n̄erep n̄ine n̄aŋaemami, n̄o Anutu wekuño mi n̄aŋaemaikē, Anutu eje kine kine korop ma wareakane, eje maine mi qekayake.”

²⁸ Pakiso, Petoroño Yesu olatke, “Detmaine, n̄ene kepe matze so kine kineze qeliñone more, ge mogatgangone.”

²⁹ Yesuño rake, “Na don wele n̄idanmaile, n̄ei mane eje Anutu wane ra more, mat me n̄anom medep, me tatiñon, me nabok, me magak qeliñonware, eje sari na mogat naniakeo, ³⁰ ea wane turuñine Anutuño eje naso iwao kepeo mo geke, ea yuane more, zok manerop makoke maniake, so bañ koso nasoo n̄ado eje gege togon kiroine manerop maratka takotke mangi ge ari geake.”

Yesu Eje Koso Atak Mane Seukke More Wiekane Rake

³¹ Yesu eje dokoine 12 yewa koso ebu qe-duguone more edange, “Detmami, n̄ene wa Yerusalem arin̄em. Anutu wane qelit n̄eiño Nei Wawainane Gipole ra more kine kine korop kibi qekoi, ea korop wakoniake. ³² Nei natneño Yuda n̄adeeno eñane meteeno birakaikei. Pakimo, n̄ei ea eje don isi masirakinerop okane more, sopotka more ³³ kumunamño qe more, kibego

geu seuke more, kaiwe mama karewe denesereo pa more, eje koso wisikae wieake.”

³⁴ Yesu eje kine kine iwa rakiso, dokoine eje mi detlukwarekoi, Anutuŋo don ea wane kine motkeke, ea wane eje mi detlukwarekoi.

Yesu Eje De Pilik Ma Menanjkake

³⁵ Yesu so dokoine eje Yeriko osino lotkekoi, ŋei mane deine pilik pilikine eje ŋei ŋerep edo wesi aboŋ natne qesiŋkaikei wane meŋenone more, boka woka metmaŋke. ³⁶ Eje ŋei ŋerep magu eŋane don ukat dere more qesonone rake, “Ea onokaka?”

³⁷ Ŋei ŋerep magu keuo ŋine natne eje olatkoi, “Yesu, Nazaret matko ŋine, eje mo iwa sari-maike.”

³⁸ Eje yale dere more boka rake, “Oo, Yesu, ge Dawit wane ŋaboine ŋetne, ea Anutu eje mo rake, yewa bira gangi ketkone, ge nanane wetŋone borikep!”

³⁹ Ŋei ŋerep magu yewa eje ŋei de pilik ea kuroŋka more rakoi, “Ge aŋaŋone ma wonge metnom!” Yale rau, eje soringe togoleka koso boka rake, “Dawit ŋaboine ŋetne, ge siluŋ nanane wetŋone borikep!”

⁴⁰ Yale ra bokaki, Yesu eje dere more, doŋ mane okora edane rake, “Ŋine ari ŋei yewa ma sariu.” Pakimo ŋei eje Yesu wane osino lotkekiso, Yesu eje qesonka rake, ⁴¹ “Na ge dalino okan ganikalane ramaine?”

Ŋei eje mainge rake, “Waomne, na dene koso posikalane ramaile.”

⁴² Yesu enje olatke, “Ge denjone pore kanom, ge nanjano mena menanj wane zonomne detlukka more, malipnannom paki, ea wane menanjmaine.”

⁴³ Yale raki, yewaka nej ea deine lotkeki pore ka more, Yesu mogatka more, Anutu wane enjetine buke wake, pakimo, nej njerep magu enje masi togole ea ka more, Anutu wane enjetine wenen buke wake.

19

Yesu Enje Zakius Maratkake

¹ Yesu enje ari more, Yeriko mat suainane keunoka ari mat qelinjakayakane okangiso, ² takis mama so baliņa nej mane, enjetine Zakius, enje mat suaine yewa wane kotino geke. ³ Zakius enje nej njerep magu suaine one more Yesu enje ma me enje daleo ea desiakane zok manerop wetkeke, nj enje nej banggo, ea wane Yesu maine mi kake.

⁴ Pakiso, enje magu lewine alakane biririke ari yuane more, Yesu kayakane eki maneo wake, ⁵ pakimo Yesu enje eki bano lotke, deine potki waki eki kutno Zakius kaki paki olatke, “Zakius, ge ikop kesikene, na matjono ukude gerop mesikale.”

⁶ Zakius enje anjaine teweke ikop ket more, bakom kito Yesu iwenkaki matine koto waketkoik. ⁷ Kine kine ea wakongi, nej njerep natne enje kau paki, detpi boriki rakoi, “Enje nej sotinerop wane matko ea mo daleo wane waket metmaike?”

⁸ Zakius enje mat koto wie okora Waom olale rake, “Waom, ge detnom, na abonje keunoka

mapokkawe magu etke lelemamik, na nei n̄erep aboŋene midaine magu weku ebonikale, so na nei n̄erep natne mo sogino isione more takis wesiene setne weku kobu omaongoleo, na eje ukude wesi setne etke so etke ebonikale.”

⁹ Yesu eje dere more olatke, “Ukude Anutuŋo mat iwa wane kotino nei n̄erep eŋane wetene mo maki zingemaikē. N̄o yewa eŋane keuo ŋine nei iwa eje na malip nanmaikē, ea wane na ŋidanmaile, eje mo Abraham wane ŋaboine solanoka, ŋo ukude eje Abraham ŋaboine sola so kotorop weneŋ wakonmaikē. ¹⁰ Nei Wawainane Gipole, eje nei n̄erep siuk siukine ea zianjone more, wetene ma menaŋ onikalane sarimaikē.”

Goli Wesi Setne Wane Don Rokop

¹¹ Nei n̄erep eje don ea detkau mere edange, so Yesu eje takotke don rokop mane edange. Onoka wane? Yesu eje mo Yerusalem mat osino lotkekimo, nei n̄erep eje wetke rakoi, ‘Mo iwaka Anutu wane qeli ewe zonomine wakonlukki kaikene mane.’ ¹² Ea wane Yesu eje don rokop mane edane rake, “Naso maneo ware ware mane eje, kepe kiroino Nei Waom suainano ariwe, oŋo nei wawaine biranangi, so koso zinge sarikale, eje yalewa raki paki, kepe kiroino arike. ¹³ Eje ea ariakane okane more, urata medewekoune 10 qedugu one more, goli wesi set mane, so goli wesi set mane korop ebone more rake, ‘Ŋine wesi iwa mau paki, bisnis urata ma, ma suaueu na koso zinge sarikale.’ ¹⁴ Nei suaine eje arikimo, matkoune eje eŋane bauene waki, qelit biraonbi

ari, Nɛi Waom suaine iwa yale olatkoi, ‘Enɛ kepe ware wareze mi geakane nɛne ramaine!’

¹⁵ Pakimo Nɛi Waom enɛ siluŋ kepe ware ware birakaki zinge sarike. Zinge more qelit medep wesi ebonge, enɛ iwa yale ra more edora waraŋonge, ‘Na wesi nɛibongole, ea nɛine urataine ma more ma leuleu darap wakonge?’ ¹⁶ Nɛi manɛŋo alakane sari rake, ‘Waomne, na geŋane goli wesi setne wekuŋo bisnis ma more goli wesi setne 10 marat ongole.’ ¹⁷ Nɛi suaine enɛ olatke, ‘Ge wekumane okangone, ge qelit nɛi wele, ge wesi nigatne wareluk kamaine, ea wane na ge mat suaine 10 ware onikenane biraganikale.’ ¹⁸ Qelit nɛiine mane sari olatke, ‘Waomne, na geŋane goli wesi setne wekuŋo bisnis ma more, goli wesi setne 5 marat ongole.’ ¹⁹ Enɛ qelit nɛi yewao olatke, ‘Na ge mat suaine 5 ware onikenane biraganikale.’

²⁰ No, qelit nɛi manɛŋo sari olatke, ‘Waomne, geŋane goli wesi setne iwamo, na laplap koto motkekole, ²¹ ge nɛi gereune aboŋ kine kine nɛi natnɛŋo mau wakongi, aboŋ ea ge ma okanmaine. Nɛi manɛŋo eu ebotkiso, ge eu ea wane nɛara wele omaon okanmaine, ea wane na geŋane kaetnange.’ ²² Nɛi suaine King eaŋo olatke, ‘Ge qelit nɛi qotkoine, na geŋone don eaŋoka mainge more, koso don uratao biraganikale. Na nɛi gereune. Na nɛi mane wane aboŋ ma okanmaile. Me nɛi mane wane euo nɛine nɛara ma okanmaile, ge ea korop detkone. ²³ Ge wesi ea onoka wane wesi urumgo mi motkone? Wesi ea paki, nɛi manɛŋo yewa nɛine ma more bisnis mayake. Maki

wakone paki, na zinge sarikaleo, eje wesi natne kutno niniake.’

²⁴ Nei waom eje nei natne yewao okorakoi, ea zinge edange, ‘Njine enjano njine wesi setne ea omaka more, nei wesi setne 10 pa manmaike, eje manbi.’ ²⁵ No, nei eje olatkoi, ‘Waomze, eje wesi setne 10 mo pa manmaike!’ ²⁶ Nei waomjo mainge edane rake, ‘Na njidanbe detpi, nei mane eje kine kine mo man mane, jo eje maine mage more urataine ma, ma leuleki, na nei yewa koso takotke manikale. No nei mane eje kine kine mo man mane ea nigatnemde magemaike, na ea omakaikale. ²⁷ No nanjane njabakopne diao gemami, nei njerep enjo na wareonikalane mi siminonge, paki nei waom wano don mo motkoi, njine nei njerep ea korop ebu sari more, iwa nanjane kaitno enguwi korop seukwarekei!’ ”

Yesu Eje Ware Ware Suaine Yaline Okane Yerusalem Matko Waketke

²⁸ Yesu eje yale ra more, nei njerep enjano njine Yerusalem goken alakane arike. ²⁹ Eje Betpage matko so Betani mat osino bonaga mane Oliwa ea lotke more, dokoine enjano njine etke alakane biraore, iwa yale etange, ³⁰ “Njire matko eriwa wa more dogi nigatne mane medeune mulapko lukkau okoraki kaikei, dogi ea nei maneno kutno mi metmele, njire ea ka more mulap siloke more, ma sarikeik. ³¹ No nei maneno gesonjure rayake, ‘Njire ea onoka wane okanmamik?’ Rakiso, njire iwa yale olale raikeik, ‘Waomsenjo raki sari ma-maite.’ ”

³² Yale ra etane more biraotki, ere ari Yesu eje don etane more kine kine rake, ea wane

rokokpo korop ongoik. ³³ Ere dogi silokkawk so dogi welaine eje etane rakoi, “Ei, njire dalino okanikeik wane dogi ea silokkamamik?”

³⁴ Ere don ea dere more edangoik, “Waomzeno raki sari mamaite.” ³⁵ Yale ra more dogi ea Yesu wano ma sarikoik. Pakiso, eje momo takotetne dogi kutno lameke more, Yesu qesinjawk dogi kutno wa metke. ³⁶ Yesu eje dogi kutno arikiso, nej njerep eje momo takotene ea kito qoke numao dogi kine gesoke ariake, eao lameke arikoi.

³⁷ Pakimo, Yesu eje Yerusalem osino, Oliwa bonagaoken duma ket magekoi, eao lotkeki, yewao Yesu wane dokokoune magu suaine eje masi kine kine togole ongoi, ea wane eje Anutu wane enjetine don aro unjan so oi bakom suaineno bukeu waki rakoi, ³⁸ “Kepe ware ware iwa eje Waomjo enjine tungo birakaki sarimaik! Anutuno mosopkakep! Qeliwo peam pakep!”

³⁹ Pakiso, Anutu wane papa togon welaine nej natne, Parisi, eje nej njerep magu keueno njine sari Yesu olatkoi, “Kito ebo ebon, ge dokozone ea edannom, don manbi!”

⁴⁰ Yesu eje donene turunjine mainge edane rake, “Na njidanmaile, eje don manikeiwo, yemo wesi edo iwa koso wie boka more Waom wane enjet ora oi bakom okane rau, nanane enjetne wayake.”

Yesu Eje Yerusalem Mat Wane Ra More Arokke

⁴¹ Yesu eje Yerusalem mat osino ari more, Yerusalem so nej njerep enane ra more aroke more, ⁴² rake, “O Yerusalem, njine Anutu wane duma peamine ukude detluk kaikeiwo, njine

maine numao ea mogare arikei. No n̄ine maine mi desikei! ⁴³ Yemo boañ n̄abakop̄n̄ine eñe mat lo-like sen qeñunbi, n̄ine matko n̄ine maine mi sake-sikei. ⁴⁴ Eñe mat so ñei n̄erep medewekop̄n̄ine korop matali n̄unwarekei, eñe wesi mane mi qeligeu weti wesi kimainane kutno mesiake. Anutuño n̄ine qesiñ n̄uniakane sarike, ño, ea n̄ine mi detluk kakoi, ea wane n̄abakop̄n̄ine eñe n̄ine matalin̄unwareu qamen qe payake!”

*Yesu Eñe Anutu wane Bakom Urumgo Waketki
Ñei Nalu Qolenaguwi Esoponge*

⁴⁵ Pakiso, Yesu eñe Anutu wane Bakom Urumgo waket more, ñei n̄erep nalu qole qole urata ma metkoi, ea kieke esopone more, ⁴⁶ edane rake, “Anutu wane ra rokop donño iwa yale ramaike, ‘Anutu wane Bakom Urum ea mo eñine eñetine ora raikei, menen menen urum okaniake,’ ño n̄ine yemo yale okanbi, mo kobu ñei eñane mat okanmaike!”

⁴⁷ Boañ Yesu eñe Anutu wane Bakom Urumgo kaiwe banem waket more, ñei n̄erep kito ebonge. Mosop Ñei Suaine N̄etne so Anutu wane papa togon welaine ñei, Skribe so ñei n̄erep eñane n̄etne, eñe koropño numa mane maratka Yesu qeu seukeakane zia ziañ urata makoi, ⁴⁸ ño numa mi maratkakoi. Ñei n̄erep magu eñe Yesu wane don detokangoi, eñe don rake, yewa mi qeliñ kawarekoi, ea wane Yesu wane n̄abakoune eñe numa ziageu paki maine mi qekoi.

20

Yuda Nei Netnejo Yesu Qesonka Rakoi, “Ge maño Biragange”

¹ Kaiwe maneo, Yesu eñe Anutu wane Bakom Urumgo okora more, ñei ñerep magu binjek don edange, pakiso Anutu wane mosop ñei suaine ñetne so Anutu papa togon welaine ñei, Skribe, so Yuda ñei suaine eñe sari, ² Yesu qesonka rakoi, “Ge yatne Anutu wane Bakom Urum koto qole qole ñei esoponine, ea maño ra golatki okanine? Ge maño biragange?”

³ Yesu eñe yale waka mainge edange, “Na yaleka ñine qeso qeson weku qesonñunbe, no-latpi. ⁴ Yohane doku tau tau wane urata, ea qeliwo ñine wakonge, me ñeiwo ñine wakonge?”

⁵ Eñe yale ra qesonongi, eñe dere more eñe edomka sorin nagukoi, “Daleo raikene? Ñene raikene, ‘Ea Anutu wano ñine wakonge,’ yale ra olatñem, eñe rayake, ‘Ñine onoka wane ea mi dere malipkakoi.’ ⁶ No, ñene raikene, ‘Ea ñeiwo ñine wakonge,’ eamo ñei ñerep magu eñe mo detmami, Yohane eñe Anutu wane qelit ñei mane, ea wane ñene wesinjo ñenguwi seukkene.”

⁷ Ea wane, eñe don iwa yale mainge olatkoi, “Yohane wane urata ea diao ñine wakonge, ñene mi detmaine.”

⁸ Eñe yale rauso, Yesuño edange, “Na yalewaka maño nolatki okanile, ea na maine mi ñidanikale.”

Wain Eu Wane Don Rokop

⁹ Pakiso, Yesu eñe don rokop iwa yale edane rake, “Naso maneo, ñei manejo wain eu ebore, eu yewa ñei natne eñane meteeno motki, edo

urata yewa ware mageu, enjine ea qelige lobo kepe amanj yewao ari geke. ¹⁰ Yewa ari geki wain wele menagi, eu welaine enje qelit medepine mane birakaki, eu ware warekoune enjano ariki, enje wele natne manbi, ma sariakane arike. No eu ware ware enje wie qelit medep yewa malipka kinj quņ qe esopkau, enje zinge yaup metineka arike. ¹¹ Arikiso, eu welaine enje qelit medep mane koso birakaki sariki, ea enje yalewaka manerop matalika esopkau, enje zinge metineka arike. ¹² Pakiso, enje soringe, koso qelit medep mane birakaki ariki, enje koso ziwem qe esopkakai. ¹³ Pakiso, eu welaine enje rake, ‘Na dalino okanikale? Na siluņ koso giponane wekuku wemedep iwa birakaikale, enje nanjane medep nae kotoo njine, ea wane anjaine maine teweke more ewine kitokei!’ ¹⁴ No eu ware ware nej enje medep yewa ka more, auye rakoi, ‘Medep yewa enje ge mage, magainane eu iwa njebu ma more, ea wane welaine okane wareoniake, ea wane njene qenjem seukkiso, njedo eu iwa wane welaine okane warekene.’ ¹⁵ Ea wane enje ma more euo esopka ari mage qeu seukke.”

Yesu enje raki goeki, qesonone rake, “Pakimo eu welaine enje ware ware ea korop daleo okanoni-ake? ¹⁶ Enje sari eu ware ware yewa korop enguki seukwarekei. Pakimo enje koso eu ware ware musele ma wakone biraoniake.”

Nei njerep enje don ea dere more rakoi, “Enje masi yale mi mayake, midakaka!”

¹⁷ Yesuņo enjano lolike pore more, qesonone rake, “Njine Anutu wane papia iwa wane kine mi detlukkamami,

‘Mat mama urata nei eje mat wane bosin mane ea edo pelekine ra more, qikka more yeine birakoi, wane ndo Anutujo bosin ea maki mat wane banega bosin togogole mane okange.’

¹⁸ Na njidanmaile, nei manenjo banega bosin ea wane kutno ket rasuyakeo, enane solaine korop sisi sisi kitatwareake, so bosin enjo nei mane kutno kesiakeo, eje rasu pelemekki siukeake.”

Nei Edo Roma Kepe Ware Ware Suaine Takis Manikei Wane Yesu Qesonkakoi

¹⁹ Yesu eje yale ra edangi qoekiso, Anutu wane mosop nei suaine netne so Anutu wane papa togon don wane welaine nei, eje Yesu malipka wokom kaikei wane okangoi, ea mo eje detpi, Yesu eje don rokop ea enano more rake, ea wane. No nei nrep eje Yesu wane don dere siminonge, yewa wane Yuda nei netne eje kaetongi, Yesu qelinkekoi. ²⁰ Yuda nei netne eje sotene osike, paki eje numa mane maratka more, Yesu liewkkaikaikei wane zuangoi. Eje yale okane nei natne wesi ebone more edangoi, “Nine Yesu wano ari qeso qeson isisine liwek kaikei wane arieki.” Eje Yesu Roma kepe ware ware suainane, nei waom Yuda kepeo geke, enane meteo birakaikei wane okangoi. ²¹ Nei isisine enjo Yesu wano ari olatkoi, “Kito ebo ebon, nene ge detganmaine. Ge nei nrep koboboine kito edanmaine. Ge nei mane wane mi kaetgan okanmai. Ge nei nrep natne don mane edane more, nei nrep magu natne mane mi edane okanmaine. Ge don wele so Anutu wane masi koboboine nei nrep

korop sikanon okanmaine. ²² Nenze ra rokop donze ea wane ge dalino detmaine? Maine nene takis Roma kepe ware ware suaine manikene, me mida?”

²³ No Yesu ene isisiene ea mo detone more, edane rake, ²⁴ “Nene wesi yewa mane ma sari sikannanikei.” Yesu wesi ea ka more qesononge, “Ona ona wesi solaino iwa so enet iwa manane?”

Ena rakoi, “Kepe ware ware suaine, Sisa enane!”

²⁵ Pakimo, Yesu enane donene mainge rake, “Nene kepe ware ware suainane kine kine binjek ea maine ena enine manikei. No, Anutu wane binjek kine kine ea maine Anutu ena enine manikei.”

²⁶ Yewao nei neren enane kaitko, Yuda nei netne ena koso maine mi liwek kakoi, ena yeine onane qaekiso, mepene qoeki metkoi.

Nei Edo Nei Seu Seu Nene Wisikae Wie Wie Ea Wane Yesu Qesonkakoi

²⁷ Sadusi natne ena Yesu wano sarikoi, tego yewa ena ra okangoi, nei seu seune ena koso mi wisikae wiekei, ea wane ena Yesu qesonka rakoi, ²⁸ “Kito ebo ebon, Moseno don mane iwa yale qeke, ‘Nei mane ena seukkeake, ena medeune midaine, no, nanomine ena yeka geake, pakimo, nei seukke enane nola ena tatine qesinka more, neren yewa ono koso ma more, medep mane tatinane tungo geakane ma wakoniake.’” ²⁹ Nenane dogisi iwa detnom, naso maneo, tatinon 7 yale ena gekoi, wane tatene suaine ena neren

mage more, medep mane mi ma wakone more, eje yaupka seukke. ³⁰ Pakimo, ηole kebanjine oηo tatinane mala ea make, eje yaleka medep mane mi ma wakone more, eje yaupka seukke. ³¹ Pakimo, ηole ηorikine eje yalewaka okange, yalewaka tatiηon 7 yewa eje ηerep yewa makoi, ηo medep mane mi ma wakone more, eje yaup seukwarekoi. ³² Pakimo, ηerep yewa eje yalewaka boan ηado ge mage more seukke. ³³ Ea wane boan ηei seu seune eje wisikae wiekei, naso yewao ηerep yewa eje maηane ηerep biηek okaniake? ηei tatiηone 7 eje ηanomene weku yewa makoi.”

³⁴ Yesu eje don kisi dere more mainge edange, “Kepo naso iwao, ηei so ηerep eje ηao ηanom gemami, ³⁵ ηo ηei so ηerep koboine okanmami, Anutuηo eje deηesereo ηine maki wisikae wiekei, naso yewao, eje koso ηao ηanom mi gekei. ³⁶ Eje qeliwo aηelo yale gekei, eje maine mi seukkei, Anutuηo ηei ηerep ea deηesereo ηine maki wisikae wiekei, naso eao eje Anutu wane medewekoune okanikei. ³⁷ ηei seu seune eje wisikae wiekei, eηane don mo Moseηo kibiwo qeke eaηo sikannonmaike, eki nigatne zeke, naso yewao Waom Anutu wane iwa yale ra more qeke, ‘Eje Abraham wane Anutu, so Isak wane Anutu, so Yakop wane Anutu gemaikae. ³⁸ Anutu eje ηei wisika gemami, eηane Anutu, eηane deo ηei ηerep eje korop ge waremami. Eje ηei seuseune eηane midakaka.”

³⁹ Yale rakiso Anutu papa togon welaine ηei natne, Skribe, eje olatkoi, “Kito ηebo ηebon, ge

don ea wekumane ramaine!” ⁴⁰ No Sadusi eɛe zonomene midaki kaet okane more eɛe koso qeso qeson mane mi qesonkakoi.

Yesu Eɛe Ɗei Ɗerep Mesia Wane Edange

⁴¹ Pakiso, Yesu eɛe Ɗei Ɗerep qesonone rake, “Ɗei natne eɛe dalino Mesia wane ramami, eɛe Dawit wane Ɗaboine kepeo Ɗineka? ⁴² Dawit oɛomka Sam papiao qeke, ‘Anutu Magak Suaineɛo nanane suaine Mesia iwa yale olatke, ge nanane wonnoken mesikene, ⁴³ Ɗado noɛo geɛane Ɗabakopɛone, eɛe ea biraonbe, geɛane kienonane bano mesikei.’

⁴⁴ Dawit oɛom Mesia iwa yale orake, ‘Nanane Waom suaine,’ Ɗo, Ɗei natne naso iwao gemami, eɛe ra okanmami, Mesia eɛe Dawit wane Ɗaboine kepeo Ɗineka. Mi kopkemaikē! Kristo eɛe Dawit wane Ɗaboine so Anutu wane gipole weneɛ.”

Yesu Eɛe Anutu Papa Togon Welaine Ɗei Skribe Eɛane Girem Don Yale Ra More Dokoine Edange

⁴⁵ Ɗei Ɗerep magu eɛe Yesu wane don dere metpiso, Yesu eɛe zinge dokoine edange, ⁴⁶ “Ɗine Anutu papa togon welaine Ɗei, Skribe, eɛane kaulukkei. Eɛe takot kiroine kibinerop bira more arikey wane siminon okanmaikē. Eɛe lewa lewan sobego geu Ɗei Ɗerep edo one mawa one more, eweene kitou ge okanmami, ea siminonmaikē. So epa kebu eao, so Yuda lewa lewan urum koto eɛe metmet Ɗetno mesikei wane okanmami. ⁴⁷ Yale okane more, Ɗerep mala isione more, eɛane mat omaon okanmanɛkei. Omaone more, eɛe ari Anutu wane Bakom Urum koto Ɗei Ɗerep eɛane

deo okora, Anutu wano meŋe meŋen kiroroine meŋenka okanmaŋkei. Ŋei yaline yewa eŋe ge mage ŋado Anutuŋo wikile suaine eboniake.”

21

Ŋerep Mala Maneŋo Anutu Wane Bakom Kitoke

¹ Naso yewao, Yesu eŋe Anutu wane Bakom Urum wane wesi katapa osino metke. Mere ŋei wesi aboŋene suaine ongi, eŋe wesi motkoi.

² Pakimo, ŋerep mala aboŋine nigatnemde, eŋe sari toea etke biraki ketki, Yesu eŋe ka more,

³ dokoine edange, “Ŋerep mala aboŋine nigatnemde ea eŋe ŋei wesi aboŋene suaine eŋane bakom ea yuanonmai. ⁴ Ŋei wesi aboŋene suaine pake, eŋe ea ŋine nigatnemde natka ma more motkoi, ŋo ŋerep mala iwa eŋe wesi korop loutne mane mi pamange, ŋo eŋe mo ea biraki midakakae.”

Yesuŋo Anutu wane Bakom Urum Boriakane Rake

⁵ Anutu wane Bakom Urum wane kino so so-laino wesi suaine, wekumane so ŋei eŋe bakom Anutu wano mangoi, ea Yesu wane dokoine eŋe one more, weku mane rakoi, ŋo Yesu eŋe ea dere more edange, ⁶ “Naso kutno ŋei ŋaba natne eŋe sari, ŋine kine kine iwa onmami, ea eŋe korop baŋ mataliwarekei, eŋe wesi mane mi qelingeu, weti kutno mesiake, midakaka! Eŋe baŋ din bun kitopok qepok mau, ket ari ware mida leleake.”

Yesuŋo Rake, “Umat So Wikile Loutne Wakoni-ake”

⁷ Yesu eɛe yale raki, dokoine eɛe qesonka rakoi, “Onokaka kine kine manenjo mikepka wakone sikanɗongi, ɗene ea ka more raikene, Anutu wane Bakom Urum mo wiriakane nasoine bomilemaiɛe?”

⁸ Yesu eɛe edane rake, “Nɗine kaulukkei! Nei loutne eɛe isinunikei wane sarikei, eɛe sari more, nanane enetko more isiu paki raikeni, ‘Na Mesia’ , me ‘Naso ea mo bomilemaiɛe.’ No, ɗine eɛe misuk mogatonikei. ⁹ Nɗine kawali wane don siron desikei, ɗo ɗine misuk kaetɗuniake. Kawali so kine kine yale alakane wakoniake, ɗo qeli kepe nasoetne ikop mi qoeake.”

¹⁰ Eɛe koso edane rake, “Mat mane eɛe wie ari, mat mane enerop kawali yaku matali okan nagukei. Nei ɗerep kepe maneo ɗine, eɛe ari kepe maneo enerop yaku matali qetali okanikei. ¹¹ Kepe loutne memea suaine ma paki, ɗara wane bodi wakoniake. zoma kine mane kine mane loutne wakoniake. Kine kine mi kakaine, ea qeliwo wakongi, ea wane ɗine misuk kaetɗuniake. ¹² Alakane ɗabakopɗine eɛe ɗine ɗibu ari matali ɗunikei, eɛe ɗine Yuda lewa lewan urum koto dongo biraɗunbi so mulap urumgo wakesikei, so nanane ra more ɗine kepe ware ware ɗei so ɗei waom wane matko wakesikei. ¹³ Naso eao ɗine numanɗine wakongi ɗine nanane binjek don maine ra qelananikei, ¹⁴ ɗine ɗei ea wane deo wakesikei wane, dere mezet misuk okane raikeni, ‘Nene dalino edanikene?’ ¹⁵ Na wenenɗ ɗinerop sanko don ɗidanbe edanikei, don ea weku mane dereretinerop, ɗabakopɗine maine mi rawetonikei. ¹⁶ Naga maganɗine so tatɗine

ņonņine so wenem sotakņine so kimakopņine, eņe ņabakopņine eņane meteeno biraņunbi paki, ņine natne ņinguwi seukkei. ¹⁷ Naņane ra more ņei ņerep korop ņinane ņabakopņine okanikei. ¹⁸ Ņo ņinane lewetņine zoune mane ea mi siukeake, ¹⁹ ņine togole malipka okorau paki, ņine sora gerepko mane mi kesikei.

Yesu Eņe Yerusalem Mat Suainane Rake Ea Baņ Boriake

²⁰ “Kawali ņei magu loutne eņe Yerusalem lollikkaikei, eao raikei, ‘Yerusalem boriakane nasoine bomilemaiķe.’ ²¹ Pakimo, ņei ņerep Yuda kepeo ņine kaet okane more, biririke ket bonagao ariu! Ņei ņerep natne eņe mat suaino mere more, ket qeliņka more wazaino ariu! Ņei ņerep natne eņe mat wazaino mere more, koso matko misuk zinge koso mat koto wakesikei, ²² Anutu wane papiao ramaike, ‘Wikile Naso Wakoniaķe, ‘naso eao kine kine Anutu wane papiaņo ramaike, ea weneņ korop wakonwareake. ²³ Ņerep natne eņe ņatkeķei, so ņerep eņe kokorop mesikei, eaņo wikile suaine desikei, wikile suaine zok manerop kepo iwa watke rokopkayake, Anutuņo ņei ņerep yewao eņe wikile suaine eboniaķe. ²⁴ Kawali ņei eņe ņei ņerep natne enguwi seukkei, so ņabakopze eņe ņei ņerep natne mulap urum kepe maneo biraonikei. Qelaņ ņei ea eņe Yerusalem mat suainane kutno gesokpi barakeake. Anutuņo qelaņ ņei nasoene mo motke, ea wane rokopko ari mage qoeake.

Ņado Ņei Wawainane Gipole Sariaķe

²⁵ “Anutuŋo kaiwe, meso, serekin eŋano, kine kine mi kakaine, ma wakoniake. Nei ŋerep korop kepe banem kepe banem dereretene siukeake. Eŋe dibom suaine kiwetko wiriki ukatne detpi kaetoniake. ²⁶ Nei ŋerep eŋe kine kine mi kakaine kepeo wakoniakane tomakau, so qeliwo ukatke more qiseki kaet okane, deene lolike kepeo ket rasukei. Naso eao Anutuŋo kaiwe, so meso, so serekin qeliwo pamami, eŋe ra buratkeki kesikei. ²⁷ Pakimo, Nei Wawainane Gipole kezon kutno qelanane suaine so qeli ewe zonominerop sariake. ²⁸ Kine kine ea kieke wakoniake, ŋine wie qeliwo pore kaikei, pakimo nanane dereret gemami, ŋine ma menaŋ ongalane nasoine ea bomileake.”

Yesu Eŋe Fik Eki Wane Kine Kito Ebonge

²⁹ Yesu eŋe don ea raki qoeki don rokop mane edange, “Ŋine fik eki so eki welerop natne detmami. ³⁰ Eŋane metene posi qake more musele yabiki, ŋine ka more raikei, kaiwe naso bomilemaike. ³¹ Yalewaka ŋine kine kine mi kakaine wakongi, ka more raikei, ‘Anutuŋo wareŋonmaike, so eŋane qeli ewe zonom wakoniakane, ea wane naso bomilemaike.’

³² “Detsorokkei! Nei ŋerep natne eŋe naso iwao mi seukeu, kine kine korop yewa wakon wareake. Wakon wareki qoeki, naso yewao seukkei. ³³ Kepe so qeli ere mo ea nasoetne qoeki midakeik, ŋo nanane don yemo mi midayake.

Yesu Eŋe Dokoine Edange “Kaulukkei”

³⁴ “Ŋine kine kine kaulukkei, ŋine ŋara me doku loutne ne more wet niget misuk okane

gekei. Njine gege wane misuk dere umarekei. Njine wet niget yale geu nanane nosone ikopka sariki onanine qaeyakane. ³⁵ Njine njerep korop kepe banem ene nanane naso ea wakongi desikei. ³⁶ Njine naso banem wisikae more diam mo okorau, so Anutuŋo zonom njibongi togole okorakei wane mejenkaikei, njine zonomnjine wenenj wikile naso yuanka more Njine Wawainane Gipole enane kaitko kine kine yewa korop wakon wareki togogole okorakei, ea wane mejen kaikei.”

³⁷ Naso yewa kaiwe okangi, Yesu ene nej njerep Anutu wane Bakom Urum koto kito ebonge paki, kepe goeki, ene mat suaine qelige, ruoo ari bonaga Oliwa yewao metke. ³⁸ Kaiwe banem, sakoka kepe qae qae naso nej njerep korop Anutu wane Bakom Urungo ari lewage more, Yesu wane don detkakoi.

22

Yuda Nei Njine Edo Yesu Qeu Seukeakane Rakoi

¹ Bret Patpale peada naso ea bomileke, peada ea wane enetine mane, Anjelo Lolonon Lolonon peada. ² Naso yewao nej njerep korop Yesu wane siminonge, ea wane mosop nej njine suaine so ra rokop don ware ware, so Anutu wane papa togon welaine nej, Skribe, ene numa mane maratka more Yesu sanko qeu seukeakane, nia ziangoi.

Yudasjo Yesu Njaba Enane Meteeno Birakayakane Rake

³ Pakiso, Satanjo Yudas wane kotino wa ketke. Yudas ene Yesu wane dokoine 12 enane keueno

ņine mane, eņetine mane Iskariot. ⁴ Yudas eņe Yesu dokoine qeliņone more, mosop ņei suaine ņetne so Anutu wane Bakom Urum wane tebe ņei ņetne, eņano ari more Yesu mawakonka more, eņane meteeno birakayakane edange. ⁵ Eņe detpi siminongi, wesi manikei wane olatkoi. ⁶ Yudas eņe oņ ra more, Yesu sanko ma wakonkayakane numaine mane kieke dere maulukke.

Yesu Eņe Aņelo Loloņon Loloņon Peada Nasoo Dokoine Eņerop Weneņ Nara Neko

⁷ Bret patpalane soda weku, kaiwe mane Yuda edo aņelo loloņon loloņon wane lama qe okanmaņkoi, ⁸ ea wane Yesu eņe Petoro so Yohane biraore etange, “Njire ari aņelo loloņon loloņon peada wane ņara soep nekenane maulukpik.”

⁹ Ere Yesu qesonka rakoik, “Diao ņere ņara soep ea ari maulukete?”

¹⁰ Yesu mainge etange, “Njire ari Yerusalem waket more, ņei mane kauk doku tin teweke sari numao marat ņusiake. Njire ņei ea mogatka ariuk. Eņe ari matko wakesiake, njire yewa ari waket more, ¹¹ mat welaine iwa yale olasikeik, ‘Kito ņebo ņebonzeņo ramaike, Nanane mat aņaone diawao Aņelo Loloņon Loloņon Peadao na mere dokone eņerop ņara nekene?’ ¹² Yale ra qesonkauk, eņe urum ea aņaone mane suaine kutno weti metmet so zake kine kine mo mauluk maulukine sikanņutki, yewao njire ņaraze maulukkeik.”

¹³ Ere qelika more Yerusalem ari lotke more, Yesuņo etange, yale ņei maratka more, kine

kine korop maratkauk paki, ere Anjelo Loloŋon Loloŋon Peada wane ŋara soep maulukkoik.

Yesu Eŋe Dokoine Ruo Ŋara Gumeonge

¹⁴ Naso mo goekiso, Yesu eŋineso eŋane qelit ŋeikoune aposolo magu korop mat koto waket, zakeo ŋara ne metpi, ¹⁵ Yesu eŋe edane rake, “Na ŋinerop Anjelo Loloŋon Loloŋon ŋara soep nekalane zok manerop simin nanmaike, goeki na wikile desikale. ¹⁶ Na ŋidanmaile, naso kutno na Anjelo Loloŋon Loloŋon ŋara soep koso mane iwa ŋinerop mi nekale, ŋo Anutuŋo waremaike, naso eao Anjelo Loloŋon Loloŋon Peada wane kine watke rokopkeake, paki na ŋara soep ea koso nekale.”

¹⁷ Pakimo Yesu eŋe wain lase ma more, Anutu bakom kito more edange, “Ŋine wain iwa ma ama naguwi, ¹⁸ na ŋidanmaile, na ŋado koso mi nene gewe, Anutu wane qeli ewe zonom wakon-lukeake, naso eao koso nekale.”

¹⁹ Pakimo eŋe bret nat parom ma more, Anutu bakomine kito more, mapoke dokoine ebone more edange, “Iwa na bikumne, na solane ŋinane ra more qikkamaile, ŋine bret iwa ne more, naŋane seu seune detsorokkei.” ²⁰ Neu goekiso, Yesu eŋe wain lase ma more ebone rake, “Wain lase iwa naŋane weŋemne, na weŋemne ŋinane ra more qakmaile, na weŋemne ea Anutu wane tako rakot musele ma togoleake.

²¹ ”Ŋo ŋine detpi, ŋei na kima isisi okan nangi neu more nekukei eŋe iwa zakeo narop weneŋ metmaite! ²² Ŋei Wawainane Gipole, eŋe dalino seukeake, ea Anutuŋo mo ma togole rake, ŋo

nei eaŋo Nei Wawainane Gipole doplukka more, wikile zok manerop baŋ desiake!”

²³ Pakiso, dokoine eŋe don auye rakoi, “Maŋo nenane keuzo ŋine doplukayake?”

Dokoine Eŋe Don Auye Kitat Okane More Rakoi, “Maŋo Nenane Keuo ŋine ŋetne Okaniake”

²⁴ Yesu wane dokoine eŋe donene qeu kere pora okangi, auye kitat okan nagu more rakoi “Nenane keuzo ŋine maŋo ŋetne me wawaineze okanmaike.” ²⁵ Yesu eŋe detone more edane rake, “Qelaŋ nei waom eŋe nei nerekopene wikilerop wareon okanmami. No nei nerekopene eŋe nei waomkopene eŋane bango tamge more qelitene qe okanmami, ea wane eŋe don kelok okanka more, eŋe ‘Nei maine kine kine weku maneka okan okanmaike, ‘ yale ra mawaka magemami. ²⁶ No ŋido masi tanik ea misuk okanikei, midakaka! Ninane keuo ŋine maneo suaine me ŋetne okanbe raso, eŋe kimakoune eŋane bango ketkele so umi qe geake, so eŋe kimakoune natne ŋinane qelit qe qe urata ma geake. ²⁷ Me ŋine rau, maŋo me diawaŋo ŋetne okanmaike? Nei yaup metmeleka taboŋ mere neake, oŋo ŋetne, me ŋara mire mot ma ari sari qelit qe ma okanmaike, oŋo ŋetne? Nei metmetkoka taboŋ mere yaup nenineka nemaiké, oŋo ŋetne. No noŋo yemo ŋinane keuo qelit qe qe urata ma gemaile.

²⁸ Na liwe liwek so umat kine kine wakon nange, ŋine umat ea wane ra mi kaetŋungi, biranangoi, ŋine narop naso baŋem ge sarikoi.

²⁹ Ea wane Magak eŋe na eŋine tungo qeli ewe zonom warekalane ware ware biranange, so na

yale waka, ñine nanane tungo qeli ewe zonom warekei wane ware ware biranjunikale. ³⁰ Ea wane ñine ban ñado naso maneo qeli ewe zonomnane kotino, ñine metmet maine mere ñara doku maine nekei, so metmet mayakakatne mere Israel magu 12 wareonikei.”

Yesu Don Sainjine Rake, Peto-ro Bisopkayake

³¹ Pakiso Yesu eñe Peto-ro iwa yale olatke. “Saimon, Saimon! Detnom! Ñeiño rais me wit woune ma wanokñem, sinoine eñineka ño wele eñine okan okanmaike, Satan eñe mo rake, eñe mali malipñine liwekkayake, yemo yalewaka Anutu wano ñine korop ñibu more wikile kine kineño liwekoniakane mo ra togoleke. ³² Ño na geñane ra more mo meñenkakole, ge na malipnane more mi ket qe more siukene, pakiso ge umat yewa yuane more, koso zinge sari kimakopñone eñane zonomene manom togoleake!”

³³ Peto-roño mainge iwa yale olatke, “Waomne, na geñane ra more mulap urumgo maine wake-sikale, eñe ge gekuwi seuknom, na yale waka nekukei wane okanbi, ea maine, na mo ewekmaile.”

³⁴ Yesuño dere more olatke, “Peto-ro, na golatmaile, ukude ruo iwao tiak ñeiño bokaki mi qoeki, goño atak karewe bisop nanikene.”

³⁵ Pakiso, Yesu eñe dokoine qesonone rake, “Sogino, na ñine wesi, kite, kie kulit mida arikei wane biranjungole, naso ea ñine ñara wane seukkoi?”

Dokoine eñe olatkoi, “Mida! Ñara mo rokopzo ma gekone.”

³⁶ Yesu eje doneene dere more mainge rake, “No naso iwao, na njidanbe, njinane wesi me kite pamami, njine mau. Njinano njine jei manenjo sobaine mi pamaike, eamo momo takot maine qele more, wesi ea ma more soba qoleake. ³⁷ Na njidanmaile, Anutu wane papianjo nanane iwa yale ramaike, ‘Nei njerep eje Mesia detkakei, eje mulap jei.’ Anutu qelit jei don ea nanane ra more qeke, ea wane don rokoune ea mo ban wakonwareake.”

³⁸ Dokoine eje don ea dereluke olatkoi, “Waomze, kanom! Soba etke pamamik!” Pakiso Yesu eje rake, “Njine soba wane don ea yeine qelingei!”

Yesu Eje Oliwa Bonagao Menjenkake

³⁹ Yesu done raki goeki, so ejine so dokoine Yerusalem qelige Oliwa bonagao arikoi, eje mo arimanjoi, yalewaka eje bonaga ea arikoi. ⁴⁰ Ari lotke more, Yesu eje dokoine edange, “Njine Satan wane isi donjo mi matali njuniakane menjenkaikai.”

⁴¹ Pakiso, eje aman njigatne ari iwa yale menjenkake, ⁴² “Magak, na wikile mane desikale, ge wikile ea maine oma nanikene me? No ge nanane simile mi mogasikene, midaka! Ge genone similenone mogare ma warekene.” ⁴³ Menjenkaki, so anjelo mane qeliwo njine sari more maki zonomine togoleke. ⁴⁴ So Yesu eje manerop dere umare more, togogoleka menjen urata make, pakimo serinanenjo wiri wenjem leleke so kepo ket qake arike.

⁴⁵ Eje mejenkaki goeki, okora more medewekoune enano zinge arike. Ari more ongi, eje gomene zok manerop umareki, kulu pakoi.

⁴⁶ Pakimo Yesu eje ari dokoine ma wirikone more edane rake, “Njine daleo wane kulu pamami? Njine wieu paki, mejenkau. Njinano Satan wane liwe liwek wakongi ket gekei wane mejenkau!”

Yudasno Yesu Njaba Enjane Meteeno Motke

⁴⁷ Yesu eje yaleka ra okoraki, dokoine 12 enjane keuo njine mane Yudas eje magu suaine enjerep lotke more, Yesu wane osino sari muzupkake.

⁴⁸ No Yesuno olatke, “Yudas, ge na muzupnane more, Nei Wawainane Gipole eje njabakoune enano dopluk kamaine!”

⁴⁹ Pakiso, dokoine eje kine kine wakoniake, ea dere more Yesu qesonka rakoi, “Waomze, njene eje sobano maine engukene?” ⁵⁰ Yale rauso, dokoine enano njine maneno mosop nei suainane qelit medep mane enjane ketine wongo sobano kitatki ketke.

⁵¹ Yesuno yale ka more olale rake, “Njine yale misuk okanikei.” Eje metine mawa nei ea wane ketine more ma menankake.

⁵² Mosop nei suaine njetne, so Anutu wane Bakom Urum wane tebe nei njetne, so Yuda nei suaine, eje magu enjerep sarikoi, Yesu eje enjine so dokoine onbi edange, “Njine koak, sobarop luknan gekei wane sarimami, na kobu nei midaka, ⁵³ na kaiwe banjem Anutu ware Bakom Urum kotino njinjinerop okorakole, naso yewao njine mi malipnane luknangoi. Anutuno kine kine ea wakoniakane rake, ea njine maine maikei.

Naso iwao ŋine kine kine Satan wane panaman zonominerop mau wakongep!”

Petoroŋo Yesu Bisop Kake

⁵⁴ Yale rakiso, eŋe Yesu malipka metine wokomka more, Mosop Ŋei Suaine Ŋetne wane matko iwenka arikoi, ŋo Petoro eŋe Yesu ŋadino mogatkake. ⁵⁵ Ŋei natne eŋe sen koto mat ea wane osine gerep mau zeki, qenagare metpi, Petoro eŋe weneŋ sari ea gerep qenagare metke. ⁵⁶ Pakiso qelit ŋerep maneŋo Petoro gerepko metki pore ka more togogleka boka rake, “Ŋei iwa Yesurop wetneŋ geke!”

⁵⁷ Ŋo Petoroŋo bisopka rake, “Ŋerep, ŋei ea mi detkamaile.”

⁵⁸ Naso bamgo qoeki so, ŋei maneŋo Petoro ka more olatke, “Ge Yesu wane tegoo gekone!”

Ŋo Petoroŋo mainge olatke, “Ge detnom, na midakaka!”

⁵⁹ Mi azongiso, ŋei maneŋo Petoro ka more, ŋei ŋerep magu togoleka edange, “Ŋei iwa eŋe Galili ŋine, eŋe welekatne Yesurop weneŋ ge okange.”

⁶⁰ Ŋo Petoroŋo mainge olatke, “Ge detnom! Na geŋane don ramaine ea mi dere qelaŋanmaile.”

Eso yewaka, Petoro eŋe don ea raki mi qoeki, tiak eŋe bokake. ⁶¹ Pakiso Yesu eŋe aman okora more zinge Petoro porekake, porekaki, Petoroŋo Yesu wane don detsorokke. Yesuŋo qei bano mo iwa yale rake, “Tiakŋo bokaki mi qoeki, goŋo na atak karewe bisop nanikene.” ⁶² Petoro eŋe don ea detsoroke more, ari wetine tabaeki zok manerop aro kakapa suaine arokke.

Nei Natne Eje Yesu Tenikka More Isi Bela Qe-bela Okankakoi

⁶³ Nei natnejo Yesu mau paki, wareka more Yesu wane wawaine don isi bela okanka more ge kito okankakoi. ⁶⁴ So eje Yesu wane deine laplapjo piseka more qesonka rakoi, “Ge Waom wane nei dereret korop, wawaine gemaineo, ge ra qelajanikene! Maŋo gekumaike?” ⁶⁵ Eje Yesu wane wawaine don so don qotkoine natne loutne manerop takotke ra okankakoi.

Yesu Eje Yuda Wane Kaunsol Wane Kaitko Okorake

⁶⁶ Kepe qaeki, Yuda nei suainekopene, so Mosop Nei Suaine Netne, so Anutu papa togon welaine nei, Skribe, eje korop lewage more, tebe nei bira onbi, eje Yesu iwenkau enjane Kaunsol kaiteno okoraki rakoi, ⁶⁷ “Ge nedannom, desikene, ge Mesia me mida?”

Yesu eje mainge rake, “Na njidanikaleo, njine don ea mi malip kaikei, ⁶⁸ so na njine qeso qeson mane qesonnjunikaleo, njine don ea mi mainge raikiei. ⁶⁹ No, na njidanmaile, naso iwa njine, kutno pawayake, Nei Wawainane Gipole, eje Anutu zonom welaine wonino mesiake.”

⁷⁰ Pakiso Eje korop qesonka rakoi, “Ge Anutu wane Gipole me?”

Yesu mainge edange, “Njedom mo ea ramami yale.”

⁷¹ Yale rakiso, magu korop rakoi, “Nene koso nei natne mi edoraŋem sari, enjane don nedanbi dere dongo mi birakakene, yeine! Eje mo anjaineno ramaikie, nedom don ea mo ketzenjo detkamaine.”

23

Nei Edo Yesu Pilat Kaitko Iwenka Arikoi

¹ Kaunsol nei korop eŋe wie more, Yesu, Pilat kepe nei waom wane matko iwenka ari more, ² ea Yesu wane don iwa yale kieke rau paki birakakoi, “Nene nei ea kaŋem nei nɛrep magu isi don iwa yale edan okanmaike, ‘Njine Roma kepe ware ware suaine, Sisa, takis misuk manikei,’ so ‘Na Mesia! Na Yuda wane kepe ware ware,’ yale rake.”

³ Pilatŋo eŋane don dere Yesu qesonka rake, “Ge Yuda wane kepe ware ware me mida?”

Yesu eŋe mainge rake, “Oo, mo yewa goŋom ramaine yale.”

⁴ Pakiso Pilatŋo Mosop Nei Suaine Nɛtne so nei nɛrep magu ea edange, “Nei iwa kine kine qotkoine mi make, ea wane na wikile mi manikale.”

⁵ No Mosop Nei Suaine Nɛtne so eŋane tego eŋe Pilat togole sorinka rakoi, “Eŋe welekatne nei nɛrep qebin mabin okane, sorin borin okanongi, donineŋo kepeze rokopke arimaika. So eŋe nei nɛrep kito ebongi, Galili kepeo njineka ra kieke sari mage iwa Yuda kepeo weneŋ yale waka rokopke wakon arimaika.”

Pilatŋo Yesu Herot Wano Birakake

⁶ Pakimo, Pitat eŋe don ea dere more qeson one rake, “Nei iwa eŋe Galili kepeo njine me?” ⁷ Pilat eŋe naso yewao iwa yale detke, Yesu eŋe Herotŋo kepe waremaika, nat paromine yewao njine, ea wane Pilatŋo Yesu eŋe koso Herot wano birakake, Herot eŋe naso yewao Yerusalem

matko geke. ⁸ Herot eje naso kiroine Yesu marat kayakane dere geke, ea wane eje Yesu kaki paki siminkake. Yesu eje masi tanik kine kine kine mane make ea Herot eje mo loutne detke, ea wane Herot eje Yesu wane masi togole mane kayakane detke so wetkeke. ⁹ Yalinane Herot eje Yesu qeso qeson loutne manerop qesonkake, ɲo Yesu eje don mane mi mainge rake. ¹⁰ Yale okangi Mosop Ɗei Suaine ɲetne so Anutu papa togon welaine ɲei, Skribe, eje sari Yesu wane don togole rau paki, don uratao birakakoi. ¹¹ Rau qoekiso, Herot so kawali ɲeikoune eje Yesu maket biraka more isi bela okankau paki, masi kine kine qotkoine loutne okankakoi. Pakiso eje Yesu wane laplap mayakakatne wekumane biraka more, Pilat wano koso mainge ari birakakoi. ¹² Kaiwe yewao, Pilat so Herot ere kima kima okangoik, sogino yemo ere ɲaba ɲaba okan nagu gekoik.

Pilatɲo Yesu Kibego Qekei Wane Rake

¹³ Yesu eje zinge sarikiso, Pilatɲo Mosop Ɗei Suaine ɲetne so Yuda ɲei suaine so ɲei ɲerep korop edoraki lewage okorau, ¹⁴ edange, “Ɗine ɲei iwa naɲano iwenka sari remi ‘Eje don isi-sine loutne ɲei ɲerep edan okanmaike’ . Naso iwao, na ɲinane kaitko eje mo qesonkele, ɲo masi qotkoine mane ea ɲine mo remi, eamo na mi maratkele. ¹⁵ Herot eje weneɲ yale waka kine kine qotkoine mane mi maratkeke, ea wane ɲei iwa eje naɲano koso birakeke, sogino eje kine kine qotkoine mane mi make, ea wane na eje maine mi qewe seukeake. ¹⁶ Iwamo

na kawali ñeikopne edanbe kumunamñoka dime more qeliñkau ariake!” ¹⁷ Anjelo lolonjon lolonjon koma korop Pilatño ñei ñerep enjane simile mogare mulap ñeiene mane qelige siwotkaki ari mageke.

¹⁸ Ñei ñerep magu don ea dere more, enjane korop boka rakoi, “Ge ñei iwa qenom seukkep! Njo ge Barabas siwotkanom ñenano sarikep!”

¹⁹ Sogino, Barabas enjane ñei natne enguki seukkoi so Yerusalem matkoto kawali mane kepe ware ware enjane maki wakonge, ea wane Pilat wane kawali ñei edo mulap urumgo birakakoi.

²⁰ Njo Pilatño Yesu siwotkayakane dere more, ñei ñerep koso sorinone rake, “Na Yesu maine qeliñkaikale.” ²¹ Ea wane magu suaine enjane kakapa donine boka mainge rakoi, “Ñine kibego qeu seukkep! Ñine kibego qeu seukkep!”

²² Njo Pilat enjane atak karewe koso soringe edange, “Ñine enjane masi qotkoine make, ea nolatpi detpe! Na enjane masi qotkoine mane mi marat kamaile, ea wane na enjane maine mi qewe seukeyake! Na kawali ñei kopne edanbe kumunamñoka qe more, siwotkau ariake.”

²³ Njo ñei ñerep magu enjane Pilat wano togogole boka sorinka more olatkoi, “Ge Yesu kibego qem seukep!” Ñei ñerep enjane yalewa boka olale more Pilat manerop yuankakoi. ²⁴ Ea wane Pilatño ñei ñerep magu enjane simile mogare kawali ñeikoune enjane Yesu kibego qekei wane detonge. ²⁵ Barabas enjane sogino ñei natne enguki seukkoi so kawali make, Pilatño ñei ea mulap urumgo ñine ma sari siwotkaki ariake. So Pilatño Yesu enjane ñei

ɲerep eɲane simile mogare kawali ɲei eɲane meto birakake.

Eɲe Yesu Kibego Qeu Seukke

²⁶ Kawali ɲei eɲe Yesu iwenka Yerusalem mat ɲadino arikei wane arikoi. ɲei mane, eɲetine Saimon, Sairini matko ɲine, eɲe Yerusalem wane saiwo ɲine sariki, kawali ɲei eɲe malipka more, Yesu wane kibeɲ manbi teweke, Yesu ɲadino mogatkake.

²⁷ ɲei ɲerep magu suaine eɲe Yesu mogatkakoi, eɲane keueno ɲerep natne eɲe Yesu wane ra more arokkoi. ²⁸ Yesu eɲe aroene dere more mainge don edan rake, “ɲine Yerusalem ɲine ɲerep nau! ɲine naɲane ra more misuk arokkei. ɲine ɲinɲine so medewekop ɲine eɲane ra more yemo maine arokkei. ²⁹ ɲine detpi, baɲ naso maneo ɲei ɲerep korop iwa yale raikei, ‘ɲerep eɲe medep mama wane rokop mida, so ɲerep eɲe medep mane mi makoi, ɲerep eɲe medep ɲamu mi gumeongoi, ea eɲe bakom maine ki-tokei.’ ³⁰ Naso yewao, ɲei ɲerep eɲe bonaga edora meɲenone more raikei. ‘ɲine ɲene maine ket supa ɲonikei.’ Eɲe bonaga nigatne edora meɲenone raikei, ‘ɲine ɲene motɲonikei’ . ³¹ Eɲe naɲano kine kine gotkoine manerop okannanmami, eɲe ɲinano yale waka masi gotkokoine natne baɲ okanɲunikei me daleo? ɲaba edo kine kine gotkoine naɲano naso iwa okannanmami, yalewaka eɲe baɲ gotkokoine ɲine okanɲunikei.”

³² Kawali ɲei eɲe mulap ɲei etke Yesurop iwenore more, etkukei wane arikoi. ³³ Pakiso kepe eɲetine, ‘Lewet Setne’ , ea lotke more, Yesu

kine so metine kiruṅaṅo kibego qe more, so mulap ṅei etke Yesu wonino so kanaino etkukoi. ³⁴ Pakimo, Yesu eṅe rake, “Magak, ge ṅei iwa eṅane masi so sot turuṅene iwa qeliṅka niget gangep! Eṅe kine kine iwa mamami, eṅe ea mi detlukkamami.”

Yale rakiso, kawali ṅei Yesu wane laplap mal-oine yewa ma more, masisiṅo kine qe wakon masi wezu mane mau paki bare more, yuane damo qe more anagukoi. ³⁵ ṅei ṅerep eṅe okora kakoi, Yuda ṅei suaine don rau paki, isi bela okanka rakoi, “Eṅe ṅei ṅerep natne ma menaṅonge, eṅe Mesia okane, Anutuṅo eṅe birakakeo, eṅe oṅom maine ma menaṅ nagu yake!”

³⁶ Kawali ṅei eṅe weneṅ don so isi bela okanka more, wain qotkoine manikei wane sari, ³⁷ olatkoi, “Ge Yuda kepe ware ware suaine okanmaineo, ge maine kibego ṅine kesikene.”

³⁸ Pilatṅo kibeṅ kutno kibi iwa yale qeke. “Iwa Yuda Kepe Ware Ware Suaine.”

³⁹ Mulap ṅei mane, Yesurop weneṅ engukoi, eṅe don qotkoine Yesu olale more rake, “Ge Mesia okanmaineo! Ge geṅone qesiṅ nagu more, ṅere weneṅ qesiṅ ṅotnom me?”

⁴⁰ No mulap ṅei maneṅo ṅei ea don okanka more rake, “Ge seu seu wane biṅek raraineṅo, Anutu wane mi kaet ganmaike me? Ge eṅe yale koboboineṅo seukene me? ⁴¹ ṅere mo sogino kine kine qotkoine makote, ea wane ṅere maine seukkete, ṅo ṅei iwa eṅe kine kine qotkoine mane mi make.” ⁴² ṅei eaṅo koso zinge Yesu olatke, “Yesu, ge zinge sari kepe ware ware suaine

okanikene, naso yewao na weneŋ siluŋ mide detsorok nanikene.”

⁴³ Yale raki, Yesuŋo olatke, “Na welekakatne golatmaile, ge ukudeka narop qeliwo gege togon matko weneŋ mesikete.”

Yesu Eŋe Seukke

⁴⁴ Kepe deine oŋabango okangi, kaiwe mi sirike more, kepe ea korop panamane paki, ari 3 kilok kaiwe koso sirikke, ⁴⁵ naso yewa laplap suaine Anutu wane Bakom Urum kotino okorake, ea keuoka buntut wiri sari ketki qela qoeke.

⁴⁶ Pakiso, Yesu eŋe boka rake, “Magak, ge nanane oŋa oŋa asune ea na mo metŋono motmaile, ge maikene!” Yale ra more asuine saki seukke.

⁴⁷ Yesu eŋe seukkiso, kawali ŋei ŋetne mane ea ka more, Anutu eŋetine mawakaki paki rake, “Welekatne, eŋe ŋei wele koboboine so weku-maney!”

⁴⁸ Pakiso, ŋei ŋerep magu eŋe kine kine wakonge, ea kaikei wane sarikoi, eŋe Yesu seukki dere more, qom borik ongi, so mateno zinge ariwarekoi. ⁴⁹ ŋei ŋerep eŋe Yesu detlukkakoi, eŋe so ŋerep natne Galili ŋine mogatkakoi, ea eŋe korop osop osop okora masi tanik ea wakonge, rokop kawarekoi.

Yosep Eŋe Yesu Pareŋine Kezem Koto Motke

⁵⁰⁻⁵¹ ŋei mane, eŋetine Yosep, Arimatea mat, Yuda kepeo ŋine, eŋe ŋei koboine, ewinerop. Eŋe Anutu wane qeli ewe zonom sari sari wane toma geokange. Eŋe Yuda Kaunsol okorake, ŋo Kaunsol eŋe don kine kine ra more, Yesu togoleka makoi, eŋe mi oŋge. ⁵² ŋei eaŋo Pilat wane

kaitko ari lotke more, Yesu pareņine maine ma ari dukkayake me daleo, ea wane qesonkake. ⁵³ Pilat eņe oņ rakiso, Yosep eņe ari laplap mane libeka qoleke, laplap eaņo Yesu wane pareņine makokka more kawetkaki paki, deņesereo ma ari kezem koto motke. Lom yewa ņei maneņo mo wesi weku suaine ea wane bano yasoki okorake, sogino ņei mane yewao mi dukkakoi. ⁵⁴ Naso yewa mo nagapko, sogino sarereo Yuda edo qezareko metkoi, ea wane nagapko eņe Yesu wesi kezem birakake

⁵⁵ Pakiso ņerep eņe Yesu Galili ņine mogatkakoi, eņe Yosep mogatka more, kezem so Yesu pareņine daline paki, ea kakoi. ⁵⁶ Pakiso mateno zinge ari more, kelok kine kine qounerop maulukoi.

Anutu ra rokop don pake, ea wane eņe qezarek naso sarere, eamo yaup metkoi.

24

Yesu Eņe Koso Wisikae Wieke

¹ Kepe qae qae, Sodao ņerep eņe kelok qounerop mo maulukoi, ea ma more deņesereo arikoi. ² Eņe ari pore kau, wesi suaine kezem aņaino metke, ea mo rodigeu saket arike. ³ Eņe kezemgo waket pore, Waomene Yesu wane pareņine mi kakoi. ⁴ Daleo wakonge, ea eņe mi detluke okorau, so ikopka ņei etke laplap libekaropņo ņerep eņane ososeno okorakoik. ⁵ ņerep eņe kaet suaine ongi, so kepeo ket rasu pau, so ņei etke ere edangoik, “ņine onoka wane ņei wisikaune deņesereo seu seune eņano ziaņkamami? ⁶ Eņe iwa mi metmaiike, Anutuņo

ene maki wisikae wiike. Detsorokeu, ene iwa mi pamaike, sogino Yesu ene Galili ge more, iwa yale edange, ⁷ 'Nei maneno nei sotenerop enane meteen, Nei Wawainane Gipole birakaikei. Nei sotenerop enane ra, kibego qeu seukkeake, no kaiwe karewe pa more, kutno ene koso wisikae wieake.' "

⁸ Pakiso, nrep ene Yesu wane don detsoroke more, ⁹ kezemgo nne zinge ari, dokoine elewen so nei nrep magukopene maratongoi, nei etke ene nrep edangoik, ea korop nrep ene medep enjene so magukopene edangoi. ¹⁰ Nrep ea Maria, Magdalena matko nne, so Yoana, so Maria, Yakop wane nagaine. Nrep ea so nrep natne ene Yesu wane qelit nei, aposolo, don kisi edangoi. ¹¹ No aposolo ene detkoi, nrep ene don weleka zok mi ra okanmami, ene don yau yaup ra okanmami, ea wane enane don mi malipkako. ¹² No Petoero ene wie biririke ket denesereo ari potki waketki kaki, kezem koto ea mo laplapnoka pake, ene yale ka more, onaine qaeki, koso matko zinge welepke more, kine kine wakonge, ea wane zok manerop dereret urata ma arike.

Yesu Ene Dokoine Etke Maratkake

¹³ Soda yewao Yesu wane dokoine etke Emaus mat arikeik wane arikoik. Mat ea wane duma kilomita 11 Yerusalem nne. ¹⁴ Kine kine Yerusalem matko wakonge, ea ene don auwik so, ¹⁵ Yesu onom erano maratore more, ererop wenen geke. ¹⁶ Ere ka more so mi detlukkakoik. ¹⁷ Pakiso Yesu ene qesonore rake, "Dalino aumamik?" Ere don mane okora more qom borik

zok otke. ¹⁸ Nei mane, eņetine Kleopas eņe Yesu qesonka rake, “Ge Yerusalemgo kulit gemaine? Kine kine soda iwao wakonge, ea ge mi detmaine?”

¹⁹ Yesu eņe qesonka rake, “Onokaka wakonge?”

Nei etke ere mainge olatkoik, “Yesu, Nasaret ñine eņano kine kine ea wakonge, ñei ea eņe Anutu wane qelit ñei mane, eņe don zonomineropño ñei ñerep kito edange, so masi togole ñei ñerep so Anutu kaiteno make. ²⁰ Ñenane Mosop Ñei Suaine ñetne, so ñei ñetne natne eņe Pilat wane meteo birakakoi. Pakimo Pilatño kawali ñei eņane meto rakoke ebongi, kibego qeu seukke. ²¹ Mo sogine qei bano Anutuño rake, eņe ñei mane bañ Israel ñei ñerep qesiñ ñoniakane birakayake, so naso eao ñene Yesu wane yale rakone, eņe bañ Yuda ñei mapik ñoniake ra more urata ea mayakane detkone, ño eņe seukke, mo iwa kaiwe mama karewe qoemaikae. ²² Kepe qae qaeo ñerep natne, ñenane magu keuo ñine, eņe kezemgo ari more, ²³ Yesu wane parenjine mi maratka more, ñenano zinge sari iwa yale ñedanmami, “Ñene aņelo otņem mo rakoik, ‘Yesu eņe mo wisikae wiemaikae’ .” ²⁴ Ea wane oņaze qaeki, ñei natne ñenane magu keuo ñine, eņe ari kezemgo ka more, Yesu mi kamami. Ñerep eņe kine kine korop remi, ea korop welekatneka.”

²⁵ Pakiso Yesu eņe etange, ”Ñine dereretñine midaine, sogino Anutu wane qelit ñei eņe kine kine gekoi, ñine don ea ikop mi malip kamami. ²⁶ Anutuño rake, Mesia eņe wikile suaine desiake, pakimo Mesia eņe qeliwo qelaninerop wayake.”

²⁷ Yesu eɲe dokoine etke erano Anutu wane papiao don korop pamaike ea ra qelaɲange, Yesu eɲe Mose wane kibi ea ɲine kiekie more, ari mage Anutu qelit ɲeikoune eɲe kibi korop Mesia wane ra more qekoi, ea ra qelaɲan otwareke.

²⁸ Pakiso eɲe Emaus osino lotkeu paki, Yesu eɲe mat maneo bira ore ariakane okange. ²⁹ Ɓo ere Yesu ma wauluka more rakoik, “Ruo kere-maike, kaiwe qoeyake, ge ɲererop mesikene.” Yale raukso, eɲe yewa metke. ³⁰ Eɲe ererop ɲara neyakane metke, eɲe bret ma mosopka more, mapoke ere eponge. ³¹ Pakiso erane dereretetne qelaɲangi. so eɲane kine detlukkakoik, ɲo Yesu eɲe siukki, so ere mi kakoik. ³² Arikiso, ere don iwa yale aukoik, ”Dumao, ɲene sarine, eao eɲe Anutu wane papia ɲerano ra qelaɲanike, naso eao qomso zok kitike.”

³³ Au more qoeki, ikopka eɲe wie more, Yerusalem zinge ari more, dokoine 11, so ɲei ɲerep natne maratonbik lewanɲoi. ³⁴ Ɓei ɲerep magu eɲe edanbik rakoi, “Waomze welekatne wisikae wiike, eɲe Saimon mo wakonkeke!”

³⁵ Ɓei etke ere kine kine dumao wakonge, ea korop ra qelaɲangoik, Yesu eɲe dalino bret mapoke, ea wane ere eɲane kine detlukkakoik, ea korop ra edangoik.

Yesu Eɲe Dokoine Eɲano Lotkeke

³⁶ Ɓei etke ere don kisi ea edanbik, mi qoeke, naso yewaoka Yesu eɲe eɲane keueno wakone okora more edange, “Peamɲo ɲinano pawayake!”

³⁷ Eɲe Yesu ka more oɲaɲa kamaine ra manerop zok kaetonge. ³⁸ Ɓo Yesuɲo edange,

“Njine misuk kaet njungep! Njine dere mezet mi okanikei! ³⁹ Njine nanane kie metene kau, nojom sarimaile. Njine solane uanane kau. Onja onja ene bikumine setine mida. Na bikumne so setnerop.”

⁴⁰ Yale ra more ene kie metine ea kawali nei edo kirunajo qekoi lopot ea korop sikanonge. ⁴¹ Ene bakom zok suaine manerop kitokoi, no ene wetenejo yemo mi malipkakoi. Ene dere qeka okane njanakakoi. Pakiso Yesu ene qesonone rake, “Nara natne pamaike me?” ⁴² Ene zawon zezine nat manbi, ⁴³ ma more, enane kaitko neke. Neki qoeki edange,

⁴⁴ “Sogino na njinano gekole, naso ea na kine kine njidankole, ea korop mo wakonge. Mose wane ra rokop don so Anutu qelit nejikoune enane papia so Sam papia, kine kine korop papia ea wane kotino pamaike, eamo nanane ra more wakonge.”

⁴⁵ Pakiso qesijone more ra qelanane edangi, dokoine ene Anutu wane kine papiao pamaike, ea detlukkoi. ⁴⁶ So Yesu ene dokoine edange, “Anutu wane papiao pamaike, ‘Mesia ene wikile dere more seuke kaiwe mama karewe pa more koso wisikae wiyake. ⁴⁷ Njine ari nei njerep kepe banem kepe banem nanane binjek don ra qelanjabi, wetene maingekei. So njine urata eamo Yerusalem mat kotine kieke more ra qelanjanikei. Pakimo nei njerep ene kimakopene enane sot turujene ea njadekaikei, ea wane rokop Anutujo yale waka enane sot turujene ea qelinge nigetkayake. Njine don ea ra qelanangei. ⁴⁸ Njine kine kine wakongi, denjinejo kakoi so ketjinejo

detkoi, ea nei n̄rep kito edane more ra qe-
lan̄onikei. ⁴⁹ So n̄ine koso detpi sogino, Magak̄no
kine kine ra togole n̄ibonge, eamo koso nōno
n̄ibonikale. So n̄ine Yerusalem matko toma metpi,
zonomne ea qeliwo n̄ine n̄inano kesiake.”

Yesu Ēne Qeliwo Wake

⁵⁰ Pakiso, Yesu ēne dokoine Yerusalem n̄ine
iwenon ari more, Betani lotkekoi, yewao Yesūno
meteene ma more mosoponge. ⁵¹ Mosop ea
mi qoeki, Anutūno Yesu qeliwo maki wake.
⁵² Dokoine ēne Yesu ēnetine bukeu waki koso
Yerusalem matko zinge arikoi, Yesu ēn̄ine magu
korop̄no bakom suaine kito more, ⁵³ so ēne
naso ban̄em Anutu wane Bakom Urumgo ari
yewao Anutu ēnetine takorakot ora bueku waki
mēn̄enka gewaman̄koi.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963